

# IN EPIPHANIA DOMINI.

*Statio ad sanctum Petrum.*

*Introitus.*



**F**ecit aduenit Domi-  
nator Dominus: & re-  
gnum in manu eius,  
& potestas, & impé-  
rium. Psalm. Deus  
iudicium tuum Regi  
da: & iustitiam tuam Filio Regis.

*v. Gloria Patri. Oratio.*

**D**eus, qui hodierna die Vni-  
genitum tuum Géntibus  
stella duce reuelasti: concède pro-  
pítius; vt, qui iam te ex fide cog-  
nouimus, vsque ad contemplán-  
dam spécie[m] tuæ celsitudinis per-  
ducámur. Per eúdem Dñm.

*Lectio Isaíæ Prophétæ.*

**S**urge, illuminare Ierúsalem:  
quia venit lumen tuum; &  
glória Dómini super te orta est.  
Quia ecce tenebræ opérient ter-  
ram, & caligo pópulos: super te  
autem oriétur Dóminus, & glória  
eius in te vidébitur. Et ambulá-  
bunt Gentes in lúmine tuo, & re-  
ges in splendóre ortus tui. Leua in  
circúitu óculos tuos, & vide: om-  
nes isti congregati sunt, uenerunt  
tibi: filij tui de longè uenient, &  
filix tuæ de latere surgent. Tunc  
uidébis, & afflues, & mirábitur &  
dilatábitur cor tuum, quando con-  
uersa fuerit ad te multitúdo ma-  
ris, fortitúdo Géntium uenerit ti-  
bi. Inundatio camelórum opériet

te, dromedárij Mádian & Epha:  
omnes de Saba uenient, aurum &  
thus deferentes, & laudem Dó-  
mino annuntiántes.

*Graduale.* Omnes de Saba ué-  
nient, aurum & thus deferentes, & lau-  
dem Dómino annuntiántes. *v.* Sur-  
ge, & illuminare Ierúsalem: quia gló-  
ria Dómini super te orta est. Allelúia,  
allelúia. *v.* Vidimus stellam eius in  
Oriente: & uenimus cum munéribus  
adorare Dóminum. Allelúia.

*Sequéntia sancti Euangélj  
secúndum Matthæum.*

**C**um natus esset Iesus in  
Béthlehem Iuda in diébus  
Heródis regis, ecce Magi ab O-  
riente uenerunt Ierosólymam, di-  
céntes: Vbi est qui natus est Rex  
Iudæórum? uidimus enim stel-  
lam eius in Oriente, & uenimus  
adorare eum. Audiens autem He-  
ródes rex, turbátus est, & omnis  
Ierosólyma cum illo. Et congre-  
gans omnes príncipes sacerdotum,  
& Scribas pópuli, sciscitabá-  
tur ab eis ubi Christus nasceré-  
tur. At illi dixerunt ei: In Béthle-  
hem Iudæ. Sic enim scriptum est  
per Prophétam: Et tu Béthlehem  
terra Iuda, nequáquam mínima  
es in princípibus Iuda: ex te enim  
éxiet dux, qui regat pópulum  
meum Israél. Tunc Heródes,  
clám vocatis Magis, diligénter  
dídicit ab eis tempus stellæ, quæ

appa-

apparuit eis: & mittens illos in Bêthlehem, dixit: Ite, & interrogate diligenter de puero: & cum inuenêritis, renuntiâte mihi, vt & ego veniens adorem eum. Qui cum audissent regem, abiêrunt. Et ecce stella, quam viderant in Oriente, antecedebat eos, vsque dum veniens staret supra vbi erat puer. Videntes autem stellam gauisi sunt gaudio magno valdè. Et intrantes domum, inuenêrunt puerum cum Maria matre eius, & procidentes, adorauerunt eum. Et apertis thesauris suis obtulerunt ei mûnera, aurum, thus, & myrrham. Et responso accepto in somnis ne redirent ad Herodem, per aliam viam reuersi sunt in regionem suam. Credo.

Offertorium. Reges Tharsis & insulæ mûnera offerent: reges Arabum & Saba dona adducent: & adorabunt eum omnes reges terræ, omnes Gentes seruiant ei. Secreta.

**E**cclésiæ tuæ, quæsumus Dômine, dona propitius intueri: quibus non iam aurum, thus, & myrrha profertur; sed quod eisdem munèribus declaratur, immolatur & sumitur, Iesus Christus Filius tuus Dôminus noster. Qui tecum viuit.

Præfatio. Quia cum Vnigenitus tuus. Et infra actionem. Communicantes, & diem sacratissimum, &c. vt in Præfationibus. Et dicuntur per totam Octauam.

Communio. Vidimus stellam eius in Oriente: & venimus cum munèribus adorare Dôminum.

Postcommunio.

**P**ræsta quæsumus omnipotens Deus: vt quæ solèmniter celebramus officio, purificatæ mentis intelligentia consequamur. Per Dôminum nostrum.

Infra Octauam Epiphaniæ fit idem Officiûm, quod in die: & post Orationem diei dicuntur Orationes. Deus, qui salutis æternæ. & Ecclesiæ tuæ. vel pro Papa. Deus omnium fideliûm. vt supra in Dominica secunda post Epiphaniam. fol. 52.

De festis Duplicibus, & Semiduplicibus, quæ infra Octauam veniunt, nihil tunc agitur (nisi tantum de Patrono vel Titulari Ecclesiæ, & de Dedicatione eiusdem, in propria Ecclesia, non tamen in die Octaua) sed peracta Octaua celebrantur: de Simplicibus verò fit tantum commemoratio.

In Dominica infra Octauam Missa dicitur vt infra. Quod si Epiphania venerit in Dominica, ipsa Missa Dominicæ dicitur in Sabbato infra Octauam, & in die Octaua nihil fit de Dominica.

## D O M I N I C A

infra Octauam Epiphaniæ.

Introitus.



In excelsis throno vidi sedere virum, quem adorant multitudo Angelorum psallentes in vnum: ecce cuius imperij nomen est in æternum.

Psalmus. Iubilâte Deo omnis terra: seruîte Dômino in læticia. Gloria Patri.

Oratio.

Oratio.

**V**Ota, quæsumus Dómine, supplicántis pópuli cælésti pietáte proséquere: vt, & quæ agénda sunt, vídeant; & ad implénda quæ viderint, conualéscant. Per Dóminum nostrum.

Et fit commemoratio de Octaua Epiphaniæ. Oratio.

**D**Eus, qui hodiérna diē Vnigénitum tuum Génitibus stella duce reuelásti: concède propítius; vt qui iam te ex fide cognóuimus, vsque ad contemplándam spéciem tuæ celsitudinis perducámur. Per eúdem Dóminum.

Léctio Epístolæ beáti Pauli Apóstoli ad Romános.

**F**Ratres, Obsecro vos per misericórdiam Dei, vt exhibeátis córpora vestra hóstiam viuéntem, sanctam, Deo placéntem, rationábile obséquium vestrum. Et nolíte conformári huic sæculo, sed reformámini in nouitate sensus vestri: vt probéti quæ sit voluntas Dei bona, & benéplacens, & perfectá. Dico enim per grátiam quæ data est mihi, ómnibus qui sunt inter vos: Non plus sapere, quàm opórtet sapere, sed sapere ad sobrietátem: & vniciúque sicut Deus diuísit mensúram fidei. Sicut enim in vno córpoꝛe multa membra habémus, ómnia autem membra non eúdem actum habent: ita multi vnum corpus sumus in Christo, singuli autem alter alterius membra: in Christo Iesu Dómino nostro.

Graduale. Benedíctus Dóminus

Deus Israël, qui facit mirabília magna solus à sæculo. *Y.* Suscípíant montes pacem pópulo tuo: & colles iustítiam. Allelúia, allelúia. *V.* Iubiláte Deo omnis terra: seruite Dño in lætítia. Allelúia.

Séquéntia sancti Euangélij secúndum Lucam.

**C**VM factus esset Iesus annórum duódecim, ascendéntibus illis Ierosólymam secúndum consuetúdinem diéi festi, consummatísque diébus, cum redírent, remánst puer Iesus in Ierúsalem, & non cognouerunt paréntes eius. Existimántes autem illum esse in comitátu, venérunt iter diéi, & requirébant eum inter cognátos, & notos. Et non inueníentes, regréssi sunt in Ierúsalem, requiréntes eum. Et factum est, post trídium inuenérunt illum in templo sedéntem in médio doctórum, audíentem illos, & interrogántem eos. Stupébant autem omnes, qui eum audiébant, super prudéntia & respónsis eius. Et vidéntes admiráti sunt. Et dixit mater eius ad illum: Fili, quid fecísti nobis sic? ecce pater tuus & ego doléntes quærebámus te. Et ait ad illos: Quid est quòd me quærebátis? nesciebátis, quia in his, quæ Patris mei sunt, opórtet me esse? Et ipsi non intellexérunt verbum, quod locútuus est ad eos. Et descendit cum eis, & venit Náza-reth: & erat subditus illis. Et mater eius conseruábat ómnia verba hæc in corde suo. Et Iesus proficiébat sapiéntia, & ætáte, & grátia apud Deum & hómines. *C* redo.

**O**ffertorium. Tubilâte Deo omnis terra, seruïte Dómino in lætítia: intrâte in conspéctu eius in exultatióne, quia Dóminus ipse est Deus. *Secreta.*

**O**blátum tibi Dómine sacrificium viuíficet nos semper, & múniat. Per Dóminum.

De Epiphania. *Secreta.*

**E**cclésiæ tuæ, quæsumus Dómine, dona propítius intuere: quibus non iam aurum, thus, & myrrha profertur; sed quod eisdem munéribus declarâtur, immolâtur & súmitur, Iesus Christus Fílius tuus Dóminus noster. Qui tecum uiuit.

*Commúnio.* Fili, quid fecisti nobis sic? ego & pater tuus doléntes quærebâmus te. Et quid est quòd me quærebâtis? nesciebâtis, quia in his, quæ Patris mei sunt, opórtet me esse?

*Postcommunio.*

**S**upplices te rogâmus, omnípotens Deus: vt quos tuis réficis sacraméntis, tibi étiam plácitis móribus dignânter deseruïre concedas. Per Dóminum.

De Epiphania. *Postcommunio.*

**P**ræsta quæsumus omnípotens Deus: vt quæ solémni celebrâmus officio, purificatæ mentis intelligéntia consequâmur. Per Dóminum nostrum.

## IN OCTAVA

Epiphaniæ. *Introitus.*



**E**cce aduénit Dominátor Dóminus: & regnum in manu eius, & potéstas, & impérium. *Psal.* Deus iudícium tuum Regi da: & iustítiam

tuam Fílio Regis. *Y.* Glória Patri.

*Oratio.*

**D**eus, cuius Vnigénitus in substántia nostræ carnis apparuit: præsta quæsumus; vt per eum, quem símilem nobis foris agnouimus, intus reformári mereâmur Qui tecum uiuit & regnat.

*Lectio Isaïæ Prophætæ.*

**S**urge, illuminâre Ierúsalem: *I. i. 60.* quia venit lumen tuum; & glória Dómini super te orta est. Quia ecce ténebræ opérient terram, & caligo pópulos: super te autem oriétur Dóminus, & glória eius in te vidébitur. Et ambulábunt Gentes in lúmine tuo, & reges in splendóre ortus tui. Leua in circúitu óculos tuos, & vide: omnes isti congregáti sunt, venérunt tibi: filij tui de longè venient, & filiæ tuæ de latere surgent. Tunc vidébis, & áfflues, mirábitur & dilatábitur cor tuum, quando conuérta fuerit ad te multitúdo maris, fortitúdo Génitium vénerit tibi. Inundátio camelórum opériet te, dromedárii Mádiæ & Epha: omnes de Saba venient, aurum & thus deferéntes, & laudem Dómino annuntiántes.

*Graduale.* Omnes de Saba venient, aurum & thus deferéntes, & laudem Dómino annuntiántes. *Y.* Surge, & illuminâre Ierúsalem: quia glória Dómini super te orta est. *A.* Allelúia, allelúia. *Y.* Vidimus stellam eius in Oriente: & venimus cum munéribus adorâre Dóminum. Allelúia.

*Sequén-*

Sequentia sancti Euangélíj  
secúndum Ioánnem.

**I**N illo témpore: Vidit Ioánnes  
Iesum venientem ad se, & ait:  
Ecce Agnus Dei, ecce qui tollit  
peccátum mundi. Hic est, de quo  
dixi: Post me venit vir, qui ante  
me factus est: quia prior me erat.  
Et ego nesciébam eum, sed vt ma-  
nifestétur in Israél, propterea veni  
ego in aqua baptizans. Et testi-  
mónium perhibuit Ioánnes, di-  
cens: Quia vidi Spíritum descen-  
déntem quasi colúmbam de cæ-  
lo, & mansit super eum. Et ego  
nesciébam eum: sed qui misit me  
baptizáre in aqua, ille mihi dixit:  
Super quem videris Spíritum de-  
scendéntem, & manéntem super  
eum, hic est, qui baptizat in Spíri-  
tu sancto. Et ego vidi: & testimó-  
nium perhibui quia hic est Fílius  
Dei. **C**redo.

**O**ffertorium. **R**eges Tharsis &  
ínsulæ múnera ófferent: reges Arabum  
& Saba dona addúcent: & adorábunt  
eum omnes reges terræ, omnes Gentes  
seruient ei.

Secreta.

**H**ostias tibi, Dómine, pro na-  
ti Fílij tui apparitíone defé-  
rimus: suppliciter exorántes; vt  
sicut ipse nostrórum auctor est  
múnerum, ita sit ipse miséricors  
& fuscéptor, Iesus Christus Dó-  
minus noster. Qui tecum viuít.

**C**ommunio. **V**idimus stellam eius  
in Oriénte: & vénimus cum munéri-  
bus adoráre Dóminum.

Postcommunio.

**C**Ælésti lúmine, quæsumus  
Dómine, semper & vbíque

nos præueni: vt mystérium, cuius  
nos partícipes esse voluísti, & pu-  
ro cernámus intúitu, & digno per-  
cipiámus affectu. Per Dóminum  
nostrum.


**¶** Ab Octaua Epiphaniæ vs-  
que ad Purificationem; nisi fue-  
rit Duplex, post Orationem diei  
dicuntur istæ Orationes. **D**eus, qui  
salútis æternæ. & **E**cclésiæ tuæ, vel  
**D**eus ómnium fidélium. vt infra in  
Dominica secunda post Epipha-  
niam. 52.

**¶** Si tempus breue fuerit ab  
Octaua Epiphaniæ vsque ad Se-  
ptuagesimam, ita vt officia se-  
quentium Dominicarum non pos-  
sint expleri suis diebus, Officia il-  
larum quæ supersunt post Domi-  
nicam ij. post Epiphaniam, eo  
anno omittuntur, & resumuntur  
(quo ad Orationem, Epistolam,  
& Euangelium dumtaxat) post  
Dominicam xxij. post Penteco-  
sten, vt ibi dicitur in Rubrica.

**¶** Si Dominica Septuagesimæ  
venerit sequenti Dominica post  
Octauam Epiphaniæ, in præce-  
denti Sabbato, si non est impedi-  
tum Festo Semiduplici, dicitur  
Missa de Dominica ij. post Epi-  
phaniam, cum commemoratione  
Festi Simplicis, si in eo occurrat. Si  
verò Sabbatum fuerit impeditum  
Festo Semiduplici, tunc prima die  
post Octauam Epiphaniæ, in qua  
non sit Festum Duplex, dicitur  
Missa de ij. Dominica, & Festum  
Semiduplex in ea occurrens tran-  
sferitur in primam diem similiter  
non impeditam.

## DOMINICA II.

post Epiphaniam. Introitus:

fal. 5.  Mnis terra adoret te, Deus, & psallat tibi: psalmum dicat nómini tuo Altíssime. Psalm. I ubiláte Deo

bid. omnis terra, psalmum dícite nómini eius: date glóriam laudi eius. *Y.* Glória Patri. Dicitur, G lória in excélsis, in Dominicis vsque ad Septuagesimam exclusiue: in Ferialibus verò diebus, quando resumitur Missa de Dominica præcedenti, non dicitur. Quod seruatur & post Pentecosten. Oratio.

**O**mnipotés sempitérne Deus, qui cæléstia simul & terréna moderáris: supplicatiónes populi tui cleménter exáudi, & pacem tuam nostris concède temporibus. Per Dóminum.

De sancta Maria. Oratio.

**D**eus, qui salútis æternæ, beatæ Mariæ virginitáte secúnda, humano géneri præmia præstitisti: tribue quæsumus; vt ipsam pro nobis intercédere sentiámus, per quam merúimus auctórem vitæ suscipere, Dóminum nostrum Iesum Christum Filium tuum.

Contra persecutores Ecclesiæ.

Oratio.

**E**cclésiæ tuæ, quæsumus Dómine, preces placátus admítte: vt, destrúctis aduersitatibus & erróribus vniuersis, secúra tibi seruiat libertáte. Per Dóminum.

Vel pro Papa. Oratio.

**D**eus ómnium fidélium Pastor & rector, famulum tuum N. quem pastórem Ecclé-

sia tuæ præesse voluísti, propítius respice: da ei, quæsumus, verbo & exemplo, quibus præest, proficere; vt ad vitam, vná cum grege sibi crédito, peruéniat sempitérnam. Per Dóminum nostrum.

L ectio Epístolæ beati Pauli Apóstoli ad Romános.

**F**ratres, Habétes donatiónes secúndum grátiam, quæ data est nobis, differétes: siue prophetiam secúndum ratióne fidei, siue ministérium in ministrádo, siue qui docet in doctrína, qui exhortáur in exhortádo, qui tríbit in simplicitáte, qui præest in sollicitúde, qui miserétur in hilaritáte. Diléctio sine simulatióne. Odiétes malum, adhærétes bono: Charitáte fraternitátis ínucem diligétes: Honóre ínucem præueniétes: Sollicitúde non pigri: Spíritu feruétes: Dómino seruíétes: Spe gaudétes: In tribulatióne patientes: Oratióni instátes: Necessitatibus sanctórum comunicátes: Hospitalitátem sectátes. Benedícite persequéntibus vos: benedícite, & nolíte maledícere. Gaudere cum gaudéntibus, flere cum fléntibus: Idípsum ínucem sentiétes: Non alta sapiétes, sed humilibus consentiétes.

Graduale. Misit Dóminus verbum suum, & sanáuit eos: & erípuit eos de intéritu córum. *Y.* Confiteántur Dño misericórdiæ eius: & mirabilia eius filiis hóminú. Allelúia, allelúia. *Y.* Laudáte Dñm omnes Angeli eius, laudáte eum omnes virtútes eius. Allelúia.

Rom. 12.6

Psal. 106.

Psal. 148.

**S**ic dicitur Allelúia, cum Versu post Graduale, ab Octava Epiphaniæ vsque ad Septuag. & ab Octava Pentecostes vsque ad Aduentum, etiam infra Hebdom. quando resumitur Missa de Dominica.

**S**equéntia sancti Euangélj secundum Ioánnem.

Iuan. 2.

**I**n illo témpore : Núptiæ factæ sunt in Cana Galilææ : & erat mater Iesu ibi. Vocátus est autem & Iesus, & discípuli eius, ad núptias. Et deficiente vino, dicit mater Iesu ad eum : Vinum non habent. Et dicit ei Iesus : Quid mihi, & tibi est múlier ? nondum venit hora mea. Dicit mater eius ministris : Quodcúmque dixerit vobis, facite. Erant autem ibi lapideæ hydriæ sex pósitæ secundum purificationem Iudæorum, capiéntes singulæ metrétas binas vel ternas. Dicit eis Iesus : Impléte hydrias aqua. Et impleuerunt eas vsque ad summum. Et dicit eis Iesus : Hauríte nunc, & ferte architriclino. Et tulerunt. Vt autem gustauit architriclinus aquam vinum factam, & non sciébat unde esset, ministri autem sciébat, qui háuserant aquam : vocat sponsum architriclinus, & dicit ei : Omnis homo primùm bonum vinum ponit : & cùm inebriáti fuerint, tunc id, quod detérius est : Tu autem seruásti bonum vinum vsque adhuc. Hoc fecit initium signorum Iesus in Cana Galilææ : & manifestáuit glóriam suam, & crediderunt in eum discípuli eius. *Credo.*

**O**fferitorium. Iubiláte Deo uniuersa terra : psalmum dícite nómini eius, veníte, & audíte, & narrábo vobis, omnes qui timétis Deum, quanta fecit Dóminus ánimæ meæ, allelúia.

Secreta.

**O**blata Dómine múnera sanctífica : nosque à peccatorum nostrórum máculis emúnda. Per Dóminum nostrum.

De sancta Maria. Secreta.

**M**uneribus nostris, quæsumus Dómine, precibúsque susceptis : & cælestibus nos munda mystériis, & cleménter exáudi.

Contra persecutores Ecclesiæ.

Secreta.

**P**rótege nos Dómine tuis mystériis seruiéntes : vt diuinis rebus inhæréntes, & corpore tibi famulémur, & mente. Per Dñm.

Vel pro Papa. Secreta.

**O**blatis, quæsumus Dómine, placáre munéribus : & famulum tuum N. quem pastórem Ecclesiæ tuæ præesse voluísti, assídua protectióne guberná. Per Dóminum nostrum.

**C**ommunio. Dicit Dóminus, Impléte hydrias aqua, & ferte architriclino : cùm gustáset architriclinus aquam vinum factam, dicit sponso : Seruásti bonum vinum vsque adhuc : hoc signum fecit Iesus primum coram discipulis suis. *Postcommunio.*

**A**vgeátur in nobis, quæsumus Dómine, tuæ virtútis operatio : vt diuinis vegetáti sacraméntis, ad eórum promíssa capiéndam, tuo múnere præparémur. Per Dóminum nostrum.

De S. Maria. Postcommunio.

**H**Æc nos commúnio, Dómine, purget à crimine: & intercedente beáta vírgine Dei genitríce María, cæléstis remédij faciat esse consortes.

Contra persecutores Ecclesiæ.

Postcommunio.

**Q**uæsumus Dómine Deus noster: vt quos diuina tríbuis participatióne gaudere, humanis non finas subiacere periculis. Per Dóminum nostrum.

Vel pro Papa. Postcommunio.

**H**Æc nos, quæsumus Dómine, diuini sacraménti percéptio próteget: & famulum tuum N. quem pastórem Ecclesiæ tuæ præesse voluisti, vnà cum commisso sibi grege, saluet semper, & múniat. Per Dóminum.

### DOMINICA III.

Post Epiphaniam. Introitus.



Dorâte Deum omnes Angeli eius: audiuít, & lætâta est Sion: & exultauerunt filia Iudæ. Psalm. Dóminus regnauit, exúltet terra: læténtur insulæ multæ. *ŷ.* Glória Patri.

Oratio.

**O**Mnípotés sempitérne Deus, infirmitatem nostram propítius réspice: atque ad protegendum nos, dexteram tuæ maiestátis exténde. Per Dóminum.

De sancta Maria. Oratio.

**D**Eus, qui salútis æternæ, beátæ Mariæ virginitate fecúnda, humano géneri præmia præstitisti: tríbue quæsumus; vt ipsam

pro nobis intercedere sentiámus, per quam meruimus auctórem vitæ fuscipere, Dóminum nostrum Iesum Christum Fílium tuum.

Pro Papa. Oratio.

**D**Eus ómnium fidélium Pastor & rector, famulum tuum N. quem pastórem Ecclesiæ tuæ præesse voluisti, propítius réspice: da ei, quæsumus, verbo & exémplo, quibus præest, proficere; vt ad vitam, vnà cum grege sibi crédito, peruéniat sempiternam. Per Dóminum nostrum.

Vel contra persecutores Ecclesiæ Oratio. Ecclesiæ tuæ, quæsumus Dñe. vt in Dominica præcedenti. fol. 52.

Lectio Epístolæ beáti Pauli Apóstoli ad Romános.

**F**Ratres, Nolíte esse prudentes apud vosmetipsos: Nulli malum pro malo reddentes: prouidentes bona non tantum coram Deo, sed etiam coram omnibus hominibus. Si fieri potest, quod ex vobis est, cum omnibus hominibus pacem habentes: Non vosmetipsos defendentes charissimi, sed date locum iræ. Scriptum est enim: Mihi vindicta; ego retribuam, dicit Dóminus. Sed si esurierit inimicus tuus, ciba illum: si sitit, potum da illi: hoc enim faciens, carbones ignis congeres super caput eius. Noli vinci à malo. sed vince in bono malum.

Graduale. Timebunt Gentes nomen tuum Dómine, & omnes reges terræ glóriam tuam. *ŷ.* Quoniam ædificabit Dóminus Sion, & videbitur in maiestáte sua. Alleluia, alleluia.

*ŷ.* Dó-

Rom.  
12. d

Psal.  
101.



*Psal.*  
96.  
V. Dóminus regnâuit, exúltet terra:  
laténtur ínsulæ multæ. Allelúia.

Sequéntia sancti Euangélíj  
secúndum Matthæum.

*Mat*  
8.  
**I**N illo témpore: Cùm descen-  
disset Iesus de monte, secúta  
sunt eum turbæ multæ: & ecce  
leprósus véniens, adorábat eum,  
dicens: Dómine, si vis, potes me  
mundâre. Et exténdens Iesus ma-  
num tétigit eum, dicens: Volo.  
Mundâre. Et conféstim mundâ-  
ta est lépra eius. Et ait illi Iesus:  
Vide, némini díxeris: sed vade,  
osténde te sacerdoti, & offer mu-  
nus, quod præcépit Móyses, in te-  
stimónium illis. Cùm autem in-  
troísset Caphárnaum, accéssit ad  
eum Centúrio, rogans eum, &  
dicens: Dómine, puer meus iacet  
in domo paralyticus, & malè tor-  
quétur. Et ait illi Iesus: Ego vé-  
niam, & curâbo eum. Et respón-  
dens Centúrio, ait: Dómine, non  
sum dignus vt intres sub tectum  
meum: sed tantum dic verbo, &  
sanábitur puer meus. Nam & ego  
homo sum sub potestáte consti-  
tútus, habens sub me mílites, &  
dico huic: Vade, & vadit: & álij,  
Veni, & venit: & seruo meo; Fac  
hoc, & facit. Audiens autem Ie-  
sus, mirátus est, & sequéntibus se  
dixit: Amen dico vobis, non in-  
uénit tantam fidem in Israél. Di-  
co autem vobis, quòd multi ab  
Oriente & Occidente vénient, &  
recúmbent cum Abraham, &  
Isaac, & Iacob in regno cælò-  
rum: filij autem regni eiiciéntur  
in ténebras exterióres: ibi erit fle-

tus, & stridor déntium. Et dixit  
Iesus Centurióni: Vade, & sicut  
credidísti, fiat tibi. Et sanátus est  
puer in illa hora. Credo.

*Psal.*  
117.  
Offertorium. Déxtera Dómini  
fecit virtútem, dextera Dómini exal-  
táuit me: non móriar, sed viuam, &  
narrâbo ópera Dómini. *Secreta.*

**H**Æc hóstia, Dómine quæsu-  
mus, emúndet nostra deli-  
cta: & ad sacrificium celebrán-  
dum, subditórum tibi córpora  
mentésque sanctíficet. Per Dñm.

De sancta Maria. *Secreta.*

**M**Vnéribus nostris, quæsu-  
mus Dómine, precibúsq;ue  
suscéptis; & cæléstibus nos mun-  
da mystériis, & cleménter exáudi.

Pro Papa. *Secreta.*

**O**Blátis, quæsumus Dómine,  
placâre munéribus: & fá-  
mulum tuum N. quem pastórem  
Ecclesiæ tuæ præesse voluísti, assí-  
dua protectiône gubérna. Per Dó-  
minum nostrum.

Vel contra persecutores Eccle-  
siæ, *Secreta.* Prótege nos Dómine.  
vt in Dominica præterita. fol. 53.

Communio. Mirabántur omnes  
de his, quæ procedébant de ore Dei.

Postcommunio.

**Q**Vos tantis, Dómine, largírís  
vti mystériis: quæsumus, vt  
effectibus nos eórum veráciter  
aptâre dignêris. Per Dóminum.

De S. Maria. Postcommunio.

**H**Æc nos commúnio, Dómi-  
ne, purget à crimine: & in-  
tercedente beata vírgine Dei ge-  
nitricæ Maria, cæléstis remédij fa-  
ciat esse consortes.

Pro Papa. Postcommunio.

**H**Æc nos, quæsumus Dómine, diuini sacramenti perceptio próteget: & famulum tuum N. quem pastórem Ecclesiæ tuæ præesse voluisti, vnà cum commissio sibi grege saluet semper, & múniat. Per Dóminum.

Vel contra perfec. Eccles. Postcommunio. Quæsumus Dñe. fol. 54.

### DOMINICA IIII.

post Epiphaniam. Introitus.



Dorâte Deum omnes Angeli eius: audiuít, & lætata est Sion: & exultauerunt filix Iudæ. Psalmus. Dóminus regnauit, exúltet terra: læténtur insulæ multæ. *Y.* Glória. Oratio.

**D**eus, qui nos in tantis periculis constitutos, pro humana scis fragilitate non posse subsistere: da nobis salutem mentis & corporis; vt ea quæ pro peccatis nostris patimur, te adiuuante vincamus. Per Dóminum.

De sancta Maria. Oratio.

**D**Eus, qui salutis æternæ, beatæ Mariæ virginitate secundæ, humano generi præmia præstitisti: tribue quæsumus; vt ipsam pro nobis intercedere sentiámus, per quam meruimus auctorem vitæ suscipere, Dóminum nostrum Iesum Christum Filium tuum.

Contra persecutores Ecclesiæ.

Oratio.

**E**Cclesiæ tuæ, quæsumus Dómine, preces placatus admittite: vt, destrúctis aduersitatibus & erroribus vniuersis, secúra tibi ser-

uiat libertate. Per Dóminum.

Vel pro Papa. Deus ómnium. vt in Dominica præcedenti. fol. 54.

Si autem hæc Dominica venerit post festum Purificationis, dicitur secunda Oratio, A cunctis. vt infra in Dominica sequenti fol. 57. & tertia ad libitum Sacerdotis.

Lectio Epístolæ beati Pauli Apóstoli ad Romános.

**F**Ratres, Némini quidquam debeatis, nisi vt inuicem diligatis: qui enim diligit próximum, legem impléuit. Nam: Non adulterabis: Non occides: Non furaberis: Non falsum testimónium dices: Non concupisces: & si quod est aliud mandatum, in hoc verbo instauratur: Diliges próximum tuum sicut teípsum. Diléctio próximi malum non operatur. Plenitúdo ergo legis est diléctio.

Graduale. Timébunt Gentes nomen tuum Dómine, & omnes reges terræ glóriam tuam. *Y.* Quóniam ædificauit Dóminus Sion, & videbitur in maiestáte sua. Allelúia, allelúia. *Y.* Dóminus regnauit, exúltet terra: læténtur insulæ multæ. Allelúia.

Sequéntia sancti Euangélíj secundum Matthæum.

**I**N illo témpore: Ascendente Iesu in nauiculam, secúti sunt eum discipuli eius: & ecce motus magnus factus est in mari, ita vt nauicula operirétur flúctibus, ipse verò dormiébat. Et accessérunt ad eum discipuli eius, & suscitauerunt eum, dicentes: Dómine, salua nos, perímus. Et dicit eis Iesus: Quid tímidi estis, módi cæ fi-

dei?

dei? Tunc surgens, imperauit ventis & mari, & facta est tranquillitas magna. Porro homines mirati sunt, dicentes: Qualis est hic, quia venti & mare obediunt ei: <sup>C</sup>redo.

*Psal. 117.* Offertorium. D<sup>e</sup> xtera Domini fecit virtutem, d<sup>e</sup>xtera Domini exaltauit me: non moriar, sed viam, & narrabo opera Domini. *Secreta.*

**C**oncède quæsumus omnipotens Deus: vt huius sacrificij munus oblatum, fragilitatem nostram ab omni malo purget semper, & muniat. Per Dominum.

*De sancta Maria. Secreta.*

**M**Vneribus nostris, quæsumus Domine, precibusque susceptis; & cælestibus nos munda mysteriis, & clementer exaudi. Contra persecutores Ecclesiæ.

*Secreta.*

**P**rotege nos Domine tuis mysteriis seruientes: vt diuinis rebus inhærentes; & corpore tibi famulémur, & mente. Per Dñm.

Vel pro Papa. *Secreta.* Oblatis, quæsumus Domine. vt in Dominica præcedenti. fol. 55.

*Luc. 4.* Communio. Mirabantur omnes de his, quæ procedebant de ore Dei.

*Postcommunio.*

**M**Vnera tua nos Deus à delationibus terrenis expellant, & cælestibus semper instaurant alimentis. Per Dominum.

*De S. Maria. Postcommunio.*

**H**æc nos communió, Domine, purget à crimine: & intercedente beata virgine Dei genitricis Mariæ, cælestis remedij faciat esse confortes.

Contra persecutores Ecclesiæ.

*Postcommunio.*

**Q**uæsumus Dñe Deus noster: vt quos diuina tribuis participatione gaudere, humanis non finas subiacere periculis. Per Dñm.

Vel pro Papa. *Postcommunio.*

Hæc nos, quæsumus Domine. vt in Dominica præterita. fol. 56.

## DOMINICA V. post Epiphaniam. Introitus.



*Psal. 96.* Dorate Deum omnes Angeli eius: audiuit, & lætata est Sion: & exultauerunt filia Iudæ. *Psal. D*ominus regnauit, exultet terra: lætentur insulae multæ. *Y.* Gloria. *Oratio.*

**F**amiliam tuam, quæsumus Domine, continua pietate custodi: vt quæ in sola spe gratiæ cælestis innititur, tua semper protectione muniatur. Per Dñm.

Ad poscenda suffragia Sanctorum. *Oratio.*

**A**cunctis nos, quæsumus Domine, mentis & corporis defende periculis: & intercedente beata & gloriósa semper virgine Dei genitricis Mariæ, cum beatis Apostolis tuis Petro & Paulo, atque beato *N.* & omnibus Sanctis, salutem nobis tribue benignus & pacem; vt destructis aduersitatibus & erroribus vniuersis, Ecclesia tua secúra tibi seruiat libertate.

In hac Oratione nomina sanctorum Michaëlis & Ioannis Baptistæ præponuntur Apostolis.

Tertia Oratio dicitur ad libitum Sacerdotis.

Lectio Epistolæ beati Pauli

Apostoli ad Colossenses

Col.  
3. b

**F**ratres, Induite vos sicut electi Dei, sancti, & dilecti, viscera misericordiæ, benignitatem, humilitatem, modestiam, patientiam: supportantes inuicem, & donantes vobismetipsis, si quis aduersus aliquem habet querelam: sicut & Dominus donauit vobis, ita & vos. Super omnia autem hæc, charitatem habete, quod est vinculum perfectiõnis: & pax Christi exultet in cordibus vestris, in qua & vocati estis in vno corpore: & grati estote. Verbum Christi habitet in vobis abundanter, in omni sapientia, docentes, & commonentes vosmetipsos, psalmis, hymnis, & canticis spiritualibus, in gratia cantantes in cordibus vestris Deo. Omne quodcumque facitis in verbo aut in opere, omnia in nomine Domini Iesu Christi, gratias agentes Deo & Patri per Iesum Christum Dominum nostrum.

Psal.  
101.

Graduale. Timebunt Gentes nomen tuum Domine, & omnes reges terræ gloriã tuam. *Y.* Quoniam ædificauit Dominus Sion, & videbitur in maiestate sua. Alleluia, alleluia.

Psal.  
96.

*Y.* Dominus regnauit, exultet terra: lætentur insulæ multæ. Alleluia.

Sequentia sancti Euangelij  
secundum Matthæum.

Mat.  
13. c

**I**n illo tempore: Dixit Iesus turbis parabolam hanc: Simile factum est regnum cælorum homini, qui seminauit bonum semen in agro suo. Cum autem

dormirent homines, venit inimicus eius, & superfeminauit zizania in medio tritici, & abiit. Cum autem creuisset herba, & fructum fecisset, tunc apparuerunt & zizania. Accedentes autem serui patrisfamilias, dixerunt ei: Domine, nonne bonum semen seminasti in agro tuo? Vnde ergo habet zizania? Et ait illis: Inimicus homo hoc fecit. Serui autem dixerunt ei: Vis, imus, & colligimus ea? Et ait: Non: ne forte colligentes zizania, eradicetis simul cum eis & triticum. Sinite utraque crescere vsque ad messem, & in tempore messis dicam mesoribus: Colligite primum zizania: & alligate ea in fasciculos ad comburendum, triticum autem congregate in horreum meum. Credo.

Offertorium. Dextera Domini fecit virtutem, dextera Domini exaltauit me: non moriar, sed viuam, & narrabo opera Domini. *Secreta.*

Psal.  
117.

**H**ostias tibi Domine placationis offerimus: vt & delicta nostra miseratus absoluas, & nutantia corda tu dirigas. Per Dominum nostrum.

Ad poscenda suffragia Sanctorum. *Secreta.*

**E**xaudi nos Deus salutaris noster: vt per huius sacramenti virtutem, a cunctis nos mentis & corporis hostibus tuearis; gratiam tribuens in presenti, & gloriam in futuro.

Tertia ad libitum.

Communio. Mirabantur omnes de his, quæ procedebant de ore Dei.

Luc.  
4.

Post-

Postcommunio.

**Q**uæsumus omnipotens Deus: vt illius salutâris capiâmus effectum, cuius per hæc mystéria pignus accépimus. Per Dóminum nostrum.

Ad poscenda suffragia Sanctorum. Postcommunio.

**M**undet & múniat nos, quæsumus Dómine, diuini sacraménti munus oblâtum: & intercedente beata vírgine Dei genitríce María, cum beáteis Apóstolis tuis Petro & Paulo, atque beáto N. & ómnibus Sanctis; à cunctis nos reddat & peruersitatibus expiâtos, & aduersitatibus expeditos.

Tertia ad libitum.

DOMINICA VI.  
post Epiphaniam. Introitus.



Dorâte Deum omnes Angeli eius: audiuit, & lætâta est Sion: & exultauerunt filiaë Iudæ. Psalmus. Dóminus regnâuit, exúlter terra: lætentur insulæ multæ. *Psal. 96.* *Ibid.* Glória Patri.

Oratio.

**P**ræsta quæsumus omnipotens Deus: vt semper rationabilia meditântes, quæ tibi sunt plâcita, & dictis exequâmur, & factis. Per Dóminum nostrum.

Ad poscenda suffragia Sanctorum. Oratio.

**A**cunctis nos, quæsumus Dómine, mentis & córporis defênde periculis: & intercedente beata & gloriósa semper vírgine Dei genitríce María, cum beáteis Apóstolis tuis Petro & Paulo, at-

que beáto N. & ómnibus Sanctis, salutem nobis tríbue benígnus & pacem; vt, destrúctis aduersitatibus & erroribus vniuersis, Ecclesiâ tua securâ tibi séruiat libertâte.

Tertia ad libitum.

Léctio Epístolæ beáti Pauli Apóstoli ad Thessalonicenses.

**F**ratres, Grátias ágimus Deo <sup>1. Th</sup> semper pro ómnibus vobis, memóriam vestri faciéntes in orationibus nostris sine intermissiône, mémores óperis fidei vestræ, & labôris, & charitâtis, & sustinentię spei Dómini nostri Iesu Christi, ante Deum & Patrem nostrum: sciéntes fratres, dilécti à Deo, electiõnem vestram: quia Euangélium nostrum non fuit ad vos in sermõne tantùm, sed & in virtúte, & in Spíritu sancto, & in plenitúdine multa, sicut scitis quales fuérimus in vobis propter vos. Et vos imitatóres nostri facti estis, & Dómini, excipientes verbum in tribulatiõne multa, cum gáudio Spíritus sancti: ita vt facti sitis forma ómnibus credéntibus in Macedónia, & in Acháia. A vobis enim diffamátus est sermo Dñi, non solùm in Macedónia, & in Acháia, sed & in omni loco fides vestra, quæ est ad Deum, profecta est, ita vt non sit nobis necesse quidquam loqui. Ipsi enim de nobis annúntiant qualem intróitum habuerimus ad vos: & quómodo conuérsi estis ad Deum à simulacris, seruire Deo viuo, & vero, & expectâre Fílium eius de cælis

(quem

(quem suscitauit ex mortuis) Iesum, qui eripuit nos ab ira v[er]tura.

*Graduale.* Timébunt Gentes nomen tuum D[omi]ne, & omnes reges terræ glóriam tuam. *V.* Quóniam ædificauit D[omi]nus Sion, & videbitur in maiest[ate] sua. *Allelúia, allelúia.*

*V.* D[omi]nus regnauit, exúltet terra: læténtur insulæ multæ. *Allelúia.*

*Sequéntia sancti Euangélj secundum Matthæum.*

**I**n illo t[em]pore: Dixit Iesus turbis parabolam hanc: Simile est regnum cæl[or]um grano sinâpis, quod accipiens homo seminauit in agro suo: quod minimum quidem est omnibus seminibus: cum autem creuerit, maius est omnibus ol[er]ibus, & fit arbor, ita vt volucres cæli veniant, & habitent in ramis eius. Aliam parabolam locutus est eis. Simile est regnum cæl[or]um fermento, quod acceptum mulier abscondit in farinæ satis tribus, donec fermentatum est totum. Hæc omnia locutus est Iesus in parabolis ad turbas: & sine parabolis non loquebatur eis: vt impleretur quod dictum erat per Proph[et]am dicentem: Ap[er]iam in parabolis os meum, eructabo abscondita à constitutione mundi. *Credo.*

*Offertorium.* D[ext]era D[omi]ni fecit virtutem, d[ext]era D[omi]ni exaltauit me: non moriar, sed viuam, & narrabo opera D[omi]ni. *Secreta.*

**H**æc nos oblatio, Deus, mundet quæsumus, & renouet, gubernet, & protégat. Per D[omi]num nostrum.

*Alia Secreta.*

**E**xaudi nos Deus salutaris noster: vt per huius sacramenti virtutem, à cunctis nos mentis & corporis hostibus tuearis; gr[ati]am tribuens in præsent[is], & glóriam in futuro. *Tertia ad libitum.*

*Communio.* Mirabantur omnes de his, quæ procedebant de ore Dei.

*Postcommunio.*

**C**ælestibus, D[omi]ne, pasti delictis, quæsumus, vt semper eadem, per quæ veraciter viuimus, appetamus. Per D[omi]num.

*Alia Postcommunio.*

**M**undet & muniat nos, quæsumus D[omi]ne, diuini sacramenti munus oblatum: & intercedente beata virgine Dei genitric[is] Mariæ, cum beatis Ap[osto]l[is] Pet[ro] & Paul[is], atque beato N[icola]o, & omnibus sanctis; à cunctis nos reddat & peruersitatibus expiatis, & aduersitatibus expeditis.

*Tertia ad libitum.*

**D O M I N I C A**

*in Septuagesima.*

*Statio ad sanctum Laurentium extra muros. Introitus.*



Ircumdedérunt me gemitus mortis, dolores inferni circumdedérunt me: & in tribulatione mea inuocauit

D[omi]num, & exaudiuit de templo sancto suo vocem meam. *Psalms.* *D*iligam te D[omi]ne fortitudo mea: D[omi]nus firmamentum meum, & refugium meum, & liberator meus. *V.* Glória Patri. Non dicitur, Glória in excelsis, ab hac Dominica

vsque

vsque ad Pascha, exceptis Feria quinta in Cœna Domini, & Sab-  
bato sancto, & quando dicitur  
Missa de Festo. Oratio.

**P** Reces pópuli tui, quæsumus  
Dñe, cleménte exaudi: vt qui  
iustè pro peccâtis nostris affligi-  
mur, pro tui nóminis glória mise-  
ricórditer liberêmur. Per Dñm.

Ad poscenda suffragia San-  
ctorum. Oratio.

**A** Cunctis nos, quæsumus Dó-  
mine, mentis & cörperis de-  
fende perículis: & intercedente  
beáta & gloriósa semper vírgine  
Dei genitríce María, cum beáti  
Apóstolis tuis Petro & Paulo, at-  
que beáto N. & ómnibus Sanctis,  
salútem nobis tríbue benignus &  
pacem; vt, destrúctis aduersitáti-  
bus & erroribus vniúersis, Ecclesi-  
a tua secúra tibi seruiat libertáte. Per  
eúdem Dóminum. si dicenda  
est vltimo loco. Tertia ad libitum.

¶ Sic dicitur secunda & tertia  
Oratio à festo Purificationis vsque  
ad Feriam iiii. Cinerum exclusi-  
uè, quando non est Duplex: nisi  
Dominica Septuagesimæ venerit  
ante festum Purificationis, vel in  
ipsa die Purificationis: quia tunc  
dicuntur Orationes sicut in Do-  
minica ij. post Epiphaniam, de  
sancta Maria, & contra persecuto-  
res Ecclesiæ, vel pro Papa. fol. 52.  
Simili modo fiat in Sexagesima,  
& Quinquagesima.

Lectio Epístolæ beáti Pauli  
Apóstoli ad Corínthios.

**F** Ratres, Nescítis quòd ij qui  
in stádio currunt, omnes qui-

dem currunt, sed vnus accipit bra-  
uúum? Sic cúrrite vt comprehen-  
dâtis. Omnis autem, qui in agône  
conténdit, ab ómnibus se absti-  
net: & illi quidem vt corruptíbi-  
lem corónam accípiant; nos au-  
tem incorruptam. Ego ígitur sic  
curro, non quasi in incértum: sic  
pugno, non quasi áerem verbe-  
rans: sed castígo corpus meum, &  
in seruitútem rédigo: ne fortè cum  
áliis prædicauerim, ipse réprobis  
efficiar. Nolo enim vos ignorâre  
fratres, quóniam patres nostri om-  
nes sub nube fuérunt, & omnes  
mare transierunt; & omnes in  
Móyse baptizati sunt, in nube, &  
in mari: & omnes eámdem escam  
spiritâlem manducauerunt, &  
omnes eúdem potum spiritâ-  
lem bibérunt: (bibébant autem  
de spiritáli, consequente eos, pe-  
tra: petra autem erat Christus:) sed  
non in plúribus eórum benepláci-  
tum est Deo.

Graduale. A diútor in opportu-  
nitátibus, in tribulatióne: sperent in  
te, qui nouérunt te: quóniam non  
derelinquis quærentes te, Dómine.  
¶ Quóniam non in finem obliuio  
erit páuperis: patientia páuperum non  
peribit in ætérnum: exúrge Dómine,  
non præualeat homo.

Tractus. De profundis clamáui ad  
te Dómine, Dómine exaudi vocem  
meam. ¶ Fiant aures tuæ intendentes  
in orationem serui tui. ¶ Si iniquitá-  
tes obseruaueris Dómine, Dómine  
quis sustinêbit? ¶ Quia apud te pro-  
pitiatio est, & propter legem tuam  
sustinui te Dómine.

Cap  
1c.

Psal.  
9.

Psal.  
129

**¶** A Septuagesima vsque ad Feriam quartam Cinerum, Tractus dicitur tantum in Dominicis, & Festis: in Feriis autem, quando repetitur Missa de Dominica, non dicitur, sed tantum Graduale.

Sequentia sancti Euangelij secundum Matthæum.

Mat  
20.

**I**N illo tempore: Dixit Iesus discipulis suis parabolam hanc: Simile est regnum cælorum homini patrifamilias, qui exiit primo manè conducere operarios in vineam suam. Conuentione autem facta cum operariis ex denario diurno, misit eos in vineam suam. Et egressus circa horam tertiam, vidit alios stantes in foro otiosos, & dixit illis: Ite & vos in vineam meam, & quod iustum fuerit dabo vobis. Illi autem abiierunt. Iterum autem exiit circa sextam & nonam horam: & fecit similiter. Circa vndecimam verò exiit, & inuenit alios stantes, & dicit illis: Quid hic statis tota die otiosi? Dicunt ei: Quia nemo nos conduxit. Dicit illis: Ite & vos in vineam meam. Cum serò autem factum esset, dicit dominus vineæ procuratori suo: Voca operarios, & redde illis mercèdem, incipiens à nouissimis vsque ad primos. Cum venissent ergo qui circa vndecimam horam venerant, acceperunt singulos denarios. Venientes autem & primi, arbitrati sunt quòd plus essent accepturi: acceperunt autem & ipsi singulos denarios. Et accipientes murmurabant aduer-

sus patremfamilias, dicentes: Hic nouissimi vna hora fecerunt, & pares illos nobis fecisti, qui portauimus pondus dièi, & æstus. At ille respondens vni eorum, dixit: Amice non facio tibi iniuriam: nonne ex denario conuenisti mecum? Tolle quod tuum est, & vade: volo autem & huic nouissimo dare sicut & tibi. Aut non licet mihi, quod volo, facere? an oculus tuus nequam est, quia ego bonus sum? Sic erunt nouissimi primi, & primi nouissimi. Multi enim sunt vocati, pauci verò electi. Credo.

Offertorium. Bonum est confiteri Dòmino, & psallere nòmini tuo, Altissime. psal.  
91.

Secreta.

**M**Vneribus nostris, quæsumus Dòmine, precibusque susceptis: & cælestibus nos munda mysteriis, & clementer exaudi. Per Dòminum nostrum.

Si Dominica Septuagesimæ venerit ante festum Purificationis, vel ipsa die Purificationis, Secreta de S. Maria erit, T ua Dòmine. vt in eiusdem Missa votiua. Iviij.

Alia Secreta.

**E**Xaudi nos Deus salutaris noster: vt per huius sacramenti virtutem, à cunctis nos mentis & corporis hostibus tuearis, gràtiam tribuens in præsentì, & glòriam in futuro. Tertia ad libitum.

Communio. Illùmina facièm tuam super seruum tuum, & saluum me fac in tua misericordia: Dòmine non confundar, quoniam inuocauì te. psal.  
10.

Post-



## Poſtcommunio.

**F**idèles tui, Deus, per tua dona firméntur: vt eadem & percipiendo requirant, & quærendo ſine fine perciþiant. Per Dóminum.

## Alia Poſtcommunio.

**M**vndet & múniat nos, quæſumus Dómine, diuini ſacraménti munus oblátum: & intercedente beáta vírgine Dei genitríce Maria, cum beátiſ Apóſtolis tuis Petro & Paulo, atque beáto N. & ómnibus Sanctis; à cunctis nos reddat & peruerſitatibus expiátos, & aduerſitatibus expeditos. Tertia ad libitum.

Benedicámus Dño. R. Deo grátias.

## D O M I N I C A

in Sexageſima.

Statio ad S. Paulum. Introitus.

**X**úrge, quare obdórmis Dómine? exúrge, & ne repéllas in finem: quare faciém tuam auértis, obliuísceſis tribulatióem noſtram: adhæſit in terra venter noſter: exúrge Dómine, ádiuua nos, & líbera nos. Pſalmus. D eus, áuribus noſtris audiuimus: patres noſtri annuntiauerunt nobis. V. Glória Patri. Oratio.

**D**eus qui cónſpicias, quia ex nulla noſtra actiõe confiſdimus: concède propítius; vt contra aduerſa ómnia, Doctóris Géntium protectiõe muniámur. Per Dóminum noſtrum.

Ad poſcenda ſuffragia Sanctorum. Oratio.

**A**cunctis nos, quæſumus Dómine, mentis & córporis de-

ſcende periculis: & intercedente beáta & glorióſa ſemper vírgine Dei genitríce Maria, cum beátiſ Apóſtolis tuis Petro & Paulo, atque beáto N. & ómnibus Sanctis, ſalútem nobis tribue benígnus & pacem; vt deſtrúctis aduerſitatibus & erroribus vniuerſis, Eccléſia tua ſecúra tibi ſeruiat libertâte.

Tertia ad libitum.

L éctio Epíſtolæ beáti Pauli Apóſtoli ad Corínthios.

**F**ratres, Libenter ſuffertis inſipientes, cum ſitis ipſi ſipientes. Suſtinétis enim ſi quis vos in ſeruitútem rédigat, ſi quis déuorat, ſi quis accipit, ſi quis extóllitur, ſi quis in faciém vos cædit. Secúndum ignobilitátem dico, quaſi nos infirmi fuérimus in hac parte. In quo quis audeat ( in inſipientia dico ) áudeo & ego: Hebræi ſunt, & ego: Iſraélitæ ſunt, & ego: Semen Abrahæ ſunt, & ego: Miniſtri Chriſti ſunt ( vt mínus ſápiens dico ) plus ego: in labóribus plúrimis, in carcéribus abundantiùs, in plagis ſupra modum, in mórtibus frequénter. A Iudæis quinqúies, quadragénas, vna minus, accépi. Ter virgis cæſus ſum, ſemel lapidátus ſum, ter naufrágium feci, nocte & die in profundo maris fui, in itinéribus ſæpè, periculis flúminum, periculis latrónum, periculis ex genere, periculis ex Géntibus, periculis in ciuitáte, periculis in ſolitúde, periculis in mari, periculis in falſis frátribus: in labóre & ærúmna, in vigílijs multis, in

fame & siti, in ieiúniis multis, in frígore & nuditatē: præter illa quę extrínsecus sunt, instántia mea quotidiana, sollicitúdo ómnium Ecclesiárum. Quis infirmátur, & ego non infirmor? quis scandalizátur, & ego non vrór? Si gloriári opórtet: quę infirmitátis meę sunt, gloriâbor. Deus & Pater Dómini nostri Iesu Christi, qui est benedíctus in sæcula, scit quod non méntior. Damásci præpósitus Gentis Aretæ regis, custodiébat ciuitátem Damascenórum, vt me comprehénderet: & per fenéstram in sporta dimíssus sum per murum, & sic effúgi manuse eius. Si gloriári opórtet (non expedit quidem:) véniam autem ad visiónes, & reuelatiónes Dómini. Scio hóminem in Christo ante annos quatuórdecim ( siue in córpore, nescio, siue extra corpus, nescio, Deus scit ) raptum huiúsmodi vsque ad tertium cælum. Et scio huiúsmodi hóminem ( siue in córpore, siue extra corpus, nescio, Deus scit ) quóniam raptus est in Paradísium: & audiuit arcána verba, quę non licet hómini loqui. Pro huiúsmodi gloriâbor: pro me autem nihil gloriâbor nisi in infirmitátibus meis. Nam, & si volúero gloriári, non ero insípiens: veritátem enim dicam: parco autem, ne quis me existimet supra id quod videt in me, aut áliquid audit ex me. Et ne magnitúdo reuelatiónum extóllat me, datus est mihi stímulus carnis meę ángelus sátanæ, qui me colaphizet.

Propter quod ter Dóminum rogáui vt discéderet à me: & dixit mihi. Súfficit tibi grátia mea: nam virtus in infirmitáte perficitur. Libénter igitur gloriâbor in infirmitátibus meis, vt inhábitet in me virtus Christi.

*Graduale.* Sciant Gentes, quóniam <sup>Psal.</sup> nomen tibi Deus: tu solus Altíssimus <sup>81.</sup> super omnem terram. *Y.* Deus meus, pone illos vt rotam, & sicut stípulam ante fáciem venti.

*Tractus.* Commouísti Dñe terram, <sup>Psal.</sup> & conturbásti eam. *Y.* Sana contritiónes eius, quia mota est. *Y.* Vt fúgiant à fácie arcus: vt liberéntur elécti tui. <sup>59.</sup>

*Sequéntia sancti Euangélij*  
secúndum Lucam.

**I**N illo témpore: Cùm turba <sup>Luce</sup> plúrima conuenírent, & de ciuitátibus properárent ad Iesum, dixit per similitúdinem: Exiit, qui seminat, semináre semen suum: & dum seminat, áliud cécidit secus viam, & conculcátum est, & volúeres cæli comedérunt illud. Et áliud cécidit supra petram: & natum áruit, quia non habébat humórem. Et áliud cécidit inter spinas, & simul exórtæ spinæ suffocauerunt illud. Et áliud cécidit in terram bonam: & ortum fecit fructum centuplum. Hęc dicens, clamábat: Qui habet aures audiéndi, áudiat. Interrogábant autem eum discípuli eius, quę esset hęc parábola. Quibus ipse dixit: Vobis datum est nosse mystérium regni Dei, ceteris autem in parábolis; vt vidéntes non vídeant, & audiéntes non intelli-

gant.

gant. Est autem hæc parabola: Semen est verbum Dei. Qui autem secus viam, hi sunt qui audiunt: deinde venit diabolus, & tollit verbum de corde eorum, ne credentes salui fiant. Nam qui supra petram: qui cum audierint, cum gaudio suscipiunt verbum: & hi radices non habent: qui ad tempus credunt, & in tempore tentationis recedunt. Quod autem in spinas cecidit: hi sunt, qui audierunt, & à sollicitudinibus, & diuitiis, & voluptatibus vitæ, euntes, suffocantur, & non referunt fructum. Quod autem in bonam terram: hi sunt, qui in corde bono & optimo audientes verbum retinent, & fructum afferunt in patientia. *Credo.*

*Psal.*  
16.  
*Offertorium.* *P*erfice gressus meos in semitis tuis, vt non moueantur vestigia mea: inclina aurem tuam, & exaudi verba mea: mirifica misericordias tuas, qui saluos facis sperantes in te Domine. *Secreta.*

*O*blatum tibi Domine sacrificium viuificet nos semper, & muniat. *Per Dñm. Alia Secreta.*

*E*xaudi nos Deus salutaris noster: vt per huius sacramenti virtutem, à cunctis nos mentis & corporis hostibus tuearis; gratiam tribuens in presenti, & gloriam in futuro. *Tertia ad libitum.*

*Psal.*  
41.  
*Communio.* Introibo ad altare Dei, ad Deum, qui latificat iuuentutem meam. *Postcommunio.*

*S*upplices te rogamus, omnipotens Deus: vt quos tuis reficis sacramentis, tibi etiam placitis

moribus dignanter deseruire concedas. *Per Dominum.*

*Alia Postcommunio.*

*M*undet & muniat nos, quæsumus Domine, diuini sacramenti munus oblatum: & intercedente beata virgine Deigenitrice Maria, cum beatis Apostolis tuis Petro & Paulo, atque beato N. & omnibus Sanctis; à cunctis nos reddat & peruersitatibus expiatis, & aduersitatibus expeditos.

*Tertia ad libitum.*

*B*enedicamus Domino.

## D O M I N I C A

in Quinquagesima.

*Statio ad S. Petrum. Introitus.*



*Psal.*  
30.  
Sto mihi in Deum protectorem, & in locum refugij, vt saluum me facias: quoniam firmamentum

meum, & refugium meum estu: & propter nomen tuum dux mihi eris, & enutries me. *Psal.* In te Domine speraui, non confundar in æternum: in iustitia tua libera me, & eripe me. *Id*  
*V. Gloria Patri. Oratio.*

*P*reces nostras, quæsumus Domine, clementer exaudi: atque à peccatorum vinculis absolutos, ab omnino aduersitate custodi. *Per. Dominum nostrum.*

*Ad poscenda suffragia Sanctorum. Oratio.*

*A*cunctis nos, quæsumus Domine, mentis & corporis defende periculis: & intercedente beata & gloriosa semper virgine Dei genitrice Maria, cum beatis Apostolis tuis Petro & Paulo, at-

que beáto N. & ómnibus Sanctis, salutem nobis tribue benignus & pacem; vt, destrúctis aduersitatibus & erróribus vniuersis, Eccléſia tua ſecúra tibi ſeruiat libertáte. *Tertia ad libitum.*

Lectio Epístolæ beáti Pauli

Apóstoli ad Corínthios.

**F**Ratres, Si linguis hóminum loquar, & Angelórum, charitatem autem non hábeam, factus sum velut æsonans, aut cymbalum tinniens. Et si habúero prophetiam, & nóuerim mystéria ómnia, & omnem sciéntiam: & si habúero ómnem fidem ita vt montes transférám, charitatem autem non habúero, nihil sum. Et si distribúero in cibos páuperum omnes faculátes meas, & si tradídero corpus meum ita vt ardeam, charitatem autem non habúero, nihil mihi prodest. Cháritas pátiens est, benigna est: Cháritas non æmuláitur, non agit pèrperám, non inflátur, non est ambitiósa, non quærit quæ sua sunt, non irritátur, non cógitat malum, non gaudet super iniquitate, congáudet autem veritati: ómnia suffert, ómnia credit, ómnia sperat, ómnia sústinet. Cháritas numquam éxcidit: siue prophetiæ euacuabúntur, siue linguæ cessábunt, siue sciéntia destrúetur. Ex parte enim cognóscimus, & ex parte prophetámus. Cùm autem vénerit quod perfectum est, euacuábitur quod parte est. Cùm essem páruulus, loquébar vt páruulus, sapiébam vt páruulus, cogitábam vt páruulus.

Quando autem factus sum vir, euacuáui quæ erant páruuli. Vidémus nunc per spéculum in ænigmate: tunc autem facie ad faciem. Nunc cognóscó ex parte: tunc autem cognóscam sicut & cognitus sum. Nunc autem manent, fides, spes, cháritas, tria hæc: maior autem horum est cháritas.

*Graduale.* Tu es Deus, qui facis mirabilia solus: notam fecisti in Géntibus virtutem tuam. *Y.* Liberásti in bráchio tuo pópulum tuum, filios Israël & Ioseph. *Psal. 76.*

*Tractus.* Iubiláte Deo omnis terra: seruíte Dño in lætítia. *Y.* Intráte in conspéctu eius in exultatióne: scitôte quòd Dóminus ipse est Deus. *Y.* Ipse fecit nos, & non ipsi nos: nos autem pópulus eius, & oues páscuæ eius. *Psal. 99.*

Sequéntia sancti Euangélíj  
secúndum Lucam.

**I**N illo témpore: Assumpſit Iesus duódecim, & ait illis: Ecce ascéndimus Ierosólymam, & consummabúntur ómnia, quæ scripta sunt per Prophétas de Filio hóminis. Tradétur enim Géntibus, & illudétur, & flagellábitur, & conspuétur: & postquã flagelláuerint, occídent eum, & tértia die resurget. Et ipsi nihil horum intelléxerunt, & erat verbum istud absconditum ab eis, & non intelligébant quæ dicebátur. Factum est autem, cùm appropinquáret Iéricho, cæcus quidam sedébat secus viam, mendícanſ. Et cùm audíret turbam prætereúntem, interrogábat quid hoc esset. Dixérunt autem ei, quòd Iesus Nazarénuſ transf-

iret. Et clamauit, dicens: Iesu fili Dauid, miserere mei. Et qui prebant, increpabant eum ut taceret. Ipse vero multo magis clamabat: Fili Dauid miserere mei. Stans autem Iesus, iussit illum adduci ad se. Et cum appropinquasset, interrogauit illum, dicens: Quid tibi vis faciam? At ille dixit: Domine ut videam. Et Iesus dixit illi: Respice, fides tua te saluum fecit. Et confestim vidit, & sequebatur illum, magnificans Deum. Et omnis plebs ut vidit, dedit laudem Deo. Credo.

**Offertorium.** Benedictus est Domine, doce me iustificationes tuas: in labiis meis pronuntiavi omnia iudicia oris tui. **Secreta.**

**H**æc hostia, Dñe quaesumus, emundet nostra delicta: & ad sacrificium celebrandum, subditorum tibi corpora mentesque sanctificet. Per Dñm. **Alia Secreta.**

**E**xaudi nos Deus salutaris noster: ut per huius sacramenti virtutem, a cunctis nos mentis & corporis hostibus tuearis; gratiam tribuens in presenti, & gloriam in futuro. **Tertia ad libitum.**

**Communio.** Manducauerunt, & saturati sunt nimis, & desiderium eorum attulit eis Dñs: non sunt fraudati a desiderio suo. **Postcommunio.**

**Q**uesumus omnipotens Deus: ut qui caelestia alimenta percipimus, per hæc contra omnia aduersa muniamur. Per Dñm.

**Alia Postcommunio.**

**M**undet & munit nos, quaesumus Domine, diuini sa-

cramenti munus oblatum: & intercedente beata virgine Dei genitrice Maria, cum beatis Apostolis tuis Petro & Paulo, atque beato N. & omnibus Sanctis; a cunctis nos reddat & peruersitatibus expiatis, & aduersitatibus expeditos. **Tertia ad libitum.**

**Benedicamus Domino.**

### FERIA IV. CINERVM.

Ante Missam benedicuntur cineres facti de ramis oliuarum, siue aliarum arborum, precedenti anno benedictis, hoc modo.

Finita Nona, Sacerdos indutus pluuiiali violaceo, vel sine casula, cum ministris similiter indutis, procedit ad benedicendum cineres in vase aliquo super Altari positos. Et primo cantatur a Choro sequens Antiphona.



**X**audi nos Domine, quoniam benigna est misericordia tua: secundum multitudinem miserationum

tuarum respice nos Domine. **Psal S** aluum me fac Deus: quoniam intrauerunt aquae usque ad animam meam.

**V.** Gloria. Repetitur, **E**xaudi nos.

Deinde Sacerdos in cornu Epistolae, non vertens se ad populum, manibus iunctis (quod seruatur etiam in Orationibus omnium benedictionum quoad manus iunctas) dicit **D**ominus vobiscum. **R.** Et cum spiritu tuo.

**O**remus. **O**ratio.

**O**mnipotes sempiternae Deus, parce poenitentibus, propitiare supplicantibus: & mittere

dignêris sanctum Angelum tuum de cælis, qui bene ✠ dicat, & sancti ✠ ficet hos cineres, vt sint remedium salubre omnibus nomen sanctum tuum humiliter implorantibus, ac semetipsos pro conscientia delictorum suorum accusantibus, ante conspectum diuinæ clementiæ tuæ facinora sua deplorantibus, vel serenissimam pietatem tuam suppliciter obnixè que flagitantibus: & præsta per inuocationem sanctissimi nominis tui; vt, quicumque per eos aspersi fuerint, pro redemptione peccatorum suorum, corporis sanitatem, & animæ tutelam percipiant. Per Christum Dominum nostrum. *R.* Amen. *O* remus.

**D**Eus, qui non mortem, sed poenitentiam desideras peccatorum: fragilitatem conditionis humanæ benignissimè respice, & hos cineres, quos causa proferendæ humilitatis, atque promerendæ veniæ, capitibus nostris imponi decernimus, bene ✠ dicere pro tua pietate dignare: vt qui nos cinerem esse, & ob prauitatis nostræ demeritum in puluerem reuersuros cognoscimus; peccatorum omnium veniam, & præmia poenitentibus repromissa, misericorditer consequi mereamur. Per Christum Dominum nostrum. *R.* Amen. *O* remus.

**D**Eus, qui humilitatione flêcteris, & satisfactione placaris: aurem tuæ pietatis inclina precibus nostris; & capitibus seruatorum tuorum, horum cinerum

asperfione contactis, effunde propitius gratiam tuæ benedictionis: vt eos & spiritu compunctionis repleas, & que iuste postulauerint, efficaciter tribuas; & concessa perpetuo stabilita, & intacta manere decernas. Per Christum Dominum nostrum. *R.* Amen. *O* remus.

**O**Mnipotês sempiternè Deus; qui Niniuitis in cinere & cilicio poenitentibus, indulgentiæ tuæ remedia præstitisti: concede propitius; vt sic eos imitemur habitu, quatenus veniæ prosequamur obtentu. Per Dominum.

¶ Postea Celebrans imposito incenso in thuribulo, ter aspergit cineres aqua benedicta, dicendo Antiphonam, *Asperges*, sine cantu & sine Psalmo, & ter adolet incenso. Deinde dignior Sacerdos ex Clero accedens ad Altare, imponit cinerem Celebranti non genuflexo. Si verò non adsit alius Sacerdos, ipsemet Celebrans, genibus flexis coram Altari, sibi ipsi cineres imponit in capite, nihil dicens: & cantatur statim à Choro Antiphona.

**I**mmutemur habitu, in cinere & cilicio: ieiunemus, & ploremus ante Dominum: quia multum misericors est dimittere peccata nostra Deus noster. *Alia Antiphona.*

Inter vestibulum & Altare plorabunt Sacerdotes ministri Domini, & dicent: *Parce Domine, parce populo tuo: & ne claudas ora canentium te Domine.* Sequitur *R.* *E* mendemus in melius, quæ ignoranter peccauimus: ne subito præoccupati die mortis, quæramus

spatium pœnitentiæ, & inuenîre non possîmus.\* Attende Dñe, & miserere: quia peccâuimus tibi. *Ÿ* Adiuua nos Deus salutâris noster: & propter honorem nòminis tui Dòmine libera nos. Attende Dòmine. *Ÿ* Glòria Patri, & Filio, & Spiritui sancto. Attende.

**¶** Sacerdos verò, dum cantantur Anæ, & Responsorium, detecto capite, primò imponit cineres digniori Sacerdoti, à quo ipse accipit, deinde ministris paratis, genibus flexis coram Altari, dicens: Meménto homo, quia puluis es, & in púluerem reuertêris.

Posteà veniunt alij, primò Clerus per ordinem, deinde populus: & genibus flexis ante Altare singulatim recipiunt cineres à Sacerdote, vt dictum est de ministris. Completa Cinerum impositione Sacerdos dicit, Dòminus vobîscum.

Orémus.

**C**oncède nobis Dòmine, præsidia militiæ Christiænæ sanctis inchoâre ieiúniis: vt contra spirítales nequítias pugnatúri, continentiæ muniámur auxiliis. Per Christum Dòminum nostrum. Amen.

**¶** Deinde dicitur Missa.

*Statio ad S. Sabinam.* Introitus.

**M**iserêris ómnium Dòmine, & nihil odísti eòrum quæ fecísti, dissimulans peccâta hóminum propter pœnitentiã, & parcens illis: quia tu es Dòminus Deus noster.

*Psalmus.* Miserere mei Deus, miserere mei: quóniam in te confidit ánima mea. *Ÿ* Glòria Patri.

Oratio.

**P**Ræsta Dòmine fidélibus tuis: vt ieiuniòrum veneranda solémnia, & congrua pietate suscipiant, & secúra deuotiòne percúrrant. Per Dòminum nostrum Iesum Christum.

**¶** Ab hac die, vsque ad Dominicam de Passione, post Orationem diei dicuntur duæ sequentes Orationes.

Ad poscenda suffragia Sanctorum. Oratio.

**A**Cunctis nos, quæsumus Dòmine, mentis & corpore defende periculis: & intercedente beata & gloriósa semper virgine Dei genitrice María, cum beatis Apóstolis tuis Petro & Paulo, atque beato N. & ómnibus Sanctis, salútem nobis tríbue benígnus & pacem; vt, destrúctis aduersitatibus & erróribus vniúersis, Ecclesiã tuã secúra tibi séruiat libertate.

Pro viuís & defunctis.

Oratio.

**O**Mnípotês sempitérne Deus, qui viuòrum dominâris simul & mortuòrum, omniumque miserêris, quos tuos fide & ópere futúros esse prænoscis: te supplices exorâmus; vt, pro quibus effúdere preces decreuimus, quosque vel præsens sæculum adhuc in carne rétinet, vel futúrum iam exútos corpore fuscêpit; intercedentibus ómnibus Sanctis tuis, pietatis tuæ cleméntia, ómnium delictòrum suòrum véniam consequantur. Per Dòminum nostrum Iesum Christum Filium tuum.

L éctio Ioëlis Prophétæ.

**H**Æc dicit Dóminus: Conuertimini ad me in toto corde vestro, in ieiúnió, & in fletu, & in planctu. Et scíndite corda vestra, & non vestiménta vestra, & conuertimini ad Dóminum Deum vestrum: quia benígnus & misericors est, pátiens & multæ misericórdiæ, & præstábilis super malítia. Quis scit si conuertátur, & ignóscat, & relínquat post se benedictiónem, sacrificium & libâmen Dómino Deo vestro? Cántate tuba in Sion, sanctificáte ieiúniú, vocáte cœtum, congregáte pópulum, sanctificáte ecclésiám, coadunáte senes, congregáte paruulos, & sugéntes úbera: egrediátur sponsus de cubíli suo, & sponsa de thálamó suo. Inter vestibulum & altáre plorábunt sacerdotes minístri Dómini, & dicent: Parce Dómine, parce pópulo tuo: & ne des hereditátem tuam in oppróbrium, vt dominéntur eis nationes. Quare dicunt in pópulis: Vbi est Deus eórum? Zelátus est Dóminus terram suam, & pepércit pópulo suo. Et respóndit Dóminus, & dixit pópulo suo: Ecce ego mittam vobis fruméntum, & vinum, & óleum, & replebimini eis: & non dabo vos vltrá oppróbrium in Géntibus: dicit Dóminus omnipotens.

Graduale. Miserere mei Deus, miserere mei: quóniam in te confidit ánima mea. *Ÿ.* Misit de cælo, & liberáuit me: dedit in oppróbrium conculcantes me.

Tractus. D ómine, non secúndum peccáta nostra, quæ fecimus nos, neque secúndum iniquitates nostras retríbuas nobis. *Ÿ.* Dómine, ne memíneris iniquitátum nostrárum antiquárum: citò anticipenit nos misericórdiæ tuæ, quia páuperes facti sumus nimis. *Ÿ.* \* Adiua nos Deus salutáris noster: & propter glóriam nóminis tui Dómine libera nos: & propítius esto peccátis nostris propter nomen tuum.

¶ Supradictus Tractus ab hac die dicitur Feria iij. iij. & vj. vsque ad Feriam iij. maioris Hebdomadæ, nisi proprius assignetur.

Sequéntia sancti Euangélj secúndum Matthæum.

**I**n illo témpore: Dixit Iesus discípulis suis: Cùm ieiunátis, nolíte fieri sicut hypócritæ tristes. Extérminant enim facies suas, vt appareant homínibus ieiunántes. Amen dico vobis, quia receperunt mercêdem suam. Tu autem, cùm ieiunas, vnge caput tuum, & faciem tuam laua, ne videáris homínibus ieiúnans, sed Patri tuo, qui est in abscondito: & Pater tuus, qui videt in abscondito, reddet tibi. Nolíte thesaurizáre vobis thesauros in terra: vbi ærúgo, & tinea demolítur: & vbi fures effódiunt, & furántur. Thesaurizáte autem vobis thesauros in cælo: vbi neque ærúgo, neque tinea demolítur, & vbi fures non effódiunt, nec furántur. Vbi enim est thesaurus tuus, ibi est & cor tuum.

Offertorium. Exaltábo te Dómine, quóniam suscepisti me, nec delectásti

inimí-



inimicos meos super me: Dómine clamaui ad te, & sanasti me. *Secreta.*

**F**Ac nos, quæsumus Dómine, his munéribus offerendis cōueniēter aptári: quibus ipsius venerabilis sacramenti celebrāmus exórdium. Per Dóminum.

*Aliæ Secretæ vsque ad Dominicam Passionis.*

**E**Xaudi nos Deus salutáris noster: vt per huius sacramenti virtutem, à cunctis nos mentis & córporis hóstibus tueáris; grátiam tribuens in præsentí, & glóriam in futuro.

**D**Eus, cui soli cógnotus est número electórum in supérna felicitáte locándus: tribue quæsumus, vt intercedéntibus ómnibus Sanctis tuis, vniuersórum, quos in oratióne commendátos fuscépi-mus, & ómnium fidélium nómina, beátæ prædestinatiónis liber adscrípta retíneat. Per Dominum nostrum Iesum Christum.

*Præfatio. Qui corporáli ieiúnio. Et dicitur quotidie vsque ad Dominicam Passionis, etiam in Festis, si in eis propria non habeatur.*

*Communio. Qui meditábitur in lege Dómini die ac nocte, dabit fructum suum in témpore suo.*

*Postcommunio.*

**P**ercépta nobis, Dómine, præbeant sacramenta subsidiúm: vt tibi grata sint nostra ieiúnia, & nobis proficiant ad medélam. Per Dóminum nostrum.

*Alia Postcommunio.*

**M**Vndet & múniat nos, quæsumus Dómine, diuini sa-

cramenti munus oblátum: & intercedénte beáta vírgine Dei genitríce María, cum beátis Apóstolis tuis Petro & Paulo, atque beáto N. & ómnibus Sanctis; à cunctis nos reddat & peruersitatibus expiátos, & aduersitatibus expeditos.

**P**Vrificent nos, quæsumus omnipotens & misericors Deus, sacramenta quæ sumpsimus: & intercedéntibus ómnibus Sanctis tuis, præsta; vt hoc tuum sacramentum non sit nobis reátus ad pœnam, sed intercessió salutáris ad véniam: sit ablútio scélerum, sit fortitúdo fragílium, sit contra ómnia mundi perícula firmamentum: sit viuórum atque mortuórum fidélium, remissio ómnium delictórum. Per Dóminum nostrum.

Deinde Sacerdos absolutè dicit: Oremus. Et Diaconus ( si in officio Diaconatus seruiat ) versus ad populum iunctis manibus dicit: Humiliáte cápita vestra Deo. Alioquin ipse Sacerdos, stans in eodem loco ante librum, & non vertens se ad populum. *Oratio.*

**I**nclinátes se, Dómine, maiestati tuæ, propitiátus inténde: vt qui diuino múnere sunt refecti, cæléstibus semper nutriántur auxilijs. Per Dóminum.

Et hic modus dicendi Oratió-nem super populum seruatúr tantummodò in Missis de Feria vsque ad quartam Feriam maioris Hebdomadæ. Deinde Benedicámus Dómino. *R. Deo gratias.*

## FERIA QUINTA.

*Statio ad Sanctum Georgium.*

## Introitus.



**D**um clamarem ad Dominum, exaudiuit vocem meam ab his, qui appropinquant mihi: & humiliavit eos, qui est ante saecula, & manet in aeternum: iacta cogitatum tuum in Domino, & ipse te nutrit. *Psalmus.* Exaudi Deus orationem meam, & ne despexeris deprecationem meam: intende mihi, & exaudi me. *Ps.* Gloria Patri.

## Oratio.

**D**eus, qui culpa offenderis, poenitentia placaris: preces populi tui supplicantis propitius respice, & flagella tuae iracundiae, quae pro peccatis nostris meremur, auerte. Per Dominum.

Aliae Orationes, vt supra in Feria quarta Cinerum. fol. 69.

## Lectio Isaiae Prophetae.

**I**n diebus illis: Aegrotavit Ezechias vsque ad mortem: & introiuit ad eum Isaias filius Amos Propheta, & dixit ei: Haec dicit Dominus: Dispone domui tuae, quia morieris tu, & non viues. Et conuertit Ezechias faciem suam ad parietem, & orauit ad Dominum, & dixit: Obsecro Domine, memento quae so quomodo ambulauerim coram te in veritate, & in corde perfecto, & quod bonum est in oculis tuis fecerim. Et flevit Ezechias fletu magno. Et factum est verbum Domini ad Isaiaam, dicens: Vade, & dic Ezechiae: Haec dicit Dominus Deus Dauid patris tui: Audiui oratio-

nem tuam, & vidi lacrymas tuas: ecce ego adiciam super dies tuos quindecim annos: & de manu regis Assyriorum eruam te, & ciuitatem istam, & protegam eam, ait Dominus omnipotens.

**Graduale.** Iacta cogitatum tuum in Domino, & ipse te nutrit. *Ps.* Dum clamarem ad Dnm, exaudiuit vocem meam ab his, qui appropinquant mihi.

## Sequentia sancti Euangelij secundum Matthaeum.

**I**n illo tempore: Cum introisset Iesus Capharnaum, accessit ad eum Centurio, rogans eum, & dicens: Domine, puer meus iacet in domo paralyticus, & male torquetur. Et ait illi Iesus: Ego veniam, & curabo eum. Et respondens Centurio, ait: Domine, non sum dignus vt intres sub tectum meum: sed tantum dic verbo, & sanabitur puer meus. Nam & ego homo sum sub potestate constitutus, habens sub me milites, & dico huic: Vade, & vadit: & alij, Veni, & venit: & seruo meo, Fac hoc, & facit. Audiens autem Iesus, miratus est, & sequentibus se dixit: Amen dico vobis, non inueni tantam fidem in Israel. Dico autem vobis, quod multi ab Oriente & Occidente venient, & recumbent cum Abraham, & Isaac, & Iacob in regno caelorum: filij autem regni eiciuntur in tenebras exteriores: ibi erit fletus, & stridor dentium. Et dixit Iesus Centurioni: Vade, & sicut credidisti, fiat tibi. Et sanatus est puer in illa hora.

**O**ffertorium. **A**d te Dómine leuáui ánimam meam: Deus meus in te confido, non erubescam: neque irideant me inimici mei: etenim uniuersi, qui te expéctant, non confundentur.

Secreta.

**S**acrificiis præsentibus, Dómine quæsumus, inténde placatus: vt & deuotióni nostræ proficiant, & salúti. Per Dóminum.

Aliæ Secretæ, vt in Feria quarta Cinerum. fol. 71.

**C**ommunio. **A**cceptâbis sacrificium iustitiæ, oblatiónes, & holocâusta super altâre tuum Dómine.

Postcommunio.

**C**æléstis doni benedictiône percépta, supplices te Deus omnipotens deprecâmur: vt hoc idem nobis & sacraménti causa sit, & salútis. Per Dóminum.

Aliæ Postcommuniones, vt in Feria iij. Cinerum. fol. 71.

Super populum. **O** remus.

Humiliâte cápita vestra Deo.

Oratio.

**P**arce Dómine, parce pópulo tuo: vt dignis flagellatiónibus castigâtus, in tua miseratiône respíret. Per Dóminum nostrum.

## F E R I A S E X T A.

*Statio ad sanctos Ioannem*

*& Paulum. Introitus.*

**V**díuit Dóminus, & miseratus est mihi: Dóminus factus est adiutor meus.

**P**salm. **E**xaltâbo te Dómine, quóniam suscepisti me: nec delectásti inimicos meos super me.

✠. Glória Patri.

Oratio.

**I**nchoâta ieiúnia, quæsumus Dómine, benigno fauóre prosequere: vt obseruántiam, quam corporaliter exhibémus, méntibus étiam sincéris exercére valeámus. Per Dóminum.

Aliæ Orationes, vt in Feria quarta Cinerum. fol. 69.

**L**éctio Isaíæ Prophétæ.

**H**æc dicit Dóminus Deus:

Clama, ne cesses: quasi tuba exalta vocem tuam, & annúntia pópulo meo scélera eórum, & dómni Iacob peccâta eórum. Me etenim de die in diem quærunt, & scire vias meas volunt: quasi gens, quæ iustitiam fécerit, & iudicium Dei sui non dereliquerit: rogant me iudicia iustitiæ: appropinquâre Deo volunt. Quare ieiunâuimus, & non aspexísti: humiliâuimus ánimas nostras, & nescísti? Ecce in die ieiúnij vestri inuenitur volúntas vestra, & omnes debitôres vestros repétitis. Ecce ad lites & contentiónes ieiunâtis, & percútitis pugno impiè. Nolíte ieiunâre sicut vsque ad hanc diem, vt audiâtur in excélsso clamor vester. Numquid tale est ieiúnum, quod elégi per diem affligere hóminem ánimam suam? numquid contorquere quasi círculum caput suum, & saccum & cínerem stérnere? numquid istud vocâbis ieiúnum, & diem acceptábilem Dómino? Nónne hoc est magis ieiúnum quod elégi: dissolue colligatiónes impietâtis, solue fascículos deprímétes; dimitte eos,

G

qui

qui confracti sunt, liberos, & omne onus dirumpere. Frange esuriēti panem tuum, & egenos vagosque induc in domum tuam: cum videris nudum, operi eum; & carnem tuam ne despexeris. Tunc erumpet quasi manē lumen tuum, & sanitas tua citius oriētur, & anteibit faciem tuam iustitia tua, & gloria Dōmini colliget te. Tunc inuocabis, & Dōminus exaudiet: clamabis, & dicet: Ecce adsum. Quia misericors sum, Dōminus Deus tuus.

Graduale. Vnam petiit à Dōmino, hanc requiram, vt inhābitem in domo Dōmini. *Ps.* Vt videam voluptātem Dñi: & protegar à templo sancto eius.

Tractus. Dōmine, non secūndum peccāta nostra, quæ fecimus nos, neque secūndum iniquitates nostras retribuas nobis. *Ps.* Dōmine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis. *Ps.* Adiuua nos Deus salutaris noster: & propter gloriam nominis tui Dōmine libera nos: & propitius esto peccatis nostris propter nomen tuum.

Sequētia sancti Euangēlij secūndum Matthæum.

**I**N illo tempore: Dixit Iesus discipulis suis: Audistis quia dictum est: Diliges proximum tuum, & odio habebis inimicum tuum. Ego autem dico vobis: Diligite inimicos vestros, benefacite his qui oderunt vos: & orate pro persecutentibus, & calumniantibus vos: vt sitis filij Patris vestri, qui in caelis est: qui solem suum ori

facit super bonos & malos, & pluit super iustos & iniustos. Si enim diligitis eos qui vos diligunt, quam mercedem habebitis? nonne & publicani hoc faciunt? Et si salutaeritis fratres vestros tantum, quid amplius facitis? nonne & ethnici hoc faciunt? Estote ergo vos perfecti, sicut & Pater vester caelestis perfectus est. Attendite ne iustitiam vestram faciatis coram hominibus, vt videamini ab eis: alioquin mercedem non habebitis apud Patrem vestrum, qui in caelis est. Cum ergo facis elemosynam, noli tuba canere ante te, sicut hypocritae faciunt in synagoga, & in vicis, vt honorificentur ab hominibus. Amen dico vobis, receperunt mercedem suam. Te autem faciente elemosynam, nesciat sinistra tua quid faciat dextera tua: vt sit elemosyna tua in abscondito, & Pater tuus, qui videt in abscondito, reddet tibi.

Offertorium. Dōmine, viuifica me secūndum eloquium tuum: vt sciam testimonia tua. *Ps.*

Secreta. Sacrificium, Dōmine, obseruantiae quadragesimalis, quod offerimus, praesta quaesumus, vt tibi & mentes nostras reddat acceptas, & continentiae promptioris nobis tribuat facultatem. Per Dōminum nostrum.

Aliae Secretae, vt in Feria quarta Cinerum. fol. 71.

Communio. Seruite Dōmino in timore, & exultate ei cum tremore: apprehendite disciplinam, ne pereatis de via iusta.

## Postcommunio.

**S**pirítum nobis, Dómine, tuæ charitátis infúnde: vt, quos vno pane cælésti satiásti, tua facias pietáte concórdes. Per Dóminum. in vnitáte eiúsdem Spíritus.

Aliæ Postcommuniones, vt in Feria iiii. Cinerum. fol. 71.

Super populum. O rēmus.

Humiliáte cápita vestra Deo.

## Oratio.

**T**Vere Dñe pópulum tuum, & ab ómnibus peccátis cleménter emúnda: quia nulla ei nocēbit aduérfitas, si nulla ei domiñetur iníquitas. Per Dóminum.

## S A B B A T O.

Statio ad S. Tryphonem. Introitus.

Vdiuit Dóminus, & miserus est mihi: Dóminus factus est adiutor meus.

*Psalm.* E xaltábo te Dómine, quóniam suscepisti me: nec delectásti inimicos meos super me.

Glória Patri. Oratio.

**A**desto Dómine supplicatióibus nostris: & concède, vt hoc solémne ieiúniū, quod animábus corporibúsq; curándis salúbriter institútum est, deuóto seruítio celebrémus. Per Dóminum.

Aliæ Orationes, vt in Feria quarta Cinerum. fol. 69.

L ectio Isaíæ Prophétæ.

**H**æc dicit Dóminus Deus: Si abstúleris de médio tui catēnam, & desieris exténdere dígitum, & loqui quod non prodest. Cùm effúderis esuriéti animam tuam, & animam afflíctam replé-

ueris, oriétur in ténébris lux tua, & ténébræ tuæ erunt sicut merí-dies. Et réquiem tibi dabit Dóminus semper, & implébit splendoribus ánimam tuam, & ossa tua liberábit; & eris quasi hortus irriguus, & sicut fons aquárum, cuius non deficiet aquæ. Et ædificabúntur in te déserta sæculórum: fundaméta generatiónis & generatiónis fuscitábis: & vocáberis ædificátor sèpium, auértens sémitas in quiétem. Si auérteris à sabbato pedem tuum, face-re voluntátem tuam in die sancto meo, & vocáueris sabbatum deli-cátum, & sanctum Dómini gloriósum, & glorificáueris eum dum non facis vias tuas, & non inueni-tur volúntas tua, vt loquáris sermónem: Tunc delectáberis super Dómino, & sustollam te super altitúdines terræ, & cibábo te hereditáte Iacob patris tui. Os enim Dómini locútum est.

Graduale. V nam pétij à Dómino, hanc requíram, vt inhábitem in domo Dómini. Vt vídeam voluptátem Dómini: & prótegar à templo sancto eius.

S equéntia sancti Euangélij secúndum Marcum.

**I**n illo témpore: Cùm serò esset, erat nauis in médio mari, & Iesus solus in terra. Et videns discipulos suos laborántes in remigándo (erat enim ventus contrárius eis) & circa quartam vigíliam noctis venit ad eos ámbulans supra mare: & volébat præterire eos. At illi vidérunt eum am-

bulantem supra mare, putauerunt phantasma esse: & exclamauerunt. Omnes enim viderunt eum, & conturbati sunt. Et statim locutus est cum eis, & dixit eis: Confidite, ego sum, nolite timere. Et ascendit ad illos in nauim, & cessauit ventus. Et plus magis intra se stupébant: non enim intellexerunt de panibus: erat enim cor eorum obcæcatum. Et cum transfretassent, venerunt in terram Genésareth, & applicuerunt. Cumque egressi essent de nauim, continuo cognouerunt eum: & percurrentes vniuersam regionem illam, coeperunt in grabatis eos, qui se malè habebant, circumferre, vbi audiebant eum esse. Et quocumque introibat, in vicos, vel in villas, aut ciuitates, in plateis ponebant infirmos, & deprecabantur eum, vt vel simbriam vestimenti eius tangerent: & quotquot tangebant eum, salui fiebant.

*Offertorium.* Dómine, viuifica me secundum eloquium tuum: vt sciam testimonia tua.

*Secreta.*

**S**uscipe Dómine sacrificium, scuius te voluisti dignanter immolatione placari: præsta quæsumus; vt huius operatione mundati, beneplacitum tibi nostræ mentis offeramus affectum. Per Dóminum nostrum.

*Aliæ Secretæ, vt in Feria quarta Cinerum. fol. 71.*

*Communio.* Seruite Dómino in timóre, & exultate ei cum tremóre: apprehendite disciplinam, ne pereatis de via iusta.

*Postcommunio.*

**C**ælestis vitæ munere vegetati, quæsumus Dómine: vt quod est nobis in præsentí vita mysterium, fiat æternitatis auxiliium. Per Dóminum nostrum.

*Aliæ Postcommuniones, vt in Feria iij. Cinerum. fol. 71.*

*Super populum. Orémus.*

*Humiliatè cápita vestra Deo.*

*Oratio.*

**F**idèles tui Deus, per tua dona firméntur: vt eadem & percipiéndò requirant, & quæréndò sine fine percipiant. Per Dñm.

## DOMINICA I.

*in Quadragesima.*

*Statio ad sanctum Ioannem in Laterano. Introitus.*



Nuocabit me, & ego exaudiam eum: eripiam eum, & glorificabo eum: longitudine dierum adimplèbo eum. *Psalmus.* Qui habitat in adiutorio Altissimi: in protectione Dei cæli commorabitur. *ÿ. Gloria Patri.*

*Oratio.*

**D**eus, qui Ecclesiam tuam annua quadragesimali obseruatione purificas: præsta familiæ tuæ, vt quod à te obtinere abstinentendo nititur, hoc bonis operibus exequatur. Per Dóminum nostrum Iesum Christum.

*Ad poscenda suffragia sanctorum. Oratio.*

**A**cunctis nos, quæsumus Dómine, mentis & corporis defende periculis: & intercedente beata & gloriósa semper

virgine

virgine Dei genitrice María, cum  
beatis Apóstolis tuis Petro & Pau-  
lo, atque beáto N. & ómnibus  
Sanctis, salútem nobis tríbue be-  
nignus & pacem; vt, destrúctis  
aduersitatibus & erróribus vni-  
uérfis, Eccléſia tua ſecúra tibi ſer-  
uiat libertáte.

Pro viuís & defunctis. Oratio.

**O**Mnípotēs ſempitérne Deus,  
qui viuórum domináris ſi-  
mul & mortuórum, omniúm-  
que miſeréris, quos tuos fide &  
óperē futúros eſſe prænoſcis: te  
ſúpplices exorámuſ; vt, pro qui-  
bus effúndere preces decreuimus,  
quoſque vel præſens ſæculúm ad-  
huc in carne rétinet, vel futúrum  
iam exútos córpore ſuſcêpit; inter-  
cedéntibus ómnibus Sanctis tuis,  
pietátis tuæ cleméntia, ómnium  
delictórum ſuórum véniam con-  
ſequántur. Per Dóminum noſtrum  
Ieſum Chriſtum Filium tuum.

L éctio Epíſtolæ beáti Pauli  
Apóſtoli ad Corínthios.

**F**Ratres, Exhortámur vos, ne  
in vácuum grátiam Dei reci-  
piátis. Ait enim: Témpace accé-  
pto exaudíui te, & in die ſalútis  
adiúui te. Ecce nunc tempus ac-  
ceptábile, ecce nunc dies ſalútis.  
Némini dantes vllam offeníónem,  
vt non vituperétur miniſtér-  
ium noſtrum: ſed in ómnibus ex-  
hibeámus noſmetípſos ſicut Dei  
miniſtros, in multa patientia, in  
tribulatióibus, in neceſſitatibus,  
in angúſtiis, in plagis, in carcéri-  
bus, in ſeditiõibus, in labóribus,  
in vigilijs, in ieiúnijs, in caſtitate,

in ſciéntia, in longanimitate, in  
ſuauitate, in Spírítu ſancto, in cha-  
ritate non ficta, in verbo veritátis,  
in virtúte Dei, per arma iuſtitie à  
dextris, & à ſiniſtris; per glóriam,  
& ignobilitatem; per infamiam,  
& bonam famam; vt ſeductóres,  
& veraces; ſicut qui ignóti, &  
cógñiti: quaſi morientes, & ecce  
viuimus: vt caſtigati, & non mór-  
tificati: quaſi tristes, ſemper au-  
tem gaudéntes: ſicut egéntes, mul-  
tos autem locupletántes: tam-  
quam nihil habéntes, & ómnia  
poſſidéntes.

Graduale. Angelis ſuis Deus man-  
dauit de te, vt cuſtódiant te in ómni-  
bus viis tuis. *ŷ.* In máñibus portá-  
bunt te, ne vnquam offéndas ad lápi-  
dem pedem tuum.

Tractus. Qui hábitat in adiutó-  
riõ Altíſſimi, in protecliõne Dei cæli  
commorábitur. *ŷ.* Dicit Dómino:  
Suſcèptor meus es tu, & refúgium  
meum, Deus meus: ſperábo in eum.  
*ŷ.* Quóniam ipſe liberáuit me de lá-  
queo venántium, & à verbo áſpero.  
*ŷ.* Scápolis ſuis obumbrábit tibi, &  
ſub pennis eius ſperábis. *ŷ.* Scuto cir-  
cúmdabit te veritas eius: non timébis à  
timóre noctúrno. *ŷ.* A ſagitta volán-  
te per diem, à negótiõ perambulante  
in ténébris, à ruina & dæmónio meri-  
diáno. *ŷ.* Cadent à latere tuo mille, &  
decem míllia à dextris tuis: tibi autem  
non appropinquábit. *ŷ.* Quóniam  
Angelis ſuis mandauit de te, vt cuſtó-  
diant te in ómnibus viis tuis. *ŷ.* In  
máñibus portábunt te, ne vnquam  
offéndas ad lápidem pedem tuum.  
*ŷ.* Super áſpidem & baſilíſcum am-

bulâbis, & conculcâbis leônem & draconem. *Ÿ.* Quóniam in me sperâuit, liberâbo eum: protégam eum, quóniam cognôuit nomen meum. *Ÿ.* Inuocâbit me, & ego exâudiam eum: cum ipso sum in tribulatiône. *Ÿ.* Erípiam eum, & glorificâbo eum: longitúdine diêrum adimplêbo eum, & osténdam illi salutâre meum.

Sequéntia sancti Euangélij  
secúndum Matthæum.

**I**n illo tẽpore: Ductus est Iesus in desértum à Spíritu, vt tentâretur à diabolo. Et cum ieiunâsset quadraginta diêbus, & quadraginta nóctibus, póstea esúriit. Et accédens tentâtor, dixit ei: Si Fílius Dei es, dic vt lápides isti panes fiant. Qui respóndens, dixit: Scriptum est: Non in solo pane viuit homo: sed in omni verbo, quod procêdit de ore Dei. Tunc assúmpsit eum diabolus in sanctam ciuitâtem, & státuit eum super pinnâculum templi, & dixit ei: Si Fílius Dei es, mitte te deórsum. Scriptum est enim: Quia Angelis suis mandâuit de te, & in mânibus tollent te, ne fortè offendas ad lápidem pedem tuum. Ait illi Iesus: Rursum scriptum est: Non tentâbis Dóminum Deum tuum. Iterùm assúmpsit eum diabolus in montem excélsam valdè: & osténdit ei ómnia regna mundi, & glóriam eorum, & dixit ei: Hæc ómnia tibi dabo, si cadens adorâueris me. Tunc dicit ei Iesus: Vade Sátana: Scriptum est enim: Dóminum Deum tuum adorâbis, & illi soli seruiēs. Tunc reliquit eum diá-

bolus: & ecce Angeli accesserunt, & ministrâbant ei. *C* redo.

*Offertorium.* S capulis suis obumbrâbit tibi Dóminus, & sub pennis eius sperâbis: scuto circúmdabit te veritas eius. *Secreta.*

**S**acrificium quadragesimâlis iníitij solémniter immolâmus, te Dñe deprecâtes: vt cum epulârũ restrictiône carnâlium, à nóxiis quoque voluptatibus temperêmus. Per Dñm. *Aliæ Secretæ.*

**E**xâudi nos Deus salutâris noster: vt per huius sacramenti virtútem, à cunctis nos mentis & cõporis hóstibus tueâris; grâtiã tribuens in præsentí, & glóriã in fúture.

**D**eus, cui soli cõgnitus est número electõrum in supérna felicitate locândus: tribue quæsumus, vt intercedentibus ómnibus Sanctis tuis, vniuersõrum, quos in oratiõne commendâtos suscépimus, & ómnium fidélium nómina, beatæ prædestinatiõnis liber adscrípta retíneat. Per Dóminum.

*Communio.* S capulis suis obumbrâbit tibi Dóminus, & sub pennis eius sperâbis: scuto circúmdabit te veritas eius. *Postcommunio.*

**T**vi nos, Dómine, sacramenti libatiõ sancta restâuret: & à vetustate purgâtos, in mystéríj salutâris faciat transíre cõfórtium. Per Dóminum nostrum.

*Aliæ Postcommuniones.*

**M**vndet & múniat nos, quæsumus Dómine, diuini sacramenti munus oblâtum: & intercedente beata vírgine Dei genitricẽ



nitríce María, cum beáto Apó-  
stolis tuis Petro & Paulo, atque  
beáto N. & ómnibus Sanctis; à  
cunctis nos reddat & peruersitá-  
tibus expiátos, & aduersitátibus  
expeditos.

**P** Vrificent nos, quæsumus om-  
nípotens & misericors Deus,  
sacraménta quæ sumpsimus, &  
intercedéntibus ómnibus Sanctis  
tuis, præsta: vt hoc tuum sacra-  
mémentum non sit nobis reátus ad  
pœnam, sed intercessio salutá-  
ris ad véniam: sit ablútio scéle-  
rum, sit fortitúdo fragílium, sit  
contra ómnia mundi perícula fir-  
maméntum; sit viuórum atque  
mortuórum fidélium, remíssio  
ómnium delictórum. Per Dñm.

## FERIA SECUNDA.

*Statio ad sanctum Petrum  
ad Vincula. Introitus.*



Sicut óculi seruórum in  
mánibus dominórum suó-  
rum: ita óculi nostri ad  
Dóminum Deum nostrum,

donec misereátur nobis: miserère nobis  
Dómine, miserère nobis. Psalm. A d  
te leuáui óculos meos: qui hábitas in  
cælis. y. Glória Patri. Oratio.

**C** Onuerte nos Deus salutáris  
noster: & vt nobis ieiúnum  
quadragesimále proficiat, mentes  
nostras cælestibus instrue discipli-  
nis. Per Dóminum.

Aliæ Orationes, vt in Dominica  
præcedenti. fol. 76.

L éctio Ezechiélis Prophétæ.

**H** Ecce dicit Dóminus Deus:  
Ecce ego ipse requiram

oues meas, & visitabo eas. Sicut  
visitat pastor gregem suum, in die  
quando fuerit in médio ouium  
suarum dissipatarum: sic visitabo  
oues meas, & liberabo eas de óm-  
nibus locis, in quibus dispersæ fue-  
rant in die nubis & caliginis. Et  
educam eas de populis, & congre-  
gabo eas de terris, & inducam eas  
in terram suam: & pascam eas in  
montibus Israël, in riujs, & in cun-  
ctis sedibus terræ. In pascuis vber-  
rimis pascam eas, & in montibus  
excelsis Israël erunt pascua earum:  
ibi requiescent in herbis virénti-  
bus, & in pascuis pinguibus pa-  
scéntur super montes Israël. Ego  
pascam oues meas: & ego eas ac-  
cubare faciam, dicit Dóminus  
Deus. Quod perierat, requiram,  
& quod abiectum erat, reducam,  
& quod confractum fuerat, alligabo,  
& quod infirmum fuerat, con-  
solidabo, & quod pingue & forte,  
custodiam: & pascam illas in iudi-  
cio, dicit Dóminus omnipotens.

Graduale. P rotector noster aspice  
Deus, & respice super seruos tuos.  
y. Dómine Deus virtutum, exaudi  
preces seruorum tuorum.

Tractus. D ómine, non secundum  
peccata nostra, quæ fecimus nos, neque  
secundum iniquitates nostras retribu-  
as nobis. y. Dómine, ne memineris  
iniquitatum nostrarum antiquarum:  
cito anticipent nos misericordiae tuæ,  
quia pauperes facti sumus nimis.  
y. \* Adiuua nos Deus salutáris no-  
ster: & propter glóriam nóminis tui  
Dómine libera nos: & propitius esto  
peccatis nostris propter nomen tuum.

Sequētia sancti Euangēlij  
secūndūm Matthæum.

**I**N illo tēpore : Dixit Iesus discipulis suis : Cūm uenerit Filius hōminis in maieſtate ſua, & omnes Angeli cum eo, tunc ſedēbit ſuper ſedem maieſtatis ſuæ : & congregabūntur ante eum omnes gentes, & ſeparābit eos ab inuicem, ſicut paſtor ſēgregat oues ab hōedis : & ſtatuēt oues quidem à dextris ſuis, hōedos autem à ſiniſtris. Tunc dicet Rex his, qui à dextris eius erunt : Venīte benedīcti Patris mei, poſſidēte parātum uobis regnum à conſtitutiōne mundi. Eſuriui enim, & dediſtis mihi manducāre : ſitiui, & dediſtis mihi bibere : hoſpes eram, & collegiſtis me : nudus, & cooperuiſtis me : infirmus, & uifiſtaſtis me : in cārcere eram, & ueniſtis ad me. Tunc reſpondēbunt ei iuſti dicētes : Dōmine, quando te uidiſimus eſuriētem, & pāuimus te : ſitiētem, & dēdimus tibi potum ? quando autem te uidiſimus hōſpitem, & collegimus te : aut nudum, & cooperuimus te ? aut quando te uidiſimus infirmum, aut in cārcere, & uēnimus ad te ? Et reſpōdens Rex, dicet illis : Amen dico uobis, quāmdiu feciſtis uñi ex his frātribus meis minimis, mihi feciſtis. Tunc dicet illis, qui à ſiniſtris erunt : Diſcēdite à me maledīcti in ignem ætērnū, qui parātus eſt diabolo, & angelis eius. Eſuriui enim, & non dediſtis mihi manducāre : ſitiui, & non dediſtis mihi potum : hoſpes eram, &

non collegiſtis me : nudus, & non cooperuiſtis me : infirmus, & in cārcere, & non uifiſtaſtis me. Tunc reſpondēbunt ei, & ipſi, dicētes : Dōmine, quando te uidiſimus eſuriētem, aut ſitiētem, aut hōſpitem, aut nudum, aut infirmum, aut in cārcere, & non miniſtrauimus tibi ? Tunc reſpondēbit illis, dicens : Amen dico uobis : Quāmdiu non feciſtis uñi de minōribus his, nec mihi feciſtis. Et ibunt hi in ſupplicium ætērnū ; iuſti autem in uitam ætērnā.

*Offertorium.* Leuābo oculos meos, & conſiderābo mirabilia tua Dōmine, ut doceas me iuſticias tuas : da mihi intellēctum, & diſcam mandāta tua.

*Secreta.*

**M**Vnera tibi Dōmine oblāta ſanctifica : noſque à peccatōrum noſtrōrum maculis emūnda. Per Dōminum.

*Aliæ Secretæ, ut in Dominica præcedenti. fol. 78.*

*Communio.* Amen dico uobis : quod uñi ex minimis meis feciſtis, mihi feciſtis : uenīte benedīcti Patris mei, poſſidēte parātum uobis regnum ab initio ſæculi.

*Postcommunio.*

**S**alutaris tui, Dōmine, mūnere ſatiāti, ſupplices exorāmus : ut cuius lætāmur guſtu, renouēmur effectū. Per Dōminum.

*Aliæ Postcommuniones, ut in Dominica præcedenti. fol. 78.*

*Super populum. O rēmus.*

*Humiliāte capita ueſtra Deo.*

*Oratio.*

**A**Bſolue, quæſumus Dōmine, noſtrōrum uincula peccatō-

*Psal. 118.*

*Mat. 25.*

catō-

catōrum: & quidquid pro eis mē-  
rēmur, propitiātus auerte. Per Dō-  
minum nostrum.

FERIA TERTIA.

*Statio ad sanctam Anastasiam.*

Introitus.



Ominē, refūgium factus es  
nobis à generatiōne & pro-  
gēnic: à sæculo & in sæcu-  
lum tu es. Psalm. Prius-  
quam montes fierent, aut formarētur  
terra & orbis: à sæculo & vsque in sæ-  
culum tu es Deus. *Ÿ.* Glōria Patri.

Oratio.

**R**ēspice Dōmine familiam  
tuam, & præsta: vt apud te  
mens nostra tuo desidērio fūlgeat,  
quæ se carnis maceratiōne casti-  
gat. Per Dōminum.

Aliæ Orationes, vt in Dominica  
præcedenti. fol. 76.

L ectio Isaïæ Prophætæ.

**I**n diēbus illis: Locūtus est Isaïas  
Prophēta, dicens: Quærite Dō-  
minum, dum inueniri potest: in-  
uocāte eum, dum propè est. De-  
relinquat impius viam suam,  
& vir iniquus cogitationes suas,  
& reuertatur ad Dōminum, &  
miserēbitur eius, & ad Deum no-  
strum: quōniam multus est ad  
ignoscendum. Non enim cogi-  
tationes meæ, cogitationes ve-  
stræ: neque viæ vestræ, viæ meæ,  
dicit Dōminus. Quia sicut exal-  
tantur cæli à terra, sic exaltata  
sunt viæ meæ à viis vestris, & co-  
gitationes meæ à cogitationibus  
vestris. Et quōmodo descendit  
imber, & nix de cælis, & illuc vl-

trā non reuertitur, sed inebriat ter-  
ram, & infundit eam, & germi-  
nare eam facit, & dat semen se-  
rēnti, & panem comedenti: sic  
erit verbum meum, quod egrediē-  
tur de ore meo: non reuertetur  
ad me vācuum, sed faciet quæ-  
cūmque volūi, & prosperabitur in  
his, ad quæ misi illud: ait Dōmi-  
nus omnipotens.

Graduale. **D**irigatur oratio mea,  
sicut incensum in conspēctu tuo, Dō-  
mine. *Ÿ.* Eleuatio mānuum meārum,  
sacrificium vespertinum.

S equētia sancti Euangēlij  
secūndum Matthæum.

**I**n illo tēpore: Cū intrasset  
Iesus Ierosolymam, commō-  
ta est vniuersa ciuitas, dicens:  
Quis est hic? Pōpuli autem dicē-  
bant: Hic est Iesus Prophēta à  
Nazareth Galilææ. Et intrauit Ie-  
sus in templum Dei, & eijciēbat  
omnes vendētes, & emētes in  
templo, & mensas numulariō-  
rum, & cathedras vendētiū  
columbas euertit: & dicit eis:  
Scriptum est: Domus mea, do-  
mus oratiōnis vocabitur: vos au-  
tem fecistis illam spelūncam la-  
trōnum. Et accesserunt ad eum  
cæci & claudi in templo: & sa-  
nauit eos. Vidētes autem Prin-  
cipes sacerdotū, & Scribæ, mi-  
rabilia quæ recit, & pūeros cla-  
māntes in templo, & dicētes:  
Hosanna filio Dauid: indignati  
sunt, & dixerunt ei: Audis quid  
isti dicunt? Iesus autem dixit eis:  
Vtique. Numquam legistis: Quia  
ex ore infantium & lactēntium

perfecisti laudem? Et relictis illis, abiit foras extra ciuitatem in Bethaniam: ibique mansit.

**Offertorium.** In te speraui Domine: dixi: Tu es Deus meus, in manibus tuis tempora mea. *Secreta.*

**O**blatis, quaesumus Domine, placare munerebus: & a cunctis nos defende periculis. Per Dominum nostrum.

*Alia Secreta, vt in Dominica praecedenti. fol. 78.*

**Communio.** Cum inuocarem te, exaudisti me, Deus iustitiae meae: in tribulatione dilatasti me: miserere mihi Domine, & exaudi orationem meam.

*Postcommunio.*

**Q**uaesumus omnipotens Deus: vt illius salutaris capiamus effectum, cuius per haec mysteria pignus accepimus. Per Dñm.

*Alia Postcommuniones, vt in Dominica praecedenti. fol. 78.*

*Super populum. Oremus.*

*Humiliate capita vestra Deo.*

*Oratio.*

**A**scendant ad te, Domine, preces nostrae: & ab Ecclesia tua cunctam repelle nequitiam. Per Dominum nostrum.

## F E R I A Q V A R T A .

*Quatuor Temporum Quadrag.  
Statio ad S. Mariam maiorem.*

*Introitus.*



**R**eminiscere miserationum tuarum Domine, & misericordiae tuae, quae a saeculo sunt: ne vniquam dominentur nobis inimici nostri: libera nos Deus Israel ex omnibus angustiis

nostris. *Psalms.* Ad te Domine leuaui animam meam: Deus meus in te confido, non erubescam. *Y.* Gloria Patri.

*Post Kyrie eleison dicitur, Oremus. Flectamus genua. R. Leuate.*

*Oratio.*

**P**reces nostras, quaesumus Domine, clementer exaudi: & contra cuncta nobis aduersantia, dexteram tuae maiestatis extende. Per Dominum nostrum.

*Lectio libri Exodi.*

**I**n diebus illis: Dixit Dominus ad Moysen: Ascende ad me in montem: & esto ibi: daboque tibi tabulas lapideas, & legem ac mandata quae scripsi: vt doceas filios Israel. Surrexerunt Moyses & Iosue minister eius: ascendensque Moyses in montem Dei, senioribus ait: Expectate hic donec reuertamur ad vos. Habetis Aaron & Hur vobiscum: si quid natum fuerit quaestionis, referetis ad eos. Cumque ascendisset Moyses, operuit nubes montem, & habitauit gloria Domini super Sinai, tegens illum nube sex diebus: septimo autem die vocauit eum de medio caliginis. Erat autem species gloriae Domini, quasi ignis ardens super verticem montis, in conspectu filiorum Israel. Ingressusque Moyses medium nebulae, ascendit in montem: & fuit ibi quadraginta diebus, & quadraginta noctibus.

*Graduale.* Tribulationes cordis mei dilatatae sunt: de necessitatibus meis eripe me Domine. *Y.* Vide humilitatem meam, & laborem meum.

& dimitte omnia peccata mea.

Hic non dicitur Flectamus genua. sed *ŷ*. Dominus vobiscum.

O rēmus. Oratio.

**D**euotionem populi tui, quaesumus Domine, benignus intende: vt qui per abstinentiam macerantur in corpore, per fructum boni operis reficiantur in mente. Per Dominum.

Aliae Orationes, vt in Dominica precedenti. fol. 76.

Lectio libri Regum.

**I**n diebus illis: Venit Elias in Bersabee Iuda, & dimisit ibi puerum suum, & perrēxit in desertum, viam vnus diei. Cumque venisset, & sederet subter vnam iuniperum: petiuit animae suae vt moreretur, & ait: Sufficit mihi Domine, tolle animam meam: neque enim melior sum, quam patres mei. Proiecitque se, & obdormiuit in vmbra iuniperi: & ecce Angelus Domini tetigit eum, & dixit illi: Surge, & comede. Respexit, & ecce ad caput suum subcinericius panis, & vas aquae: comedit ergo & bibit, & rursus obdormiuit. Reuersusque est Angelus Domini secundo, & tetigit eum, dixitque illi: Surge, comede: grandis enim tibi restat via. Qui cum surrexisset, comedit & bibit, & ambulauit in fortitudine cibi illius quadraginta diebus, & quadraginta noctibus, vsque ad montem Dei Horeb.

**T**ractus. De necessitatibus meis eripe me Domine: vide humilitatem meam, & laborem meum: & dimitte

omnia peccata mea. *ŷ*. Ad te Domine leuaui animam meam: Deus meus in te confido, non erubescam: neque irrideant me inimici mei. *ŷ*. Etenim vniuersi, qui te expectant, non confundentur: confundantur omnes facientes vana.

Sequentia sancti Euangelij secundum Matthaeum.

**I**n illo tempore: Responderunt Iesu quidam de Scribis & Phariseis, dicentes: Magister, volumus a te signum videre. Qui respondens, ait illis: Generatio mala & adultera signum quaerit: & signum non dabitur ei, nisi signum Ionae Prophetae. Sicut enim fuit Ionas in ventre ceti tribus diebus, & tribus noctibus; sic erit Filius hominis in corde terrae tribus diebus, & tribus noctibus. Viri Niniuitae surgent in iudicio cum generatione ista, & condemnabunt eam: quia poenitentiam egerunt in praedicatione Ionae. Etece plus quam Ionas hic. Regina Austri surget in iudicio cum generatione ista, & condemnabit eam: quia venit a finibus terrae audire sapientiam Salomonis; & ecce plus quam Salomon hic. Cum autem immundus spiritus exierit ab homine, ambulat per loca arida, quaerens requiem, & non inuenit. Tunc dicit: Reuertar in domum meam, vnde exiui. Et veniens, inuenit eam vacantem, scopis mundatam, & ornata. Tunc vadit, & assumit septem alios spiritus secum nequiores se, & intrantes habitant ibi: & fiunt nouissi

ma hómínis illíus peiôra priôribus. Sic erit & generatiôni huic péssimæ. Adhuc eo loquente ad turbas, ecce mater eius & fratres stabant foris, quæréntes loqui ei. Dixit autem ei quidam: Ecce mater tua, & fratres tui foris stant, quæréntes te. At ipse respóndens dicenti sibi, ait: Quæ est mater mea, & qui sunt fratres mei? Et extendens manum in discipulos suos, dixit: Ecce mater mea, & fratres mei. Quicumque enim fecerit voluntatem Patris mei, qui in cælis est: ipse meus frater, & soror, & mater est.

*Offertorium.* Meditabor in mandatis tuis, quæ diléxi valdè: & leuabo manus meas ad mandata tua, quæ diléxi.

*Secreta.*

**H**ostias tibi, Dñe, placationis offerimus: vt & delicta nostra miseratus absoluas, & nutantia corda tu dirigas. Per Dñm.

*Aliæ Secretæ, vt in Dominica præcedenti. fol. 78.*

*Communio.* Intellige clamorem meum: inténde voci orationis meæ, Rex meus, & Deus meus: quoniam ad te orabo Dómine. *Postcommunio.*

**T**vi Dómine perceptiône sacramenti, & à nostris mundemur occultis, & ab hostium liberemur insidiis. Per Dóminum.

*Aliæ Postcommuniones, vt in Dominica præcedenti. fol. 78.*

*Super populum.* Oremus. Humiliâte cápita vestra Deo. *Oratio.*

**M**entes nostras, quæsumus Dómine, lumine tuæ claritatis illústra: vt videre possimus

quæ agénda sunt, & quæ recta sunt, ágere valeámus. Per Dñm.

**F E R I A Q V I N T A.**  
*Statio ad sanctum Laurentium in Paneperna.* *Introitus.*



**C**onfessio & pulchritudo in conspéctu eius: sanctitas & magnificéntia in sanctificatione eius. *Psal. C.*

*cantate Dómino canticum nouum: cantate Dómino omnis terra. y. Gloria Patri.*

*Oratio.*

**D**euotionem populi tui, quæsumus Dómine, benignus inténde: vt qui per abstinentiam macerántur in corpore, per fructum boni óperis reficiantur in mente. Per Dóminum.

*Aliæ Orationes, vt in Dominica præcedenti. fol. 76.*

*Lectio Ezechiëlis Prophætæ.*

**I**n diëbus illis: Factus est sermo Dómini ad me, dicens: Quid est quòd inter vos parabolam vertitis in prouèrbium istud in terra Israël, dicentes: Patres comedérunt vnam acerbam, & dentes filiorum obstupescunt: Viuo ego, dicit Dóminus Deus, si erit vltra vobis parabola hæc in prouèrbium in Israël. Ecce omnes animæ, meæ sunt: vt anima patris, ita & anima filij mea est: anima, quæ peccauerit, ipsa moriétur. Et vir si fuerit iustus, & fecerit iudicium & iustitiam, in montibus non comederit, & oculos suos non leuauerit ad idôla domus Israël: & vxorem próximi sui non violauerit, & ad mulierem menstrua-

tam non accésserit : & hóminem non contristauerit : pignus debitori reddiderit , per vim nihil rapuerit : panem suum esuriénti dederit , & nudum operuerit vestiménto : ad vsúram non commodaúerit , & ampliùs non accéperit : ab iniquitate auerterit manum suam , & iudícium verum fecerit inter virum & virum : in præcéptis meis ambulauerit , & iudícia mea custodierit , vt faciat veritatem : hic iustus est , vita viuet , ait Dóminus omnipotens.

*Ps. 16* Graduale. C ustoði me Dómine vt pupíllam óculi : sub vmbra alárum tuárum prótege me. *Y.* De vultu tuo iudícium meum pródeat : óculi tui videant æquitatem.

Sequentia sancti Euangélij secundum Mathæum.

*Mat. 23. c* **I**N illo témpore : Egréssus Iesus secéssit in partes Tyri & Sidónis. Et ecce mulier Chananæ a finibus illis egréssa clamauit , dicens ei : Miserere mei Dómine fili Dauid : filia mea malè à dæmónio vexatur. Qui non respóndit ei verbum. Et accedentes discipuli eius rogabant eum , dicentes : Dimitte eam : quia clamat post nos. Ipse autem respóndens , ait : Non sum misus nisi ad oues , quæ periérunt domus Israël. At illa venit , & adorauit eum , dicens : Dñe , ádiuuá me. Qui respóndens , ait : Non est bonum sumere panem filiòrum , & mittere cánibus. At illa dixit : Etiam Dñe : nam & catelli edunt de micis , quæ cadunt de mensa dominòrum suòrum. Tunc respóndens

Iesus , ait illi : O mulier , magna est fides tua : fiat tibi sicut vis. Et sanata est filia eius ex illa hora.

*Offertorium.* Immitet Angelus Dómini in circúitu tíméntium eum , & eripiet eos : gustáte , & vidète , quoniam suauis est Dóminus. *Secreta.*

**S**acrificia , Dómine quæsumus , propítius ista nos saluent , quæ medicínalibus sunt institúta ieiúniis. Per Dóminum.

Aliæ Secretæ , vt in Dominica præcedenti. fol. 78.

*Communio.* P anis quem ego dederó , caro mea est pro sæculi vita.

*Postcommunio.*

**T**vòrum nos , Dómine , largitate donòrum , & temporálibus attólle præsidiiis , & renoua sempitérnis. Per Dóminum.

Aliæ Postcommuniones , vt in Dominica præcedenti. fol. 78.

*Super populum.* O remus.

Humiliáte cápita vestra Deo. *Oratio.*

**D**A , quæsumus Dómine , populis Christiánis , & quæ profitentur agnóscere : & cæléstè munus dilígere , quod frequentant. Per Dóminum.

## FERIA SEXTA

Quatuor Temporum Quadrag.

*Statio ad sanctos duodecim Apostolos.* Introitus.



E necessitatibus meis eripe me Dómine : vide humilitatem meam , & labórem meum , & dimitte ómnia peccata mea. *Psalm.* Ad te Dñe leuáui animam meam , Deus meus in te confido , non erubescam. *Y.* Glória Patri.

**E**Sto, Dómine, propítius plebi tuæ: & quam tibi facis esse deuótam, benigno réfoue miserátus auxílio. Per Dóminum.

Aliæ Orationes, vt in Domini-  
ca præcedenti. fol. 76.

Lectio Ezechiélis Prophætæ.

**H**Æc dicit Dóminus Deus: Anima, quæ peccauerit, ipsa moriétur: filius non portábit iniquitátem patris, & pater non portábit iniquitátem filij: iustítia iusti super eum erit, & impietas ímpij erit super eum. Si autem ímpius égerit pœniténtiam ab ómnibus peccátis suis, quæ operátus est, & custodierit ómnia præcepta mea, & fécerit iudícium & iustítiam: vita uiuet, & non moriétur. Omnium iniquitátum eius, quas operátus est, non recordábor: in iustítia sua, quam operátus est, uiuet. Numquid voluntátis meæ est mors ímpij, dicit Dominus Deus, & non vt conuertátur à viis suis, & uiuat? Si autem auerterit se iustus à iustítia sua, & fécerit iniquitátem secúndum omnes abominatiónes, quas operári solet ímpius, numquid uiuet? Omnes iustítie eius, quas fécerat, non recordabúntur: in præuaticatióne qua præuaticátus est, & in peccáto suo, quòd peccáuit, in ipsis moriétur. Et dixístis: Non est æqua via Dómini. Audíte ergo domus Israél: Numquid via mea non est æqua, & non magis viæ vestræ prauæ sunt? Cùm enim auerterit se iustus à iustítia sua, & fécerit iniquitá-

tem, moriétur in eis: in iustítia, quam operátus est, moriétur. Et cùm auerterit se ímpius ab impietáte sua, quam operátus est, & fécerit iudícium & iustítiam: ipse ánimam suam uiuificábit. Considerans enim, & auertens se ab ómnibus iniquitátibus suis, quas operátus est, vita uiuet, & non moriétur, ait Dóminus omnipotens.

**Graduale.** Saluum fac seruum tuum Deus meus sperántem in te. *ps. 101.*  
V. Auribus pércipe Dómine oratió-  
nem meam.

**Tractus.** Dómine, non secúndum peccáta nostra, quæ fécimus nos, neque secúndum iniquitátes nostras retríbuas nobis. *ps. 101.*  
V. Dómine, ne memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. *ps. 78.*  
V. \* Adiuua nos Deus salutáris noster: & propter glóriam nóminis tui Dómine libera nos: & propítius esto peccátis nostris propter nomen tuum. *ps. 101.*

Sequéntia sancti Euangélj  
secúndum Ioánnem.

**I**n illo témpore: Erat dies festus Iudæórum, & ascéndit Iesus Ierosólymam. Est autem Ierosólymis Probática piscína, quæ cognominátur Hebráicè Bethsáida, quinque pórticus habens. In his iacêbat multitúdo magna languéntium, cæcórum, claudórum, aridórum, expectántium aquæ motum. Angelus autem Dómini descendêbat secúndum tempus in piscínam: & mouebátur aqua. Et qui prior descendisset in piscínam post motiõem aquæ, sanus fiêbat *100.*



fiēbat à quacūmq; detinebātur infirmitāte. Erat autem quidam homo ibi, triginta & octo annos habens in infirmitāte sua. Hunc cū vidisset Iesus iacentem, & cognouisset quia iam multum tempus habēret, dicit ei: Vis sanus fieri? Respondit ei languidus: Dōmine, hōinem non habeo, vt cū turbāta fūerit aqua, mittat me in piscinam: dum venio enim ego, aliū ante me descēdit. Dicit ei Iesus: Surge, tolle grabātum tuum, & ambula. Et statim sanus factus est homo ille: & sustulit grabātum suum, & ambulābat. Erat autem sabbatum in die illo. Dicēbant ergo Iudæi illi qui sanātus fūerat: Sabbatum est, non licet tibi tollere grabātum tuum. Respondit eis: Qui me sanum fecit, ille mihi dixit: Tolle grabātum tuum, & ambula. Interrogauerunt ergo eum: Quis est ille homo, qui dixit tibi, Tolle grabātum tuum, & ambula? Is autem, qui sanus fūerat effectus, nesciēbat quis esset. Iesus enim declināuit à turba constitūta in loco. Postea inuēnit eum Iesus in templo, & dixit illi: Ecce sanus factus es: iam noli peccāre, ne detērius tibi aliud contingat. Abiit ille homo, & nuntiāuit Iudæis, quia Iesus esset, qui fecit eum sanum.

*Offertorium.* Benedic ānima mea Dōmino, & noli obliuisci omnes retributiōnes eius: & renouābitur, sicut āquilæ, iuuentus tua. *Secreta.*

**S**uscipe, quæsumus Dōmine, mūnera nostris oblata serui-

tij: & tua propitiū dona sanctifica. Per Dōminum.

*Alia Secreta, vt in Dominica præcedenti. fol. 78.*

*Communio.* Erubescant & conturbentur omnes inimici mei: auertantur retrorsum, & erubescant valde velociter.

*Postcommunio.*

**P**er huius, Dōmine, operatiōnem mystērij, & vitia nostra purgentur, & iusta desideria compleantur. Per Dōminum.

*Alia Postcommuniones, vt in Dominica præcedenti. fol. 78.*

*Super populum.* Oremus. Humiliāte capita vestra Deo. *Oratio.*

**E**xaudi nos misericors Deus: & mentibus nostris gratiæ tuæ lumen ostēde. Per Dñm.

## S A B B A T O

Quatuor Temporum Quadrag. *Statio ad S. Petrum.* Introitus.



Ntret oratio mea in conspectu tuo: inclina aurem tuam ad precem meam, Dōmine. *Psalm.* Dōmine Deus salūtis meæ: in die clamāui, & nocte coram te. *Gloria Patri.*

*Post Kyrie eleison, dicitur Oremus.* Flectāmus genua. *R.* Leuāte.

*Oratio.*

**P**opulum tuum, quæsumus Dōmine, propitiū respice: atque ab eo flagella tuæ iracundiæ clemēter auerte. Per Dōminum.

*Lectio libri Deuteronomij.*

**I**n diēbus illis: Locūtus est Mōyses ad populum, dicens: Quando complēueris decimam cunctārum frugum tuārum, lo-

quæris in conspèctu Dómini Dei tui: Abstuli quod sanctificatum est de domo mea, & dedi illud Leuitæ & aduenæ, & pupillo ac viduæ, sicut iussisti mihi: non præteritui mandata tua, nec sum oblitus imperij tui. Obediui voci Dñi Dei mei, & feci omnia sicut præcepisti mihi. Réspice de sanctuario tuo, & de excélsò cælòrum habitaculo, & benedic pópulo tuo Israël, & Terræ, quam dedisti nobis, sicut iurásti patribus nostris, terræ lacte & melle manánti. Hódie Dóminus Deus tuus præcepit tibi vt facias mandata hæc atque iudicia: & custodias & impleas ex toto corde tuo, & ex tota ánima tua. Dóminum elegísti hódie, vt sit tibi Deus, & ambules in vijs eius, & custodias cæremónias illius, & mandata atque iudicia, & obédias eius império. Et Dóminus elégit te hódie, vt sis ei pópulus peculiáris, sicut locútus est tibi, & custodias omnia præcepta illius: & faciat te excelsiòrem cunctis géntibus quas creauit, in laudem, & nomen, & glóriam suam: vt sis pópulus sanctus Dómini Dei tui, sicut locútus est.

Graduale Propítius esto Dómine peccátis nostris: ne quando dicant Gentes, Vbi est Deus eòrum? *ŷ.* Adiuua nos Deus salutáris noster, & propter honòrem nóminis tui Dómine, líbera nos. *Orémus.* Flectámus genua. *R.* Leuâte. *Oratio.*

**P**rotéctor noster aspice Deus: vt, qui malòrum nostròrum pòndere prémimur, percépta mi-

sericórdia líbera tibi mente famulémur. Per Dóminum.

Léctio libri Deuteronomij.

**I**N dièbus illis: Dixit Móyses filiis Israël: *Deu. 1. 16* Si custodiéritis mandata, quæ ego præcipio vobis, & fecéritis ea, vt diligátis Dóminum Deum vestrum, & ambuléti in omnibus vijs eius, adhæréntes ei, dispédet Dñs omnes gentes istas ante faciem vestram, & possidébitis eas, quæ maióres & fortióres vobis sunt. Omnis locus, quem calcáuerit pes vester, vester erit. A déserto, & à Libano, à flúmine magno Euphráte, vsque ad mare Occidentále erút términi vestri. Nullus stabit contra vos: terròrem vestrum & formídinem dabit Dñs Deus vester super omnem terram quam calcáturi estis, sicut locútus est vobis Dóminus Deus vester.

Graduale. Protéctor noster aspice Deus, & réspice super seruos tuos, *ŷ.* Dómine Deus virtútum, exáudi preces seruòrũ tuòrum. *Orémus.* Flectámus genua. *R.* Leuâte. *Oratio.*

**A**Desto, quæsumus Dómine, supplicatióibus nostris: vt esse, te largiénte, mereámur & inter próspera húmiles, & inter aduersa secúri. Per Dóminum.

Léctio libri Machabæòrum.

**I**N dièbus illis: Oratióem faciébant omnes sacerdótes, dum consummarétur sacrificium, *1. Ma. chab. 1. f.* Ionatha inchoante; ceteris autem respondéntibus. Et Nehemíæ erat oratio hunc habens modum: Dómine Deus ómnium créator, terribilis & fortis, iustus & misé-

ricors, qui solus es bonus Rex, solus præstans, solus iustus, & omnipotens, & æternus, qui liberas Israël de omni malo, qui fecisti patres electos, & sanctificasti eos: accipe sacrificium pro vniuerso populo tuo Israël, & custodi partem tuam, & sanctifica: vt sciant Gentes, quia tu es Deus noster.

Graduale. Conuèrtere Dñe aliquantulum, & deprecàre super seruos tuos.

Ÿ. Dñe refugium factus es nobis à generatione & progénie. O rēmus. Flectāmus gēna. R. Leuâte. Oratio.

**P**reces populi tui, quæsumus Dñe, clemēter exaudi: vt qui iustè pro peccatis nostris affligimur, pro tui nōminis glōria misericōrditer liberēmur. Per Dñm.

L ectio libri Sapiētiæ.

**M**iserere nostri Deus omniū, & respice nos, & ostēde nobis lucem miseratiōnum tuārum: & immitte timōrem tuum super Gentes, quæ non exquisierunt te, vt cognōscant quia non est Deus nisi tu, & enārent magnalia tua. Alleua manum tuam super Gentes aliēnas, vt videant potētiā tuam. Sicut enim in conspēctu eōrum sanctificātus es in nobis, sic in conspēctu nostro magnificāberis in eis, vt cognōscant te, sicut & nos cognouimus, quōniam non est Deus præter te Dōmine. Innoua signa, & immūta mirabilia. Glorifica manum, & brāchium dextrum. Excita furōrem, & effūde iram. Tolle aduersarium, & afflige inimicum. Festina tempus, & memento fi-

nis, vt enārent mirabilia tua, Dōmine Deus noster.

Graduale. Dirigatur oratio mea sicut incensum in conspēctu tuo, Dñe.

Ÿ. Eleuatio manuum mearum sacrificium vespertinum. O rēmus. Flectāmus gēna. R. Leuâte. Oratio.

**A**ctiōnes nostras quæsumus Dōmine, aspirādo præueni, & adiuuādo profēquere: vt cuncta nostra oratio & operatio à te semper incipiat, & per te cœpta finiatur. Per Dōminum.

L ectio Daniēlis Prophētæ.

**I**n diēbus illis: Angelus Dōmini descendit cum Azarīa, & socijs eius, in fornācem: & excussit flammam ignis de fornāce, & fecit medium fornācis quasi ventum roris flantem. Flamma autem effundebatur super fornācem cūbitis quadraginta nouem: & erūpit, & incēdit quos reperit iuxta fornācem de Chaldæis ministros regis, qui eam incendebant. Et non tetigit eos omnino ignis, neque contristauit, nec quidquam molestiæ intulit. Tunc hi tres quasi ex vno ore laudabant, & glorificabant, & benedicēbant Deum in fornāce, dicētes: Hic non respondetur, Deo grātiās.

Hymnus.

**B**enedictus es Dōmine Deus patrum nostrōrum. Et laudabilis & gloriōsus in sæcula.

Et benedictum nomen glōriæ tuæ, quod est sanctum. Et laudabile & gloriōsum in sæcula.

Benedictus es in templo sancto glōriæ tuæ. Et laudabilis & gloriōsus in sæcula.

**B**enedictus es super thronum sanctum regni tui. Et laudabilis & gloriösus in sæcula.

**B**enedictus es super sceptrum diuinitatis tuæ. Et laudabilis & gloriösus in sæcula.

**B**enedictus es qui sedes super Chérubim, intuens abyssos. Et laudabilis, & gloriösus in sæcula.

**B**enedictus es qui ambulas super pennas ventörum, & super vndas maris. Et laudabilis & gloriösus in sæcula.

**B**enedicant te omnes Angeli, & sancti tui. Et laudét te, & glorificent in sæcula.

**B**enedicant te cæli, terra, mare, & omnia quæ in eis sunt. Et laudent te, & glorificent in sæcula.

**G**loria Patri, & Filio, & Spiritui sancto. Et laudabili & gloriösio in sæcula.

**S**icut erat in principio, & nunc, & semper, & in sæcula sæculörum, Amen. Et laudabili & gloriösio in sæcula.

**B**enedictus es Dómine Deus patrum noströrum. Et laudabilis & gloriösus in sæcula.

**H**ic non dicitur, Flectámus genua. sed **ÿ**. Dóminus vobiscum.

**O** rémus. Oratio.

**D**eus, qui tribus púeris mití-gásti flammás ignium: concède propítius; vt nos famulos tuos non exúrat flamma vitiörum. Per Dóminum.

Aliæ Orationes, vt in Dominica præcedenti. fol. 76.

**L**éctio Epístolæ beati Pauli Apóstoli ad Theffalonicénses.

**F**ratres, Rogámus vos, corripite inquietos, consolámini pusillánimes, suscípите infirmos, patientes estóte ad omnes. Vidéte

ne quis malum pro malo alicui reddat: sed semper quòd bonum est sectámini in inuicem, & in omnes. Semper gaudéte. Sine intermissiõne oráte. In ómnibus grátias ágite: hæc est enim volúntas Dei in Christo Iesu in ómnibus vobis. Spíritum nolíte extingüere. Prophetías nolíte spèrnere. Omnia autem probáte: quod bonum est tenéte. Ab omni spècie mala abstínéte vos. Ipse autem Deus pacis sanctíficet vos per ómnia: vt integer spíritus vester, & ánima, & còrpus sine quèrela, in aduèntu Dómini nostri Iesu Christi seruetur.

**T**raçtus. **L**audáte Dóminum omnes Gentes: & collaudáte eum omnes pópuli. **ÿ**. Quóniam confirmáta est super nos misericórdia eius: & veritas Dómini manet in ætèrnium.

**E**uangelium. **I**n illo tèmpe: **A**sumpsit Iesus Petrum, & Iacòbum. vt in sequenti Dominica. fol. 92.

**O**ffertorium. **D**ómine Deus salútis meæ, in die clamáui, & nocte coram te: intret orátio mea in conspèctu tuo Dómine. **S**ecreta.

**P**ræsèntibus sacrificiis, quæsumus Dómine, ieiúnia nostra sanctífica: vt quod obseruántia nostra profitètur extrínsecus, intériùs operètur. Per Dóminum.

Aliæ Secretæ, vt in Dominica præcedenti. fol. 78.

**C**ommunio. **D**ómine Deus meus in te speráui, libera me ab ómnibus persequèntibus me, & éripe me.

**P**ostcommunio.

**S**anctificaciónibus tuis, omnipotens Deus, & vítia nostra

curén-

curéntur, & remédia nobis atér-  
na prouéniant. Per Dóminum.

Aliæ Postcommuniones, vt in  
Dominica præcedenti. fol. 78.

Super populum. O rëmus.

Humiliâte cápita vestra Deo.

Oratio.

**F** Idéles tuos, Deus, benedíctio  
desiderâta confirmet: quæ  
eos & à tua voluntâte numquam  
faciat discrepâre, & suis semper  
indulgeat beneficijs gratulâri. Per  
Dóminum nostrum.

## DOMINICA I. I.

in Quadragesima.

*Statio ad sanctam Mariam  
in Domnica.* Introitus.



Eminíscere miseratiõnum  
tuârum Dómine, & mise-  
ricórdiæ tuæ, quæ à sæcu-  
lo sunt: ne vmquam do-  
minéntur nobis inimíci nostri: libera  
nos Deus Israël ex ómnibus angústis  
nostris. Psalmus. A d te Dómine le-  
uáui ánimam meam: Deus meus in te  
confido, non erubéscam. y. Gló-  
ria Patri.

Oratio.

**D** Deus, qui cónspicis omni nos  
virtûte destítui: intérius ex-  
teriúsque custódi; vt ab ómnibus  
aduersitatibus muniâmur in cõr-  
pore, & à prauis cogitatiõnibus  
mundémur in mente. Per Dñm.

Ad poscenda suffragia San-  
ctorum. Oratio.

**A** Cunctis nos, quæsumus  
Dómine, mentis & cõrpo-  
ris defénde periculis: & inter-  
cedente beata & gloriósa semper  
virgine Dei genitrice María, cum

beátis Apóstolis tuis Petro & Pau-  
lo, atque beátó N. & ómnibus  
Sanctis, salûtem nobis tríbue be-  
nignus & pacem; vt, destrúctis  
aduersitatibus & erróribus vni-  
uérſis, Ecclésia tua secúra tibi sér-  
uiat libertâte.

Pro viuis & defunctis. Oratio.

**O** Mnípotés sempitérne Deus,  
qui viuórum dominâris si-  
mul & mortuórum, omniúm-  
que miserêris, quos tuos fide &  
óperè futúros esse prænocis: te  
súplices exorâmus; vt, pro qui-  
bus effúdere preces decreuimus,  
quosque vel præsens sæculum ad-  
huc in carne rétinet, vel futúrum  
iam exútos corpore suscépit, inter-  
cedéntibus ómnibus Sanctis tuis,  
pietâtis tuæ cleméntia, ómnium  
delictórum suórum véniam con-  
sequántur. Per Dñm nostrum.

Lectio Epístolæ beáti Pauli Apó-  
stoli ad Thessalonicénses.

**F** Ratres, Rogâmus vos & ob-  
secrâmus in Dómino Iesú: vt,  
quemádmódum accepistis à no-  
bis, quómodo opórteat vos ambu-  
lâre, & placêre Deo, sic & ambu-  
lêtis, vt abundêtis magis. Scitis e-  
nim quæ præcépta dederim vobis  
per Dóminum Iesum. Hæc est  
enim volúntas Dei, sanctificatio  
vestra: vt abstineâtis vos à forni-  
catiõne, vt sciat vnusquisque ve-  
strúm vas suum possidêre in san-  
ctificatiõne, & honóre; non in  
passiõne desidérij, sicut & Gentes,  
quæ ignorant Deum: & ne quis  
supergrediâtur, neque circumuén-  
niat in negótió fratrem suum: quó-

niam vindex, est Dóminus de his  
ómnibus, sicut prædiximus vobis,  
& testificati sumus. Non enim  
vocauit nos Deus in immundí-  
tiam, sed in sanctificatióem: in  
Christo Iesu Dómino nostro.

Graduale. Tribulatióes cordis  
mei dilatæ sunt: de necessitatibus  
meis eripe me Dómine. *ps.* Vide hu-  
militatem meam, & laborem meum:  
& dimitte ómnia peccata mea.

Tractus. Confitemini Dómino,  
quóniam bonus: quóniam in sæcu-  
lum misericórdia eius. *ps.* Quis lo-  
quétur poténtias Dómini: auditas fá-  
ciet omnes laudes eius? *ps.* Beati qui  
custodiunt iudicium, & faciunt iusti-  
tiam in omni tempore. *ps.* Meménto  
nostri Dómine in beneplácito pópuli  
tui: visita nos in salutári tuo.

Sequéntia sancti Euangélíj  
secúndum Matthæum.

**I**n illo tempore: Assumpsit Iesus  
Petrum, & Iacóbum, & Ioán-  
nem fratrem eius, & duxit illos  
in montem excélsam seorsum: &  
transfiguratus est ante eos. Et re-  
splénduit facies eius sicut sol: vesti-  
ménta autem eius facta sunt alba  
sicut nix. Et ecce apparuerunt illis  
Móyses & Elías cum eo loquén-  
tes. Respóndens autem Petrus, di-  
xit ad Iesum: Dñe, bonum est nos  
híc esse: si vis, faciámus híc tria ta-  
bernacula, tibi vnū, Móysi vnum,  
& Elíæ vnum. Adhuc eo loquén-  
te, ecce nubes lúcida obumbráuit  
eos. Et ecce vox de nube, dicens:  
Hic est Filius meus diléctus, in  
quo mihi benè complácuí: ipsum  
audíte. Et audiétes discipuli, ce-

cidérunt in faciém suam, & ti-  
muérunt valdè. Et accéssit Iesus,  
& tétigit eos: dixitque eis: Súrgi-  
te, & nolíte timère. Leuántes au-  
tem óculos suos, néminem vidé-  
runt, nisi solum Iesum. Et descen-  
déntibus illis de monte, præcêpit  
eis Iesus, dicens: Némini dixéritis  
visiõnem, donec Filius hóminis  
à mórtuis resúrgat. Credo.

Offertorium. Meditabor in man-  
datis tuis, quæ diléxi valdè: & leuá-  
bo manus meas ad mandata tua, quæ  
diléxi. *psal. 118.*

Secreta.

**S**acrificijs præsentibus, Dómi-  
ne quæsumus, inténde placâ-  
tus: vt & deuotiõni nostræ profici-  
ant, & salutí. Per Dóminum.

Aliæ Secretæ.

**E**xaudi nos Deus salutáris no-  
ster: vt per huius sacramén-  
ti virtutem, à cunctis nos mentis  
& corpóris hóstibus tueáris, grá-  
tiam tribuens in præsentí, & gló-  
riam in futúro.

**D**eus, cui soli cõgnitus est nú-  
merus electórum in supérna  
felicitate locándus: tribue quæsu-  
mus, vt intercedéntibus ómnibus  
Sanctis tuis, vniuersórum, quos in  
oratiõne commendátos suscepí-  
mus, & ómnium fidélium nómi-  
na, beatæ prædestinatiõnis líber  
adscrípta retíneat. Per Dóminum  
nostrum.

Communio. Intéllige clamórem *ps. 5.*  
meum: inténde voci oratiõnis meæ,  
Rex meus, & Deus meus: quóniam ad  
te orábo Dómine. Postcommunio.

**S**upplices te rogámus, omni-  
potens Deus: vt quos tuis réfi-

cis sacraméntis, tibi étiam plácitis  
móribus dignánter deseruire con-  
cédas. Per Dóminum.

Alia Postcommuniones.

**M**Vndet & múniat nos, quæ-  
sumus Dómine, diuíni sa-  
craménti munus oblátum: & in-  
tercedénte beáta vírgine Dei ge-  
nitricé María, cum beáteis Apó-  
stolis tuis Petro & Paulo, atque  
beáto N. & ómnibus Sanctis; à  
cunctis nos reddat & peruersitá-  
tibus expiátos, & aduersitátibus  
expeditos.

**P**Vrificent nos, quæsumus om-  
nípotens & miséricors Deus,  
sacraménta quæ sumpsimus: &  
intercedéntibus ómnibus Sanctis  
tuis, præsta; vt hoc tuum sacra-  
mémentum non sit nobis reátus ad  
pœnam, sed intercessio salutá-  
ris ad véniam: sit ablútio scéle-  
rum, sit fortitúdo fragílium, sit  
contra ómnia mundi perícula fir-  
mamentum, sit viuórum atque  
mortuórum fidélium, remíssio  
ómnium delictórum. Per Dñm.

## FERIA SECVND A.

*Statio ad S. Clementem. Introitus.*

**R**Edime me Dómine, &  
miserere mei: pes enim  
meus stetit in via recta: in  
ecclesiis benedicam Dó-  
minum. *Psalmus.* Iúdica me Dómi-  
ne, quóniam ego in innocéntia mea  
ingressus sum: & in Dómino sperans,  
non infirmabor. *ŷ.* Glória Patri.

*Oratio.*

**P**Ræsta quæsumus omnípotens  
Deus: vt familia tua, quæ se,

affligéndo carnem, ab aliméntis  
abstinet, sectándo iustítiam, à cul-  
pa ieiúnet. Per Dóminum.

Alia Orationes, vt in Dominica  
præcedenti. fol. 91.

L éctio Daniélis Prophétæ.

**I**N diébus illis: Oráuit Dániel  
Dóminum, dicens: Dñe Deus  
noster, qui eduxísti pópulú tuum  
de terra Ægypti in manu forti, &  
fecísti tibi nomen secúndum diem  
hanc: peccáuimus, iniquitátem fé-  
cimus, Dñe in omnem iustítiam  
tuam: auertátur óbsécro ira tua, &  
furore tuus, à ciuitáte tua Ierúsalé,  
& monte sancto tuo. Propter pec-  
cáta enim nostra, & iniquitátes  
patrum nostrórum, Ierúsalem &  
pópulus tuus in oppróbrium sunt  
ómnibus per circúitum nostrum.  
Nunc ergo exáudi Deus noster  
oratiónem serui tui, & preces eius:  
& osténde faciém tuam super san-  
ctuárium tuum, quod desértum  
est propter temetípsum. Inclína  
Deus meus aurem tuam, & audi:  
áperi óculos tuos, & vide desola-  
tiónem nostram, & ciuitátem su-  
per quam inuocátum est nomen  
tuum: neque enim in iustificatió-  
nibus nostris prostérnimus preces  
ante faciém tuam, sed in misera-  
tióne tuis multis. Exáudi Dó-  
mine, placáre Dómine: atténde &  
fac: ne moréris propter temetíp-  
sum Deus meus: quia nomen  
tuum inuocátum est super ciuitá-  
tem, & super pópulum tuum, Dó-  
mine Deus noster.

*Graduale.* A diutor meus, & liberá-  
tor meus esto: Dómine ne tardaueris.

Confundantur, & reuereantur inimici mei, qui quaerunt animam meam.

Tractus. Domine, non secundum peccata nostra, quae fecimus nos, neque secundum iniquitates nostras retribuas nobis. V. Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis.

V. \* Adiuua nos Deus salutaris noster: & propter gloriam nominis tui Domine libera nos: & propitius esto peccatis nostris propter nomen tuum.

Sequentia sancti Euangelij secundum Ioannem.

**I**N illo tempore: Dixit Iesus turbis Iudaeorum: Ego vado, & quaeratis me, & in peccato vestro moriemini. Quod ego vado, vos non potestis venire. Dicebant ergo Iudaei: Numquid interficiet semetipsum, quia dicit: Quod ego vado, vos non potestis venire? Et dicebat eis: Vos de deorsum estis, ego de supernis sum. Vos de mundo hoc estis, ego non sum de hoc mundo. Dixi ergo vobis, quia moriemini in peccatis vestris: si enim non credideritis quia ego sum, moriemini in peccato vestro. Dicebant ergo ei: Tu quis es? Dixit eis Iesus: Principium, qui & loquor vobis. Multa habeo de vobis loqui, & iudicare. Sed qui me misit, verax est: & ego quae audiui ab eo, haec loquor in mundo. Et non cognouerunt quia Patrem eius dicebat Deum. Dixit ergo eis Iesus: Cum exaltaueritis Filium hominis, tunc cognoscetis quia ego sum, & a meipso facio nihil: sed

sicut docuit me Pater, haec loquor: & qui me misit, mecum est, & non reliquit me solum: quia ego, quae placita sunt ei, facio semper.

Offertorium. Benedicam Dominum, qui tribuit mihi intellectum: prouidebam Dominum in conspectu meo semper: quoniam a dextris est mihi, ne commouear. *Secreta.*

**H**Aec hostia, Domine, placationis & laudis tua nos protectione dignos efficiat. Per Dñm.

Aliae Secretae, vt in Dominica praecedenti. fol. 92.

Communio. Domine Dominus noster, quam admirabile est nomen tuum in vniuersa terra! *Postcomm.*

**H**Aec nos communitio, Domine, purget a crimine: & caelestis remedij faciat esse consortes. Per Dominum nostrum.

Aliae Postcommuniones, vt in Dominica praecedenti. fol. 93.

Super populum. O remus. Humiliate capita vestra Deo. *Oratio.*

**A**desto supplicationibus nostris omnipotens Deus: & quibus fiduciam sperandae pietatis indulges; consuetae misericordiae tribue benignus effectum. Per Dominum nostrum.

FERIA TERTIA.

Statio ad S. Balbinam. *Introitus.*



Ibi dixit cor meum, quae-siui vultum tuum, vultum tuum Domine requiram: ne auertas faciem tuam a me. *Psalms.* Dominus illuminatio mea, & salus mea: quem timebo? *Gloria Patri.*



**P**erfice, quæsumus Dómine, benignus in nobis obseruantiæ sanctæ subsidiū: vt quæ te auctóre faciēda cognouimus, te operāte impleāmus. Per Dñm.

Aliæ Orationes, vt in Dominica præcedenti. fol. 91.

Lectio libri Regum.

**I**N diēbus illis: Factus est sermo Dómini ad Elíam Thesbítē, dicens: Surge, & vade in Saréphta Sidoniórum, & manēbis ibi: præcépi enim ibi mulieri víduæ vt pascat te. Surréxit, & ábiit in Saréphta. Cumque venisset ad portam ciuitatis, apparuit ei mulier vídua cõlligens ligna, & vocauit eam, dixitque ei: Da mihi páululum aquæ in vase, vt bibam. Cumque illa pérgeret vt afférret, clamauit post tergum eius, dicens: Affer mihi, obsecro, & buccellam panis in manu tua. Quæ respõdit: Viuit Dóminus Deus tuus, quia non hábeo panem, nisi quantum pugillus cápere potest farínæ in hydria, & páululum ólei in lécytho: en cõlloigo duo ligna vt ingrédiar & faciā illud mihi & filio meo, vt comedāmus, & moriāmur. Ad quam Elías ait: Noli timēre, sed vade, & fac sicut dixisti: verū tamen mihi primū fac de ipsa farínula subcinerícium panem páruulum, & affer ad me: tibi autem & filio tuo facies póstea. Hæc autem dicit Dóminus Deus Israēl: Hydria farínæ non deficiet, nec lécythus ólei minuētur, vsque ad diem in qua Dóminus

daturus est plúuiam super faciē terræ. Quæ ábiit, & fecit iuxta verbum Elíæ: & comēdit ipse, & illa, & domus eius: & ex illa die hydria farínæ non defecit, & lécythus ólei non est imminutus, iuxta verbum Dómini, quod locutus fuerat in manu Elíæ.

Graduale. I acta cogitatum tuum in Dño, & ipse te enútriet. *ŷ.* Dum clamārem ad Dñm, exaudiuít vocem meam ab his, qui appropínquant mihi.

Sequētia sancti Euangélij secūndum Matthæum.

**I**N illo témpore: Locutus est Iesus ad turbas, & ad discipulos suos, dicens: Super cáthedram Móysi sedérunt Scribæ & Pharisæi. Omnia ergo quæcúmque dixerint vobis, seruāte, & facite: secūndum ópera verò eórum nolite facere: dicunt enim, & non faciunt. Alligant enim ónera gráua & importabilia, & impónunt in húmeros hóminum: dígito autem suo nolunt ea mouēre. Omnia verò ópera sua faciunt vt videántur ab homínibus: dilátant enim phylactéria sua, & magnificant fimbrias. Amant autem primos recúbitus in cœnis, & primas cáthedras in synagógis, & salutationes in foro, & vocári ab homínibus Rabbi. Vos autem nolite vocári Rabbi. Vnus est enim Magíster vester, ómnes autem vos fratres estis. Et patrem nolite vocáre vobis super terram: vnus est enim Pater vester, qui in cælis est. Nec vocémini magístri: quia Magíster vester vnus est, Christus.

Qui maior est uestrum, erit minister uester. Qui autem se exaltauerit, humiliabitur: & qui se humiliauerit, exaltabitur.

Offertorium. Miserere mei Domine secundum magnam misericordiam tuam: dele Domine iniquitatem meam. *Secreta.*

**S**anctificationem tuam nobis Domine his mysteriis operare placatus: quæ nos & à terrenis purget uitiis, & ad cælestia dona perducatur. Per Dominum.

*Alia Secreta, ut in Dominica præcedenti. fol. 92.*

Communio. Narrabo omnia mirabilia tua: lætabor & exultabo in te: psallam nomini tuo, Altissime.

*Postcommunio.*

**U**t facris, Domine, reddamur digni munerebus, fac nos tuis, quæsumus, semper obedire mandatis. Per Dominum.

*Alia Postcommuniones, ut in Dominica præcedenti. fol. 93.*

Super populum. *Orémus.*  
Humiliate capita uestra Deo. *Oratio.*

**P**ropitiare Domine supplicationibus nostris, & animarum nostrarum medere languoribus: ut remissione percepta, in tua semper benedictione lætemur. Per Dominum nostrum.

## FERIA QVARTA.

*Statio ad S. Ceciliam. Introitus.*

**N**e derelinquas me Domine Deus meus, ne discedas à me: intende in adiutorium meum, Domine uirtus salutaris meæ. *Psalm.* Domine, ne in furoribus



te tuo arguas me: neque in ira tua corripias me. *Y.* Glória Patri. *Oratio.*

**P**opulum tuum, quæsumus Domine, propitius respice: & quos ab escis carnalibus præcipis abstinere, à noxijs quoque uitij celsare concede. Per Dominum.

*Alia Orationes, ut in Dominica præcedenti. fol. 91.*

*Lectio libri Esther.*

**I**n diebus illis: Oravit Mardocheus ad Dominum, dicens: Domine Domine Rex omnipotens, in ditione enim tua cuncta sunt posita: & non est qui possit tuæ resistere uoluntati, si decreueris saluare Israël. Tu fecisti cælum & terram, & quidquid cæli ambitu continetur. Dominus omnium es, nec est qui resistat maiestati tuæ. Et nunc Domine Rex Deus Abraham, miserere populi tui, quia uolunt nos inimici nostri perdere, & hereditatem tuam delere. Ne despicias partem tuam, quam redemisti tibi de Ægypto. Exaudi deprecationem meam, & propitius esto forti & funiculo tuo, & conuerte luctum nostrum in gaudium, ut uiuentes laudemus nomen tuum Domine, & ne claudas ora te canentium, Domine Deus noster.

*Graduale.* Saluum fac populum tuum Domine, & benedic hereditati tuæ. *Y.* Ad te Domine clamauimus, Deus meus ne sis à me, & ero similis descendentibus in lacum.

*Tractus.* Domine, non secundum peccata nostra, quæ fecimus nos: neque secundum iniquitates nostras retribuas nobis.

*Psalm.*  
134

*Psalm.*  
102

*Psalm.*  
102

nobis.

nobis. *ŷ.* Dómine, ne memíneris iniquitatum nostrarum antiquarum: citò anticipent nos misericórdiæ tuæ, quia pauperes facti sumus nimis. *ŷ.* \* Adiuua nos Deus salutáris noster: & propter glóriam nóminis tui Dómine libera nos, & propítius esto peccátis nostris propter nomen tuum.

Sequéntia sancti Euangélíj  
secúndum Matthæum.

**I**n illo témpore: Ascéndens Iesus Ierosolymam, assúmpsit duodecim discipulos secrétò, & ait illis: Ecce ascéndimus Ierosolymam, & Fílius hóminis tradetur Principibus sacerdotum, & Scribis, & condemnábunt eum morte, & tradent eum Géntibus ad illudéndum, & flagellándum, & crucifigéndum, & tertia die resúrget. Tunc accéssit ad eum mater filiorum Zebedæi cum filiis suis, adorans & petens áliquid ab eo. Qui dixit ei: Quid vis? Ait illi: Dic vt sedeant hi duo filij mei, vnus ad dexteram tuam, & vnus ad sinistram, in regno tuo. Respóndens autem Iesus, dixit: Nescitis quid petátis. Potéstis bibere cálicem, quem ego bibiturus sum? Dicunt ei: Póssumus. Ait illis: Cálicem quidem meum bibétis: sedére autem ad dexteram meam vel sinistram, non est meum dare vobis, sed quibus parátum est à Patre meo. Et audiéntes decem, indignáti sunt de duobus fratribus. Iesus autem vocáuit eos ad se, & ait: Scitis quia príncipes géntium dominántur eorum: & qui maiores sunt, po-

testátem exercent in eos. Non ita erit inter vos: sed quicumque volúerit inter vos maior fieri, sit vester mínister: & qui volúerit inter vos primus esse, erit vester seruus. Sicut filius hóminis non venit ministrári, sed ministráre, & dare ánimam suam, redemptiõnem pro multis.

**Stertorium.** A d te Dómine leuáui ánimam meam, Deus meus in te confido, non erubescam: neque irrideant me inimici mei: etenim vniuersi, qui te expéctant, non confundentur.

Secreta.

**H**ostias, Dómine, quas tibi offerimus, propítius respice: & per hæc sancta commércia, vincula peccatorum nostrorum absolue. Per Dóminum.

Aliæ Secretæ, vt in Dominica præcedenti. fol. 92.

Communiõ. Iustus Dóminus, & iustitiam diléxit: æquitátem vidit vultus eius. Postcommuniõ.

**S**umptis Dómine sacramentis, ad redemptiõnis æternæ, quæsumus, proficiámus augmémentum. Per Dóminum nostrum.

Aliæ Postcommuniones, vt in Dominica præcedenti. fol. 93.

Super populum. O remus.

Humiliáte cápita vestra Deo.

Oratio.

**D**eus innocéntiæ restitutor & amátor, dirige ad te tuorum corda seruorum: vt spíritus tui feruóre concépto, & in fide inueniántur stábiles, & in ópere efficaces. Per Dóminum nostrum. in vnitáte eiusdem Spíritus sancti.

## FERIA QUINTA.

*Statio ad sanctam Mariam  
trans Tiberim. Introitus.*



Eus in adiutoriam meam  
intende, Domine ad adiu-  
uandum me festina: con-  
fundantur & reuertantur  
inimici mei, qui querunt animam  
meam. Psalm. Auertantur retrorsum  
& erubescant, qui cogitant mihi mala.  
V. Gloria Patri. Oratio.

**P**Ræsta nobis, quæsumus Dó-  
mine, auxiliū gr̄atiæ tuæ:  
vt ieiūniis & orationibus conue-  
niēter intēti, liberēmur ab hó-  
stibus mentis & corp̄oris. Per Dó-  
minum nostrum.

Aliæ Orationes, vt in Dominica  
præcedenti. fol. 91.

Lectio Ieremiæ Prophætæ.

**H**æc dicit Dóminus Deus:  
maledictus homo, qui con-  
fidit in hómine, & ponit carnem  
brachium suum, & a Dño recedit  
cor eius. Erit enim quasi myricæ  
in deserto, & non vidēbit cū vé-  
nerit bonum: sed habitābit in sic-  
citate in deserto, in terra falsúgi-  
nis, & inhabitābili. Benedictus  
vir, qui confidit in Dómino, &  
erit Dóminus fiducia eius. Et erit  
quasi lignum quod transplantatur  
super aquas, quod ad humórem  
mittit radices suas: & non timēbit  
cū vénerit æstus. Et erit folium  
eius viride, & in tempore siccitātis  
non erit sollicitum, nec aliquādo  
desinet facere fructum. Prauum  
est cor ómnium, & inscrutābile:  
quis cognóscet illud? Ego Dñs  
scrutans cor, & probans renes: qui

do vnicuique iuxta viam suam,  
& iuxta fructum adinuentiōnum  
suarum dicit Dñs omnipotens.

Graduale. **P**ropitius esto Dñe pec-  
catis nostris, ne quando dicant Gentes,  
Vbi est Deus eorum? V. Adiuua nos  
Deus salutāris noster, & propter hono-  
rem nóminis tui Dómine libera nos.

S equētia sancti Euangelij  
secundum Lucam.

**I**N illo tempore: Dixit Iesus  
Pharisæis: Homo quidam erat  
diues, qui induebatur púrpura &  
byssō: & epulabatur quotidie  
splendide. Et erat quidam men-  
dicus, nómine Lázarus, qui iacē-  
bat ad iānuam eius, vlceribus ple-  
nus, cúpiens saturāri de micis, quæ  
cadēbant de mensa diuitis, & ne-  
mo illi dabat: sed & canes veniē-  
bant, & lingēbant úlcerā eius.  
Factum est autem vt morerētur  
mendicus, & portarētur ab An-  
gelis in sinum Abraham. Mór-  
tuus est autem & diues, & sepúl-  
tus est in inferno. Eleuans autem  
oculos suos, cū esset in tormētis,  
vidit Abraham à longē & Láz-  
arum in sinu eius: & ipse clamans,  
dixit: Pater Abraham, miserere  
mei: & mitte Lázarus, vt intingat  
extrēmum dígiti sui in aquam,  
vt refrigeret linguam meam, quia  
crucior in hac flamma. Et dixit  
illi Abraham: Fili, recordāre quia  
recepisti bona in vita tua, & Láz-  
arus similit̄er mala: nunc au-  
tem hic consolātur, tu verò cru-  
ciāris. Et in his ómnibus, inter  
nos & vos chaos magnum firmā-  
tum est: vt hi, qui volunt hinc

transire ad vos, non possint, neque inde huc transmeare. Et ait: Rogo ergo te pater vt mittas eum in domum patris mei. Habeo enim quinque fratres, vt testetur illis, ne & ipsi veniant in hunc locum tormentorum. Et ait illi Abraham: Habent Moysen, & Prophetas: audiant illos. At ille dixit: Non, Pater Abraham: sed si quis ex mortuis ierit ad eos, poenitentiam agent. Ait autem illi: Si Moysen & Prophetas non audiunt; neque si quis ex mortuis resurrexerit, credent.

*Exod.*  
*32.*  
**O**ffertorium. *P* recatus est Moyses in conspectu Domini Dei sui, & dixit: Quare Domine irasceris in populo tuo? parce irae animae tuae: memento Abraham, Isaac, & Iacob, quibus iurasti dare terram fluentem lac & mel. Et placatus est Dominus de malignitate, quam dixit facere populo suo.

**Secreta.**

**P**raesenti sacrificio, nomini tuo nos, Domine, ieiunia dicata sanctificent: vt, quod obseruantia nostra profitetur exteriùs, interiùs operetur effectu. Per Dominum nostrum.

*Aliæ Secretæ, vt in Dominica præcedenti. fol. 92.*

*Iuan.*  
*6.*  
**C**ommunio. Qui manducat meam carnem, & bibit meum sanguinem, in me manet, & ego in eo, dicit Dominus.

**Postcommunio.**

**G**ratia tua nos, quaesumus Domine, non derelinquat: quæ & sacræ nos deditos faciat seruituti, & tuam nobis opem semper acquirat. Per Dominum.

**Aliæ Postcommuniones, vt in Dominica præcedenti. fol. 93.**

Super populum. O remus.

Humiliate capita vestra Deo.

**Oratio.**

**A**desto Domine famulis tuis, & perpetuam benignitatem largire poscentibus: vt iis, qui te auctore & gubernatore gloriantur, & congregata restaures, & restaurata conserues. Per Dñm.

**F E R I A S E X T A.**

*Statio ad sanctum Vitalem.*

**Introitus.**



*Psa*  
*16.*  
*ibi*  
Go autem cum iustitia apparebo in conspectu tuo: fatiabor dum manifestabitur gloria tua. *Psal.* Exaudi Domine iustitiam meam: intende deprecationi meae. *Ÿ.* Gloria Patri.

**Oratio.**

**D**A quaesumus omnipotens Deus: vt sacro nos purificante ieiunio, sinceris mentibus ad sancta ventura facias peruenire. Per Dominum nostrum.

*Aliæ Orationes, vt in Dominica præcedenti. fol. 91.*

**Lectio libri Genesis.**

*Ger*  
*37.*  
**I**N diebus illis: Dixit Ioseph fratribus suis: Audite somnium meum, quod vidi: Putabam nos ligare manipulos in agro: & quasi consurgere manipulum meum, & stare, vestrosque manipulos circumstantes adorare manipulum meum. Respondérunt fratres eius: Numquid rex noster eris? aut subiiciemur ditioni tuae? Hæc ergo causa somniorum

rum atque fermõnum, inuidia & òdij fomitem ministrãuit. Aliud quoque vidit somnium, quod narrans frãtribus, ait: Vidi per somnium, quasi solem, & lunam, & stellas undecim adorãre me. Quod cum patri suo & frãtribus retulisset, increpãuit eum pater suus, & dixit: Quid sibi vult hoc somnium, quod vidisti? num ego & mater tua & fratres tui adorãbimus te super terram? Inuidẽbant ei igitur fratres sui: pater verò rem tãcitus considerãbat. Cumque fratres illius in pascendis gregibus patris morarentur in Sichem, dixit ad eum Israël: Fratres tui pascunt oves in Sichimis: veni, mittam te ad eos. Quo respondente, prãstò sum, ait ei: Vade, & vide si cuncta pròspera sunt erga fratres tuos, & pẽcora: & renũtia mihi quid agãtur. Missus de valle Hebron, venit in Sichem: inuenitque eum vir errãntem in agro, & interrogãuit quid quæreretur. At ille respondit: Fratres meos quãro: indica mihi vbi pascant greges. Dixitque ei vir: Receserunt de loco isto: audiuĩ autem eos dicentes: Eãmus in Dóthain. Perrẽxit ergo Ioseph post fratres suos, & inuenit eos in Dóthain. Qui cum vidissent eum procul, antequam accederet ad eos, cogitauerunt illum occidere: & mũtuo loquebantur: Ecce somniãtor venit: venite, occidãmus eum, & mitãmus in cisternam veterem: dicemusque, Fera pessima deuorã-

uit eum: & tunc apparẽbit quid illi profint somnia sua. Audiens autem hoc Ruben, nitebãtur liberãre eum de manibus eorum, & dicẽbat: Non interficiãtis animam eius, nec effundãtis sanguinem: sed proicite eum in cisternam hanc, quã est in solitudine, manũsque vestras seruãte innocias: hoc autem dicẽbat, volens eripere eum de manibus eorum, & reddere patri suo.

**Graduale.** Ad Dõminum cum tribulãrer clamãui, & exaudiuit me. *Psal.* 119.  
 Y. Dõmine libera animam meam à labiis iniquis, & à lingua dolõsa.

**Tractus.** Dõmine, non secũdum peccãta nostra, quã fecimus nos, neque secũdum iniquitates nostras retribuas nobis. *Psal.* 102.  
 Y. Dõmine, ne memineris iniquitãtum nostrãrum antiquãrum: citò anticipent nos misericordia tuã, quia pãuperes facti sumus nimis. *Psal.* 78.  
 Y. \* Adiuua nos Deus salutãris noster: & propter glõriam nõminis tui Dõmine libera nos, & propitiũ esto peccãtis nostris propter nomen tuum.

Sequẽtia sancti Euangelij  
 secũdum Matthæum.

**I**N illo tẽpore: Dixit Iesusturbis Iudæorum, & principibus sacerdotum parabolam hanc: Homo erat pater familias, qui plãtãuit vineam, & sepein circumdedit ei, & fodit in ea torcular, & edificãuit turrim, & locãuit eam agricolis, & peregrẽ profectus est. Cum autem tempus fructuum appropinquãset, misit seruos suos ad agricolas, vt acciperent fructus eius. Et agricolã, apprehẽnsis seruis eius,

aliũ

aliū ceciderunt, aliū occiderunt, aliū verò lapidauerunt. Iterum misit alios seruos plures prioribus, & fecerunt illis similiter. Nouissimè autem misit ad eos filium suum, dicens: Verebuntur filium meum. Agricolaë autem videntes filium, dixerunt intra se: Hic est heres, venite, occidamus eum, & habebimus hereditatem eius. Et apprehensum eum eiecerunt extra vineam, & occiderunt. Cùm ergo venerit dominus vineæ, quid faciet agricolis illis? Aiunt illi: Malos male perdet: & vineam suam locabit aliis agricolis, qui reddant ei fructum temporibus suis. Dicit illis Iesus: Numquam legistis in Scripturis: Lapidem, quem reprobauerunt edificantes, hic factus est in caput anguli? A Domino factum est istud: & est mirabile in oculis nostris? Ideò dico vobis, quia auferetur à vobis regnum Dei, & dabitur genti facienti fructus eius. Et qui ceciderit super lapidem istum, confringetur: super quem verò ceciderit, conteret eum. Et cùm audissent principes sacerdotum & Pharisei parabolas eius, cognouerunt quòd de ipsis diceret. Et quærentes eum tenere, timuerunt turbas: quoniam sicut propheta eum habebant.

*psal. 59.* Offertorium. Dòmine, in auxiliū meum respice: confundantur & reuereantur, qui quærunt animam meam, vt auferant eam: Dòmine in auxiliū meum respice.

Secrera.

**H**Æc in nobis sacrificia Deus & actiōe permāneant, & operatiōe firmētur. Per Dòminum nostrum.

Alia Secrera, vt in Dominica præcedenti fol. 92.

Communio. Tu Dòmine seruabis nos, & custodies nos à generatiōe hac in ætèrnum. *psal. 111.* Postcommunio.

**F**Ac nos, quæsumus Dòmine, accepto pignore salutis æternæ, sic tendere congruenter: vt ad eam peruenire possimus. Per Dòminum nostrum.

Alia Postcommuniones, vt in Dominica præcedenti. fol. 93.

Super populum. Oremus.

Humiliatè capita vestra Deo.

Oratio.

**D**A, quæsumus Dòmine, populo tuo salutem mentis & corporis: vt bonis operibus inhaerendo, tuæ semper virtutis mereatur protectiōe defendi. Per Dòminum nostrum.

S A B B A T O.

Statio ad sanctos Marcellinum

& Petrum. Introitus.



**E**x Dòmini irreprehensibilis, conuertens animas: testimonium Dòmini fidele, sapièntiam præstans paruulis. *psal. 118.* Cæli enarrant glóriam Dei: & ópera manuum eius annuntiat firmamentum. *psal. 118.* Glória Patri.

Oratio.

**D**A, quæsumus Dòmine, nostris effectum ieiuniis salutarem: vt castigatio carnis assum-

pra, ad nostrarum vegetatiōnem transeat animarum. Per Dominum nostrum.

Alia Orationes, vt in Dominica praecedenti. fol. 91.

Lectio libri Genesis.

**I**N diebus illis: Dixit Rebécca filio suo Iacob: Audiuí patrem tuum loquentem cum Esau fratre tuo, & dicentem ei: Affer mihi de venatiōne tua, & fac cibos vt comedam, & benedicam tibi coram Dómino ántequam moriar. Nunc ergo, fili mi, acquiesce consiliis meis: & pergens ad gregem, affer mihi duos hœdos óptimos, vt faciam ex eis escas patri tuo, quibus libenter véscitur: quas cum intuleris, & comederit, benedicat tibi priúsquam moriatur. Cui ille respóndit: Nosti quòd Esau frater meus homo pilósus sit, & ego lenis: si attretauerit me pater meus, & senserit, timeo ne putet me sibi voluisse illudere, & inducam super me maledictiōnem pro benedictiōne. Ad quem mater: In me sit, ait, ista maledictio, fili mi: tantum audi vocem meam, & pergens, affer quæ dixi. Abiit, & attulit, deditque matri. Parauit illa cibos, sicut velle nouerat patrem illius. Et vestibus Esau valde bonis, quas apud se habebat domi, induit eum: pelliculasque hœdorum circumdedit manibus, & colli nuda protexit. Deditque pulmentum, & panes, quos coxerat, tradidit. Quibus illatis, dixit: Pater mi? At ille respóndit:

Audio. Quis es tu fili mi? Dixitque Iacob: Ego sum primogenitus tuus Esau: feci sicut præcepisti mihi: surge, sede, & comede de venatiōne mea, vt benedicat mihi ánima tua. Rursúmque Isaac ad filium suum: Quomodo, inquit, tam citò inuenire potuisti, fili mi? Qui respóndit: Voluntas Dei fuit vt citò occurreret mihi quod volēbam. Dixitque Isaac: Accède huc, vt tangam te fili mi, & probem vtrum tu sis filius meus Esau, an non. Accessit ille ad patrem, & palpato eo, dixit Isaac: Vox quidem, vox Iacob est: sed manus, manus sunt Esau. Et non cognouit eum, quia pilósæ manus similitudinem maioris exprésserant. Benedicens ergo illi, ait: Tu es filius meus Esau? Respóndit, Ego sum. At ille, Affer mihi, inquit, cibos de venatiōne tua, fili mi, vt benedicat tibi ánima mea. Quos cum oblatos comedisset, obtulit ei etiam vinum. Quo hausto, dixit ad eum: Accède ad me, & da mihi ósculum, fili mi. Accessit, & osculatus est eum. Statimque vt sensit vestimentorum illius fragrantiam, benedicens illi, ait: Ecce odor filij mei, sicut odor agri pleni, cui benedixit Dóminus. Det tibi Deus de rore cæli, & de pinguedine terræ, abundantiam frumenti & vini. Et seruiant tibi pópuli, & adorent te tribus: esto dominus fratrum tuorum, & incuruentur ante te filij matris tuæ. Qui maledixerit tibi, sit



ille maledictus : & qui benedixerit tibi , benedictionibus repleatur. Vix Isaac sermōnem implēuerat : & egresso Iacob foras , venit Esau , coctōsque de venatione cibos intulit patri , dicens : Surge pater mi , & comede de venatione filij tui , vt benedicat mihi anima tua. Dixitque illi Isaac : Quis enim es tu ? Qui respondit : Ego sum filius tuus primogenitus Esau. Expauit Isaac stupore vehementi , & vltra quā credi potest , admirans , ait : Quis igitur ille est , qui dudum captam venationem attulit mihi , & comedi ex omnibus priusquam tu venires ? benedixitque ei , & erit benedictus. Auditis Esau sermōnibus patris , irrūgit clamore magno : & consternatus , ait : Benedic etiam & mihi , pater mi. Qui ait : Venit germanus tuus fraudulenter , & accēpit benedictionem tuam. At ille subiunxit : Iuste vocatum est nomen eius Iacob : supplantauit enim me en altera vice : primogenita mea ante tulit , & nunc secundo surripuit benedictionem meam. Rursumque ad patrem : Numquid non reseruasti , ait , & mihi benedictionem ? Respondit Isaac : Dominum tuum illum constitui , & omnes fratres eius seruituti illius subiugauit : frumento & vino stabiliui eum , & tibi post hæc , fili mi , vltra quid faciam ? Cui Esau : Num vnam , inquit , tantum benedictionem habes , pater ? mihi quoque obsecro vt benedicas. Cumque eiulatu

magno fleret , motus Isaac , dixit ad eum : In pinguedine terræ , & in rore cæli desuper erit benedictio tua.

Graduale. Bonum est confiteri Dōmino , & psallere nōmini tuo Altissime. *Y.* Ad annuntiandum manē misericordiam tuam , & veritatem tuam per noctem.

Sequētia sancti Euangēlij  
secundum Lucam.

**I**N illo tempore : Dixit Iesus Phariseis & Scribis parabolam istam : Homo quidam habuit duos filios : & dixit adolescētor ex illis patri : Pater , da mihi portionem substantiæ , quæ me contingit. Et diuisit illis substantiam. Et non post multos dies , congregatis omnibus , adolescētor filius peregrè profectus est in regionem longinquam , & ibi dissipauit substantiam suam viuendo luxuriosè. Et postquam omnia consummasset , facta est fames valida in regione illa , & ipse cœpit egere. Et abiit , & adhæsit vni ciuium regionis illius. Et misit illum in villam suam , vt pasceret porcos. Et cupiēbat implere ventrem suum de siliquis , quas porci manducabant : & nemo illi dabat. In se autem reuersus , dixit : Quanti mercenarij in domo patris mei abundant panibus , ego autem hîc fame pereo ? Surgam , & ibo ad patrem meum , & dicam ei : Pater , peccāui in cælum , & coram te : iam non sum dignus vocari filius tuus : fac me sicut vnum de mercenariis tuis. Et surgens ,

venit ad patrem suum. Cùm autem adhuc longè esset, vidit illum pater ipsius, & misericórdia motus est, & accurrens cecidit super collum eius, & osculatus est eum. Dixitque ei filius: Pater, peccavi in cælum, & coram te, iam non sum dignus vocári filius tuus. Dixit autem pater ad seruos suos: Citò proferte stolam primam, & induite illum, & date annulum in manum eius: & calceamenta in pedes eius: & adducite vitulum saginatum, & occidite, & manducemus, & epulemur: quia hic filius meus mortuus erat, & reuixit: perierat, & inuentus est. Et cœperunt epulári. Erat autem filius eius senior in agro: & cùm veniret, & appropinquaret dormui, audiuit symphoniam, & chorum: & vocauit vnum de seruis, & interrogauit, quid hæc essent. Isque dixit illi: Frater tuus venit, & occidit pater tuus vitulum saginatum, quia saluum illum recepit. Indignatus est autem, & nolèbat introire. Pater ergo illius egressus, cœpit rogare illum. At ille respondens, dixit patri suo: Ecce tot annis seruius tibi, & numquam mandatum tuum præterui, & numquam dedisti mihi hoc dum vt cum amicis meis epulärer: sed postquam filius tuus híc, qui deuorauit substantiam suam cum meretricibus, venit, occidisti illi vitulum saginatum. At ipse dixit illi: Fili: tu semper mecum es, & omnia mea tua sunt: epulári autem, & gaudere oportebat, quia

frater tuus hic, mortuus erat, & reuixit; perierat, & inuentus est.

*Offertorium.* Illumina oculos meos, ne vnquam obdormiam in morte: ne quando dicat inimicus meus, Præualui aduersus eum.

*Secreta.*

**H**is sacrificiis, Dómine, concede placatus: vt qui propriis oramus absolui delictis, non grauèmur externis. Per Dóminũ.

*Aliæ Secretæ, vt in Dominica præcedenti. fol. 92.*

*Communio.* O portet te, fili, gaudere, quia frater tuus mortuus fuerat, & reuixit: perierat, & inuentus est.

*Postcommunio.*

**S**acramenti tui, Dómine, diuina libatio penetrabilia nostri cordis infundat: & sui nos participes potenter efficiat. Per Dóminum.

*Aliæ Postcommuniones, vt in Dominica præcedenti fol. 93.*

*Super populum.* Oremus. Humiliate capita vestra Deo. *Oratio.*

**F**amiliam tuam, quæsumus Dómine, continua pietate custodi: vt quæ in sola spe gratiæ cælestis innititur, cælesti etiam protectiõne muniatur. Per Dóminum nostrum.

### DOMINICA III.

in Quadragesima.

*Statio ad sanctum Laurentium extra muros. Introitus.*



**O**Culi mei semper ad Dóminum, quia ipse euellet de laqueo pedes meos: respice in me, & miserere mei: quoniam unicus & pauper sum

*ibid* sum ego. Psalm. A d te Dómine leuáui animam meam : Deus meus in te confido, non erubescam. *ŷ*. Glória Patri. Oratio.

**Q**uesumus omnipotens Deus, vota humílium respice : atque ad defensionem nostram, dexteram tuæ maiestátis extende. Per Dóminum nostrum Iesum Christum Fílium tuum: Qui tecum uiuit & regnat.

Ad poscenda suffragia Sanctorum. Oratio.

**A**cunctis nos, quæsumus Dómine, mentis & corpóris defende periculis : & intercedente beata & gloriósa semper vírgine Dei genitríce María, cum beatis Apóstolis tuis Petro & Paulo, atque beato N. & ómnibus Sanctis, salútem nobis tribue benignus & pacem ; vt, destrúctis aduersitatibus & erroribus vniuersis, Ecclesia tua secúra tibi seruiat libertâte.

Pro viuis & defunctis.

Oratio.

**O**mnipotēs sempitérne Deus, qui viuórum domináris simul & mortuórum, omniúmque miserêris, quos tuos fide & opere futúros esse prænocis : te supplices exorâmus ; vt, pro quibus effundere preces decreuimus, quosque vel præsens sæculum adhuc in carne retinet, vel futúrum iam exútos corpore suscépit, intercedéntibus ómnibus Sanctis tuis, pietátis tuæ cleméntia, ómnium delictórum suórum véniam consequántur. Per Dóminum nostrú.

Léctio Epístolæ beati Pauli Apóstoli ad Ephésios.

**F**ratres, Estóte imitatores Dei, sicut filij charíssimi : & ambuláte in dilectiône, sicut & Christus diléxit nos, & tradidit semetípsum pro nobis oblatiõnem & hostiam Deo in odorem suauitátis. Fornicatio autem, & omnis immunditia, aut auaritia, nec nominêtur in vobis, sicut decet sanctos, aut turpítudo, aut stultilóquium, aut scurrilitas, quæ ad rem non pertinet ; sed magis gratiarum actio. Hoc enim scitôte intelligétes : quòd omnis fornicátor, aut immundus, aut auarus, quod est idolórum seruitus, non habet hereditatem in regno Christi & Dei. Nemo vos seducat inánibus verbis : propter hæc enim venit ira Dei in filios diffidéntiæ. Nolite ergo éffici participes eórum. Erátis enim aliquándo tenebræ : nunc autem lux in Dómino. Vt filij lucis ambuláte : fructus enim lucis est in omni bonitáte, & iustitia, & veritáte.

**Graduale.** E xúrge Dómine, non prauáleat homo : iudicentur Gentes in conspéctu tuo, *ŷ*. In conuerténdo inimicum meum retrórsim, infirmabuntur, & peribunt à facie tua.

**Tractus.** A d te leuáui óculos meos, qui habitas in cælis. *ŷ*. Ecce sicut óculi seruórum in má nibus dominórum suórum. *ŷ*. Et sicut óculi ancillæ in má nibus dómínæ suæ : ita óculi nostri ad Dóminum Deum nostrum, donec misereátur nostri, *ŷ*. Miserere nobis Dómine, miserere nobis.

Sequentia sancti Euangélj  
secúndum Lucam.

**I**N illo tēpore: Erat Iesus eifciens dæmónium, & illud erat mutum. Et cū eiecisset dæmónium, locūtus est mutus, & admiratæ sunt turbæ. Quidam autem ex eis dixerunt: In Beélzebub príncipe dæmoniōrum éiicit dæmónia. Et alij tentantes, signū de cælo quærebant ab eo. Ipse autem vt vidit cogitatíones eōrum, dixit eis: Omne regnum in seípsum diuísus desolábitur, & domus supra domum cadet. Si autem & Sátanas in seípsum diuísus est, quómodo stabit regnum eius? quia dicitis, in Beélzebub me eicere dæmónia. Si autem ego in Beélzebub eicicio dæmónia: filij vestri in quo eiciunt? Ideò ipsi iúdicēs vestri erunt. Porrò si in dígito Dei eicicio dæmónia: profectò peruénit in vos regnum Dei. Cū fortis armátus custòdit átrium suum, in pace sunt ea quæ pòssidet. Si autem fórtior eo superuéniens vicerit eum, vniuersa arma eius áuferet, in quibus confidēbat, & spólia eius distribuet. Qui non est mecum, contra me est: & qui non colligit mecum, dispérgit. Cū immúndus spíritus exierit ab hómine, ámbulat per loca inaquósa, quærens réquiem: & non inueniens, dicit: Reuertar in domum meam vnde exíui. Et cū venerit, inuenit eam scopis mundátam, & ornátam. Tunc vadit, & afsúmit septem alios spíritus secum nequiores se, & ingrési há-

bitant ibi. Et fiunt nouíssima hóminis illíus peiōra prióribus. Factum est autem, cū hæc diceret: extóllens vocem quædam múlier de turba, dixit illi: Beátus venter, qui te portáuit; & úbera, quæ fuxisti. At ille dixit: Quinímò beáti, qui áudiunt verbum Dei, & custodiunt illud. **C** redo.

**Offertorium.** Iustitíæ Dómini rectæ, lætificantes corda, & iudícia eius dulciōra super mel & fauim: nam & seruus tuus custòdit ea.

**Secreta.**

**H**Æc hóstia, Dómine quæsumus, emúndet nostra delicta: & ad sacrificium celebrándum, subditōrum tibi córpora mentésque sanctíficet. Per Dóminum nostrum.

**Aliæ Secretæ.**

**E**Xáudi nos Deus salutáris noster: vt per huius sacramenti virtútem, a cunctis nos mentis & córporis hóstibus tueáris; grátiam tríbuens in præsentí, & glóriam in futuro.

**D**Eus, cui soli cógnitus est número electōrum in supérna felicitáte locándus: tríbe quæsumus, vt intercedéntibus ómnibus Sanctis tuis, vniuersōrum, quos in oratiōe commendátos suscépimus, & ómnium fidélium nómina, beátæ prædestinatiōnis liber adscrípta retíneat. Per Dóminum nostrum Iesum Christum.

**Communio.** Passer inuénit sibi domum, & turtur nidum, vbi repónat pullos suos: altária tua Dómine virtutum, Rex meus, & Deus meus: beáti

qui

qui habitant in domo tua, in sæculum sæculi laudabunt te. Postcommunio.

**A** Cunctis nos, quæsumus Dómine, reatibus & periculis propitiatus absolue: quos tanti mystèrij tribuis esse participes. Per Dóminum nostrum.

Aliæ Postcommuniones.

**M** Vndet & múniat nos, quæsumus Dómine, diuini sacraménti munus oblátum: & intercedente beata virgine Dei genitríce María, cum beáteis Apóstolis tuis Petro & Paulo, atque beáto N. & ómnibus Sanctis; à cunctis nos reddat & peruersitatibus expiátos, & aduersitatibus expeditos.

**P** Vríficent nos, quæsumus omnípotens & misericors Deus, sacraménta quæ sumpsimus: & intercedentibus ómnibus Sanctis tuis, præsta; vt hoc tuum sacraméntum non sit nobis reátus ad pœnam, sed intercessio salutáris ad véniam: sit ablútio scelerum, sit fortitúdo fragílium, sit contra ómnia mundi perícula firmamentum: sit viuórum atque mortuórum fidélium, remíssio ómnium delictórum. Per Dñm.

## FERIA SECUNDA.

*Statio ad S. Marcum. Introitus.*

**I** N Deo laudábo verbum, in Dómino laudábo sermónem: in Deo sperábo, non timébo quid faciat mihi homo. *Psal. M* iserere mei Deus, quóniam conculcáuit me homo: tota die bellans tribuláuit me. *ÿ.* Glória Patri.



Oratio.

**C** Ordibus nostris, quæsumus Dómine, grátiam tuam benignus infúnde: vt sicut ab escis carnálibus abstínemus; ita sensus quoque nostros à nóxiis retrahámus excéssibus. Per Dóminum.

Aliæ Orationes, vt in Dominica præcedenti. fol. 105.

Léctio libri Regum.

**I** N diébus illis: Naaman princeps militiæ regis Syriæ erat vir magnus apud dómimum suum, & honorátus: per illum enim dedit Dóminus salútem Syriæ: erat autem vir fortis & diues, sed leprósus. Porrò de Syria egressi fuerant latrúnculi, & captiuam duxerunt de Terra Israël puëllam paruulam, quæ erat in obléquio vxôris Naaman, quæ ait ad dómminam suam: Vtinam fuisset dómminus meus ad Prophétam, qui est in Samaría: profectò curáffet eum à lepra, quam habet. Ingressus est itaque Naaman ad dómimum suum, & nuntiáuit ei, dicens: Sic & sic locúta est puëlla de Terra Israël. Dixitque ei rex Syriæ: Vade, & mittam líttas ad regem Israël. Qui cum profectus esset, & tulisset secum decem talénta argénti, & sex millia áureos, & decem mutatória vestimentórum, détulit líttas ad regem Israël, in hæc verba: Cùm accéperis epístolam hanc, scito quòd miserim ad te Naaman seruum meum, vt cures eum à lepra sua. Cumque legisset rex Israël líttas, scidit vestiménta sua, & ait:

4. Reg. 5.

168  
cra ij. post Dominicam iij. Quadrage.  
Numquid Deus ego sum, vt oc-  
cidere possim, & viuificâre, quia  
iste misit ad me, vt curem hóm-  
inam à lepra sua? animaduértite,  
& vidéte quòd occasiões quæ-  
rat aduersum me. Quod cum au-  
disset Eliséus vir Dei, scidisse vi-  
délidet regem Israël vestiméta  
sua, misit ad eum, dicens: Qua-  
re scidisti vestiméta tua? véniat  
ad me, & sciat esse Prophétam in  
Israël. Venit ergo Naaman cum  
equis & curribus, & stetit ad  
ostium domus Eliséi: misitque  
ad eum Eliséus nuntium, dicens:  
Vade, & lauâre septies in Iordâ-  
ne, & recípiet sanitâtem caro tua,  
atque mundâberis. Irâtus Naa-  
man recedêbat, dicens: Putâbam  
quòd egrederêtur ad me, & stans  
inuocâret nomen Dómini Dei  
sui, & tangeret manu sua locum  
lepræ, & curâret me. Numquid  
non meliôres sunt Abana &  
Pharphar, flúuij Damâsci, óm-  
nibus aquis Israël, vt lauer in eis,  
& mûnder? Cùm ergo vertisset  
se, & abiret indignans, accessê-  
runt ad eum serui sui, & locúti  
sunt ei: Pater, & si rem grandem  
dixisset tibi Prophéta, certè face-  
re debúeras: quantò magis quia  
nunc dixit tibi: Lauâre, & mun-  
dâberis? Descéndit, & lauit in  
Iordâne septies iuxta fermônem  
viri Dei, & restitûta est caro eius,  
sicut caro púeri paruuli, & mun-  
dâtus est. Reuersusque ad virum  
Dei cum vniuerso comitatu suo,  
venit, & stetit coram eo, & ait:  
Verè scio, quòd non sit álius Deus

in vniuersa terra, nisi tantum in  
Israël.

Graduale. Deus vitam meam an-  
nuntiâui tibi: posuisti lacrymas meas  
in conspectu tuo. *Y.* Miserere mei,  
Dómine, quóniam conculcâuit me  
homo: tota die bellans tribulâuit me.

Tractus. Dómine, non secúndum  
peccâta nostra, quæ fecimus nos, neque  
secúndum iniquitates nostras retri-  
buas nobis. *Y.* Dómine, ne memine-  
ris iniquitatum nostrarum antiqua-  
rum: citò anticipent nos misericórdiæ  
tuæ, quia pauperes facti sumus nimis.  
*Y.* \* Aduua nos Deus salutâris nos-  
ter: & propter glóriam nóminis tui  
Dómine libera nos: & propitius esto  
peccâti nostris propter nomen tuum.

Sequéntia sancti Euangélj  
secúndum Lucam.

**I**N illo tempore: Dixit Iesus  
Pharisæis: Vtique dicétis mihi  
hanc similitudinem: Médice cura  
te ipsum: quanta audiuimus facta  
in Capharnaum, fac & híc in pá-  
ttria tua. Ait autem: Amen dico  
vobis, quia nemo Prophéta ac-  
ceptus est in patria sua. In veritâ-  
te dico vobis, multæ viduæ erant  
in diêbus Eliæ in Israël, quando  
clausum est cælum annis tribus,  
& mênibus sex, cùm facta esset  
fames magna in omni terra: &  
ad nullam illârum missus est E-  
liás, nisi in Sarépta Sidóniæ, ad  
mulierem viduam. Et multi le-  
prosi erant in Israël sub Eliséo  
Prophéta: & nemo eorum mun-  
dâtus est nisi Naaman Syrus. Et  
repléti sunt omnes in synagoga  
ira, hæc audientes. Et surrexerunt,

Psal.  
55.

Psal.  
101.

Psal.  
73.

\* Efic-  
gen-  
fici-  
tur.

Luce  
4. d.

& eiecerunt illum extra ciuitatem: & duxerunt illum vsque ad supercilium montis, super quem ciuitas illorum erat edificata, vt precipitarent eum. Ipse autem transiens per medium illorum, ibat.

*Psal.* 14. **Offertorium.** Exaudi Deus orationem meam, & ne despexeris deprecationem meam: intende in me, & exaudi me.

**Secreta.**

**M**Vnus, quod tibi Domine nostrae seruitutis offerimus, tu salutare nobis perfice sacramentum. Per Dominum nostrum Iesum Christum.

Aliae Secretae, vt in Dominica praecedenti. fol. 106.

*Psal.* 13. **Communio.** Quis dabit ex Sion salutare Israel? cum auerterit Dominus captiuitatem plebis suae, exultabit Iacob, & laetabitur Israel.

**Postcommunio.**

**P**resta quaesumus omnipotens & misericors Deus: vt quod ore contingimus, pura mente capiamus. Per Dominum nostrum Iesum Christum.

Aliae Postcommuniones, vt in Dominica praecedenti. fol. 107.

Super populum. Oremus.

Humiliate capita vestra Deo.

**Oratio.**

**S**vbueniat nobis, Domine, misericordia tua: vt ab imminentibus peccatorum nostrorum periculis, te mereamur protegente eripi, te liberante saluari. Per Dominum nostrum Iesum Christum Filium tuum.

**FERIA TERTIA.**

*Statio ad sanctam Pudenianam.*

**Introitus.**



*Psal.* 16. **Go** clamauit, quoniam ex audisti me Deus: inclina aurem tuam, & exaudi verba mea: custodi me

Domine vt pupillam oculi: sub umbra alarum tuarum protege me. *Psal.* Exaudi Domine iustitiam meam: intende deprecationem meam. *Y.* Gloria Patri.

**Oratio.**

**E**Xaudi nos omnipotens & misericors Deus: & continentiae salutaris propitius nobis dona concede. Per Dominum.

Aliae Orationes, vt in Dominica praecedenti. fol. 105.

**Lectio libri Regum.**

**I**N diebus illis: Mulier quaedam clamabat ad Elisaeum Propheta, dicens: Seruus tuus vir meus mortuus est, & tu nosti quia seruus tuus fuit timens Dominum: & ecce creditor venit vt tollat duos filios meos ad seruiendum sibi. Cui dixit Elisaeus: Quid vis vt faciam tibi? Dic mihi, quid habes in domo tua? At illa respondit: Non habeo ancilla tua quidquam in domo mea, nisi parum olei, quo vngar. Cui ait: Vade, pete mutuo ab omnibus vicinis tuis vasa vacua non pauca. Et ingredere, & claude ostium tuum, cum intrinsecus fueris tu, & filij tui: & mitte inde in omnia vasa haec: & cum plena fuerint, tolles. Iuit itaq; mulier, & clausit ostium super se, & super filios suos: illi offerbant vasa, & illa infundebat.

110  
Feria ij. post Dominicam ij. Quadragesimæ.  
bat. Cumque plena fuissent vasa, dixit ad filium suum: Affer mihi adhuc vas. Et ille respondit: Non habeo. Stetitque oleum. Venit autem illa, & indicavit homini Dei. Et ille, Vade, inquit, vende oleum, & redde creditori tuo: tu autem, & filij tui vivite de reliquo.

*Graduale.* **A**b occultis meis munda me Domine: & ab alienis parce seruo tuo. *Ps.* Si mei non fuerint dominati, tunc immaculatus ero: & emundabor à delicto máximo.

*Sequentia sancti Evangelij secundum Matthæum.*

*Mat. 18. b*  
**I**n illo tempore: Dixit Iesus discipulis suis: Si peccaverit in te frater tuus, vade, & corripe eum inter te & ipsum solum. Si te audierit, lucratus eris fratrem tuum. Si autem te non audierit, adhibe tecum adhuc vnum, vel duos, ut in ore duorum vel trium testium stet omne verbum. Quod si non audierit eos: dic ecclesie. Si autem ecclesiam non audierit: sit tibi sicut ethnicus & publicanus. Amen dico vobis, quæcumque alligaveritis super terram, erunt ligata & in cælo: & quæcumque solveritis super terram, erunt soluta & in cælo. Iterum dico vobis, quia si duo ex vobis consenserint super terram, de omni re quamcumque petierint, fiet illis à Patre meo, qui in cælis est. Vbi enim sunt duo vel tres congregati in nomine meo, ibi sum in medio eorum. Tunc accedens Petrus ad eum, dixit: Domine, quoties peccabit in me frater meus, & dimittam ei? usque

septies? Dicit illi Iesus: Non dico tibi usque septies; sed usque septuagies septies.

*Offertorium.* Dextera Domini fecit virtutem, dextera Domini exaltavit me: non moriar, sed vivam, & narrabo opera Domini. *Secreta.*

**P**er hæc veniat, quæsumus Domine, sacramenta nostræ redemptionis effectus: qui nos & ab humanis retrahat semper excessibus; & ad salutaria dona perducatur. Per Dominum.

*Alia Secreta, ut in Dominica præcedenti. fol. 106.*

*Communio.* Domine, quis habitabit in tabernaculo tuo? aut quis requiescet in monte sancto tuo? Qui ingreditur sine macula, & operatur iustitiam. *Postcommunio.*

**S**acris, Domine, mysteriis expiati: & veniam, quæsumus, consequamur, & gratiam. Per Dominum nostrum.

*Alia Postcommuniones, ut in Dominica præcedenti. fol. 107.*

*Super populum.* O remus, humiliâte capita vestra Deo. *Oratio.*

**T**va nos, Domine, protectio: ne defende: & ab omni semper iniquitate custodi. Per Dominum nostrum.

## FERIA QVARTA.

*Statio ad S. Xystum.*

*Introitus.*

**I**te autem in Domino sperabo: exultabo, & lætabor in tua misericordia: quia respexisti humilitatem meam. *Psalms.* In te

Domi-



Dómine speráui , non confundar in  
 ætérnum : in iustítia tua líbera me , &  
 éripe me. *ŷ.* Glória Patri.

Oratio.

**P**Ræsta nobis, quæsumus Dó-  
 mine : vt salutáribus ieiúniis  
 erudíti, à nóxiis quoque vítiis ab-  
 tinéntes, propitiatiónem tuam fa-  
 cilius impetrémus. Per Dóminum  
 nostrum.

Aliæ Orationes, vt in Dominica  
 præcedenti. fol. 105.

L éctio libri Exodi.

**H**Æc dicit Dóminus Deus :  
 Honóra patrem tuum , &  
 matrem tuam, vt sis longæuus su-  
 per terram, quam Dóminus Deus  
 tuus dabit tibi. Non occídes. Non  
 mœcháberis. Non furtum facies.  
 Non loquêris contra próximum  
 tuum falsum testimónium. Non  
 concupísces domum próximi tui:  
 nec desiderábis vxórem eius, non  
 seruum, non ancíllam, non bo-  
 uem, non ásinum, nec ómnia quæ  
 illius sunt. Cunctus autem pópu-  
 lus vidébat voces, & lámpades, &  
 sónitum búccinæ, montémque  
 fumántem: & pertérriti, ac pauò-  
 re concússi, steterunt procul, di-  
 céntes Móysi: Lóquere tu nobis,  
 & audiémus: non loquátur nobis  
 Dóminus, ne fortè moriámur. Et  
 ait Móyses ad pópulum : Nolíte  
 timère: vt enim probâret vos venit  
 Deus, & vt terror illius esset in vo-  
 bis, & non peccarétis. Stetitque  
 pópulus de longè. Móyses autem  
 accéssit ad caliginem in qua erat  
 Deus. Dixit prætereà Dóminus  
 ad Móysen: Hæc dices filiis Israël:

Vos vidístis, quòd de cælo locútus  
 sim vobis. Non faciétis deos ar-  
 génteos, nec deos áureos faciétis  
 vobis. Altàre de terra faciétis mi-  
 hi, & offerétis super eo holocáusta  
 & pacífica vestra, oues vestras &  
 boues in ómni loco, in quo me-  
 mória fúerit nóminis mei.

Graduale. Miserère mei Dómi-  
 ne, quóniam infirmus sum : sana me  
 Dómine. *ŷ.* Conturbâta sunt óm-  
 nia ossa mea : & ánima mea turbâta  
 est valdè.

Tractus. D ómine, non secúndum  
 peccâta nostra, quæ fecimus nos, neque  
 secúndum iniquitâtes nostras retrí-  
 buas nobis, *ŷ.* Dómine, ne memíneris  
 iniquitâtum nostrârum antiquârum :  
 citò anticipent nos misericórdiæ tuæ,  
 quia páuperes facti sumus nimis.  
*ŷ.* \* Adiuua nos Deus salutâris nos-  
 ter : & propter glóriam nóminis tui  
 Dómine líbera nos, & propítius esto  
 peccâti nostris propter nomen tuum.

Sequéntia sancti Euangélíj  
 secúndum Matthæum.

**I**N illo témpore: Accessérunt  
 ad Iesum ab Ierosólymis Scri-  
 bæ, & Pharisæi, dicéntes: Qua-  
 re discipuli tui transgrediúntur  
 tradiónem seniórum? Non enim  
 lauant manus suas cùm panem  
 mandúcant. Ipse autem respón-  
 dens, ait illis: Quare & vos trans-  
 gredimini mandâtum Dei pro-  
 pter tradiónem vestram? Nam  
 Deus dixit: Honóra patrem, &  
 matrem. Et: Qui maledíxerit  
 patri, vel matri, morte moriâtur.  
 Vos autem dicitis: Quicúmque  
 dixerit patri, vel matri, Munus

Exod. 10. c.

ps. 6.

psal. 102.

psal. 78.

Hic genu- flexi- tur.

Mat. 15.

quodcumque est ex me, tibi proderit: & non honorificabit patrem suum, aut matrem suam: & irritum fecistis mandatum Dei propter traditionem vestram. Hypocritæ, benè prophetavit de vobis Isaias, dicens: Pópulus hic labiis me honòrat: cor autem eòrum longè est à me. Sine causa autem colunt me, docèntes doctrinas & mandata hóminum. Et conuocatis ad se turbis, dixit eis: Audite, & intelligite. Non quod intrat in os, coinquinat hóminem: sed quod procèdit ex ore, hoc coinquinat hóminem. Tunc accedentes discipuli eius, dixerunt ei: Scis quia Pharisæi, audito verbo hoc, scandalizati sunt? At ille respondens, ait: Omnis plantatio, quam non plantauit Pater meus cælèstis, eradicabitur. Sinite illos: cæci sunt, & duces cæcorum. Cæcus autem si cæco ducatum præstet, ambo in foueam cadunt. Respondens autem Petrus, dixit ei: Ediffere nobis parabolam istam. At ille dixit: Adhuc & vos sine intellectu estis? Non intelligitis, quia omne quod in os intrat, in ventrem vadit, & in secessum emittitur? Quæ autem procedunt de ore, de corde exeunt, & ea coinquinant hóminem: de corde enim exeunt cogitationes malæ, homicidia, adultèria, fornicationes, furta, falsa testimonia, blasphemix. Hæc sunt, quæ coinquinant hóminem. Non lotis autem manibus manducare, non coinquinat hóminem.

Offertorium. D ómine, fac mecum misericórdiam tuam propter nomen tuum: quia suavis est misericórdia tua. *Secreta.*

**S**uscipe, quæsumus Dómine, preces pópuli tui cum oblationibus hostiarum: & tua mysteria celebrantes, ab ómnibus nos defende periculis. Per Dóminum.

*Aliæ Secretæ, vt in Dominica præcedenti. fol. 106.*

*Communio.* Notas mihi fecisti vias vitæ: adimplèbis me lætitia cum vultu tuo, Dómine. *Postcommunio.*

**S**anctificet nos, Dómine, quæsumus, mensa cælèstis: & à cunctis erroribus expiatis supernis promissionibus reddat acceptos. Per Dóminum.

*Aliæ Postcommuniones, vt in Dominica præcedenti. fol. 107.*

*Super populum. Oremus.*

*Humiliâte cápita vestra Deo.*

*Oratio.*

**C**oncède quæsumus omnipotens Deus: vt qui protectionis tuæ grátiam querimus, liberati à malis ómnibus, secúra tibi mente seruiamus. Per Dóminum.

**FERIA QUINTA.**

*Statio ad sanctos Cosmam & Damianum. Introitus.*



Alus pópuli ego sum, dicit Dóminus: de quacúmque tribulatione clamauerint ad me, exaudiam eos: & ero illórum Dóminus in perpétuum.

*Psal.* **A**téndite pópule meus legem meam: inclinâte aurem vestram in verba oris mei. *Ÿ. Glória Patri.*

*Ora-*

Oratio.

**M**agnificet te, Dómine, san-  
ctórum tuórum Cosmæ &  
Damiáni beata solémnitas: qua  
& illis glóriam sempitérnám, &  
opem nobis ineffábili prouidentia  
contulísti. Per Dóminum.

Aliax Orationes, vt in Domini-  
ca præcedenti. fol. 105.

Léctio Ieremiæ Prophétæ.

**I**N diébus illis: Factum est ver-  
bum Dómini ad me, dicens:  
Sta in porta domus Dómini, &  
prædica ibi verbum istud, & dic:  
Audíte verbum Dómini omnis  
Iuda, qui ingredimini per por-  
tas has, vt adorétis Dóminum.  
Hæc dicit Dóminus exercituum  
Deus Israël: Bonas facite vias ve-  
stras, & stúdia vestra: & habitá-  
bo vobíscum in loco isto. Nolíte  
confidere in verbis mendácij,  
dicentes: Templum Dómini,  
templum Dómini, templum Dó-  
mini est. Quóniam si benè dire-  
xeritis vias vestras, & stúdia ve-  
stra: si feceritis iudicium inter vi-  
rum & próximum eius, aduenæ,  
& pupillo, & viduæ non fecerit-  
is calúnniam, nec ságuinem  
innocéntem effuderitis in loco  
hoc, & post deos aliénos non  
ambulaueritis in malum vobis-  
metípsis: habitábo vobíscum in  
loco isto, in terra, quam dedi  
pátribus vestris à sæculo & vsque  
in sæculum: ait Dóminus omni-  
potens.

Graduale. O culi ómnium in te  
sperant Dómine: & tu das illis escam  
in tẽpore opportúno. V. Aperis tu

manum tuam, & imples omne animal  
benedictiõne.

Sequẽtia sancti Euangélij  
secundum Lucam.

**I**N illo tẽpore: Surgens Iesus  
de synagoga, introiuit in do-  
mum Simõnis. Socrus autem Si-  
mõnis tenebatur magnis febri-  
bus: & rogauerunt illum pro ea. Et  
stans super illam, imperauit febrí:  
& dimisit illam. Et continuo  
surgens, ministrabat illis. Cùm  
autem sol occidisset, omnes qui  
habebant infirmos variis languo-  
ribus, ducébant illos ad eum. At  
ille singulis manus imponens, cu-  
rabat eos. Exibant autem dæmõ-  
nia à multis, clamántia & dicen-  
tia: Quia tu es Fílius Dei: & ín-  
crepans non sinébat ea loqui, quia  
sciébant ipsum esse Christum.  
Facta autem die egressus ibat in  
desértum locum, & turbæ requi-  
rébant eum, & venerunt vsque  
ad ipsum: & detinébant illum ne  
discéderet ab eis. Quibus ille ait:  
Quia & aliis ciuitatibus oportet  
me euangelizáre regnum Dei:  
quia idéo missus sum. Et erat præ-  
dicans in synagógis Galilææ.

Offertorium. Si ambulauero in  
medio tribulatiõnis, viuificabis me  
Dómine: & super iram inimicórum  
meórum extẽdes manum tuam, &  
saluum me faciet dextera tua.

Secreta.

**I**N tuórum, Dómine, pretiõsa  
morte iustórum sacrificium il-  
lud offerimus, de quo martyríum  
sumpsit omne princípium. Per  
Dóminum nostrum.

Alia Secretæ, vt in Dominica præcedenti. fol. 106.

Communiõ. Tu mandãsti, mandãta tua custodiri nimis: utinam dirigantur viæ meæ ad custodiendas iustificatiõnes tuas. Postcommuniõ.

**S**It nobis, Dõmine, sacramenti tui certa saluatiõ: quæ cum beatõrum mârtyrum tuõrum Cosmæ & Damiani m'eritis implorãtur. Per Dõminum.

Alia Postcommuniones, vt in Dominica præcedenti. fol. 107.

Super populum. Orẽmus.

Humiliãte cápita vestra Deo.

Oratio.

**S**Vbiẽctum tibi pópulum, quæsumus Dõmine, propitiatiõ cælëstis amplificet: & tuis semper faciat seruire mandãtis. Per Dõminum nostrum.

## F E R I A S E X T A.

*Statio ad sanctum Laurentium in Lucina.*

Introitus.



Ac mecum, Dõmine, signum in bonum: vt videant qui me odẽrunt, & confundantur: quõniam tu Dõmine adiuuisti me, & consolãtus es me. Psalm. Inclina Dõmine aurem tuam, & exãudi me: quõniam inops & pauper sum ego. y. Glõria Patri.

Oratio.

**I**Eiunia nostra, quæsumus Dõmine, benigno fauõre profẽquere: vt sicut ab alimentis abstinẽmus in corpore; ita à vitiiis ieiunẽmus in mente. Per Dõminum.

Alia Orationes, vt in Dominica præcedenti. fol. 105.

L'ẽctiõ libri Númeri.

**I**N diẽbus illis: Conuenẽrunt filij Israël aduersum Mõysen & Aaron: & versi in seditiõnem, dixerunt: Date nobis aquam, vt bibãmus. Ingressusque Mõyses & Aaron, dimissa multitudine, tabernaculum foederis, corruerunt proni in terram, clamaueruntque ad Dõminum, atque dixerunt: Dõmine Deus, audi clamõrem huius pópuli, & àperi eis thesaurum tuum fontem aquæ viuæ, vt satiati, cesset murmuratiõ eõrum. Et apparuit glõria Dõmini super eos. Locutusque est Dõminus ad Mõysen, dicens: Tolle virgam, & congrega pópulum, tu & Aaron frater tuus, & loquimini ad petram coram eis, & illa dabit aquas. Cumque eduxeris aquam de petra, bibit omnis multitudo, & iumenta eius. Tulit igitur Mõyses virgam, quæ erat in conspectu Dõmini, sicut præceperat ei, congregata multitudine ante petram, dixitque eis: Audite rebelles & increduli: Num de petra hac vobis aquam poterimus eicere? Cumque eleuasset Mõyses manum, percutiens virga bis silicem, egressæ sunt aquæ largissimæ, ita vt pópulus biberet, & iumenta. Dixitque Dõminus ad Mõysen & Aaron: quia non credidistis mihi, vt sanctificaretis me coram filiis Israël, non introducẽtis hos pópulos in terram, quam dabo eis. Hæc est aqua contraditiõnis, vbi iurgati

sunt

sunt filij Israël contra Dóminum,  
& sanctificátus est in eis.

*psal.*  
*77.* Graduale. In Deo speráuit cor  
meum, & adiútus sum: & resóruit ca-  
ro mea, & ex voluntáte mea confitè-  
bor illi. *Y.* Ad te Dómine clamáui:  
Deus meus ne síleas, ne discédas à me.

*psal.*  
*102.* Tractus. D ómine, non secúndum  
peccáta nostra, quæ fecimus nos, neque  
secúndum iniquitátes nostras retri-  
buas nobis. *Y.* Dómine, ne memíneris  
iniquitátum nostrárum antiquárum:  
citò anticipent nos misericórdiæ tuæ,  
quia páuperes facti sumus. nimis.  
*psal.*  
*78.* *Y.* \* Adiuua nos Deus salutáris no-  
ster: & propter glóriam nóminis tui  
Dómine líbera nos: & propítius esto  
peccátis nostris propter nomen tuum.

Sequéntia sancti Euangélij  
secúndum Ioánnem.

*ioan.*  
*4.* **I**n illo témpore: Venit Iesus in  
ciuitátem Samaríæ, quæ dicitur  
Sichar: iuxta prædium, quod  
dedit Iacob Ioseph filio suo. Erat  
autem ibi fons Iacob. Iesus ergo  
fatigátus ex itínere, sedébat sic  
supra fontem. Hora erat quasi  
sexta. Venit múluer de Samaría  
hauríre aquam. Dicit ei Iesus: Da  
mihi bíbere. ( Discípuli enim eius  
abierant in ciuitátem vt cibos é-  
merent. ) Dicit ergo ei múluer il-  
la Samaritána: Quómodo tu Iu-  
dæus cum sis, bíbere à me poscis,  
quæ sum múluer Samaritána? non  
enim coiitúntur Iudæi Samaritá-  
nis. Respóndit Iesus, & dixit ei:  
Si scires donum Dei, & quis est,  
qui dicit tibi: Da mihi bíbere:  
tu forsitan petíisses ab eo, & dedís-  
set tibi aquam viuam. Dicit ei

múluer: Dómine, neque in quo  
háurias habes, & púteus altus est,  
vnde ergo habes aquam viuam?  
Numquid tu maior es patre no-  
stro Iacob, qui dedit nobis pú-  
teum, & ipse ex eo bibit & filij  
eius, & pécora eius? Respóndit  
Iesus, & dixit ei: Omnis qui bibit  
ex aqua hac, sítiet íterùm: qui au-  
tem bíberit ex aqua, quam ego  
dabo ei, non sítiet in ætérnum:  
sed aqua, quam ego dabo ei, fiet  
in eo fons aquæ salientis in vitam  
ætérnam. Dicit ad eum múluer:  
Dómine, da mihi hanc aquam, vt  
non sítiam, neque véniam huc  
hauríre. Dicit ei Iesus: Vade, voca  
virum tuum, & veni huc. Respón-  
dit múluer, & dixit: Non hábeo  
virum. Dicit ei Iesus: Benè dix-  
isti, quia non hábeo virum quin-  
que enim viros habuísti; & nunc,  
quem habes, non est tuus vir: hoc  
verè dixísti. Dicit ei múluer: Dó-  
mine, vídeo quia Prophéta es tu.  
Patres nostri in monte hoc ado-  
rauerunt, & vos dicitis, quia Ie-  
rosólymis est locus, vbi adoráre  
opórtet. Dicit ei Iesus: Múluer,  
crede mihi, quia venit hora, quan-  
do neque in monte hoc, neque  
in Ierosólymis adorábitis Patrem.  
Vos adorátis quod nescítis: nos  
adorámus quod scimus, quia sa-  
lus ex Iudæis est. Sed venit hora,  
& nunc est, quando veri adora-  
tóres adorábunt Patrem in spíri-  
tu & veritáte. Nam & Pater ta-  
les quærit, qui adórent eum. Spí-  
ritus est Deus: & eos, qui adó-  
rant eum, in spíritu & veritáte

oportet adorare. Dicit ei mulier: Scio, quia Messias venit ( qui dicitur Christus. ) Cum ergo venerit ille, nobis annuntiabit omnia. Dicit ei Iesus: Ego sum, qui loquor tecum. Et continuo venerunt discipuli eius: & mirabantur quia cum muliere loquebatur. Nemo tamen dixit: Quid queris, aut quid loqueris cum ea? Reliquit ergo hydriam suam mulier, & abiit in civitatem, & dicit illis hominibus: Venite, & videte hominem, qui dixit mihi omnia quaecumque feci: numquid ipse est Christus? Exierunt ergo de civitate, & veniebant ad eum. Interea rogabant eum discipuli, dicentes: Rabbi, manduca. Ille autem dicit eis: Ego cibum habeo manducare, quem vos nescitis. Dicebant ergo discipuli ad invicem: Numquid aliquis attulit ei manducare? Dicit eis Iesus: Meus cibus est, ut faciam voluntatem eius, qui misit me, ut perficiam opus eius. Nonne vos dicitis, quod adhuc quatuor menses sunt, & messis venit? Ecce dico vobis: Levate oculos vestros, & videte regiones, quae albae sunt iam ad messem. Et qui metit, mercedem accipit, & congregat fructum in vitam aeternam: ut, & qui seminat, simul gaudeat, & qui metit. In hoc enim est verbum verum: quia alius est qui seminat, & alius est qui metit. Ego misi vos metere, quod vos non laborastis: alij laboraverunt, & vos in labores eorum introistis. Ex civitate

autem illa multi crediderunt in eum Samaritanorum, propter verbum mulieris testimonium perhibentis: Quia dixit mihi omnia quaecumque feci. Cum venissent ergo ad illum Samaritani, rogaverunt eum ut ibi maneret. Et mansit ibi duos dies. Et multo plures crediderunt in eum propter sermonem eius. Et mulieri dicebant: Quia iam non propter tuam loquelam credimus: ipsi enim audivimus, & scimus, quia hic est verus Saluator mundi.

**Offertorium.** Intende voci orationis meae, Rex meus & Deus meus, quoniam ad te orabo, Domine.

**Secreta.**

**R**espice, quaesumus Domine, propitius ad munera, quae facramus: ut tibi grata sint, & nobis salutaria semper existant. Per Dominum nostrum.

Aliae Secretae, ut in Dominica praecedenti. fol. 106.

**Communio.** Qui biberit aquam, quam ego dabo ei, dicit Dominus, fiet in eo fons aquae salientis in vitam aeternam. **Postcommunio.**

**H**uius nos, Domine, perceptio sacramenti mundet a crimine: & ad caelestia regna perducat. Per Dominum nostrum.

Aliae Postcommuniones, ut in Dominica praecedenti. fol. 107.

**Super populum.** Oremus.

Humiliate capita vestra Deo.

**Oratio.**

**P**raesta quaesumus omnipotens Deus: ut qui in tua protectione confidimus, cuncta no-

bis aduersántia, te adiuuánte, vincámus. Per Dóminum.

## S A B B A T O.

*Statio ad sanctam Susannam.*

Introitus.

**V**erba mea áuribus perípe Dómine, intellige clamórem meum : inténde voci oratiónis meæ, Rex meus, & Deus meus *Psal. Quóniam ad te orábo Dómine : manè exáudies vocem meam. y. Glória Patri.*

Oratio.

**P**Ræsta quæsumus omnípotens Deus: vt qui se, affligendo carnem, ab alimentis ábstinent, sectándo iustítiam, à culpa ieiúnent. Per Dóminum.

Aliæ Orationes, vt in Dominica præcedenti. fol. 105.

Léctio Daniélis Prophétæ.

**I**N dièbus illis: Erat vir hábitans in Babylône, & nomen eius Ióakim : & accépit vxórem nómine Susannam, filiam Helcíæ, pulchram nimis, & tíméntem Deum : paréntes enim illius, cùm essent iusti, erudiérunt filiam suam secúndum legem Móysi. Erat autem Ióakim diues valdè, & erat ei pomárium vicínium domui suæ: & ad ipsum confluébant Iudæi, eò quod esset honorabílior ómnium. Et constitúti sunt de pópulo duo senes iúdicés in illo anno: de quibus locútus est Dóminus: Quia egréssa est iniquitas de Babylône à senióribus iudícibus, qui videbántur régere pópulum. Isti frequentábant do-

mum Ióakim, & veniébant ad eos omnes qui habébant iudícia. Cùm autem pópulus reuertíffet per merídiem, ingrediebátur Susánna, & deambulábat in pomário viri sui. Et vidébant eam senes quotidie ingrediéntem, & deambulántem : & exarsérunt in concupiscéntiam eius : & euertérunt sensum suum, & declinauerunt óculos suos vt non vidérent cælum, neque recordaréntur iudiciórum iustórum. Factum est autem, cùm obseruárét diem aptum, ingrèssa est aliquándo sicut heri & nudiuertíus, cum duâbus solis puéllis, volúitque lauári in pomário : æstus quippe erat : & non erat ibi quisquam, præter duos senes absconditos, & contemplantés eam. Dixit ergo puéllis: Afférte mihi óleum, & smígmata, & óstia pomárii cláudite, vt lauer. Cùm autem egréssæ essent puéllæ, surrexérunt duo senes, & accurrérunt ad eam, & dixerunt: Ecce óstia pomárii clausa sunt, & nemo nos videt, & nos in concupiscéntia tui sumus: quamóbrem assentíre nobis, & commiscére nobíscum. Quòd si nolúeris, dicémus contra te testimoniúm, quòd fúerit tecum iúuenis, & ob hanc causam emiseris puéllas à te. Ingémuit Susánna, & ait : Angústia sunt mihi úndique: si enim hoc égero, mors mihi est: si autem non égero, non effúgiam manus vestras. Sed mélius est mihi absque ópere incidere in manus vestras, quàm peccare

câre in conspéctu Dómini. Et exclamâuit voce magna Susanna: exclamauerunt autem & senes aduersus eam. Et cucurrit vnus ad ostia pomarij, & apéruit. Cùm ergo audissent clamôrem famuli domus in pomario, irruerunt per posticum vt vidèrent quidnam esset. Postquam autem senes locuti sunt, erubuérunt serui vehementer: quia numquam dictus fuerat sermo huiuscemodi de Susanna. Et facta est dies crâstina. Cumque venisset pópulus ad Ioákim virum eius, venerunt & duo seniôres pleni iniqua cogitatione aduersus Susannam, vt interficerent eam. Et dixerunt coram pópulo: Mittite ad Susannam filiam Helciæ vxorem Ioákim. Et statim miserunt. Et venit cum paréntibus, & filiis, & vniuersis cognatis suis. Flebant igitur sui, & omnes qui nóuerant eam. Confurgentes autem duo seniôres in médio pópuli, posuerunt manus suas super caput eius. Quæ flens suspéxit ad cælum: erat enim cor eius fiduciam habens in Dómino. Et dixerunt seniôres: Cùm deambularêmus in pomario soli, ingressa est hæc cum duâbus puellis: & clausit ostia pomarij, & dimisit à se puellas. Venitque ad eam adulescens, qui erat absconditus, & concubuit cum ea. Porrò nos, cùm essemus in ángulo pomarij, videntes iniquitatem, cucurrimus ad eos, & vidimus eos pariter commisceri. Et illum qui

dem non quíuimus comprehendere, quia fortior nobis erat, & apertis ostiis exiit: hanc autem cùm apprehendissemus, interrogauimus, quisnam esset adulescens, & noluit indicare nobis: huius rei testes sumus. Crédidit eis multitúdo quasi senibus & iudicibus pópuli, & condemnauerunt eam ad mortem. Exclamâuit autem voce magna Susanna, & dixit: Deus æternæ, qui absconditorum es cognitor, qui nosti omnia ántequam fiant, tu scis quóniam falsum testimónium tulerunt contra me: & ecce morior, cùm nihil horum fecerim, quæ isti malitiôsè composuerunt aduersum me. Exaudiuit autem Dóminus vocem eius. Cumque duceretur ad mortem, suscitauit Dóminus spíritum sanctum pueri iuniôris, cuius nomen Dániel: Et exclamâuit voce magna: Mundus ego sum à sânguine huius. Et conuersus omnis pópulus ad eum, dixit: Quis est iste sermo, quem tu locutus es? Qui cùm staret in médio eorum, ait: Sic fatui filij Israël, non iudicantes, neque quod verum est cognoscéntes, condemnastis filiam Israël? Reuertimini ad iudicium, quia falsum testimónium locuti sunt aduersus eam. Reuersus est ergo pópulus cum festinatione. Et dixit ad eos Dániel: Separâte illos ab inuicem procul, & diudicâbo eos. Cùm ergo diuisi essent alter ab áltero, vocâuit vnum de eis, & dixit ad eum: Inueterate



dicere malorum, nunc venerunt peccata tua, quæ operaberis prius; iudicans iudicia iniusta, innocentes opprimens, & dimittens noxios, dicente Domino: Innocentem & iustum non interficies. Nunc ergo si vidisti eam, dic sub qua arbore videris eos colloquentes sibi. Qui ait: Sub schino. Dixit autem Daniel: Rectè mentitus es in caput tuum. Ecce enim Angelus Dei accepta sententia ab eo, scindet te medium. Et, amoto eo, iussit venire alium, & dixit ei: Semen Chanaan, & non Iuda, species decipit te, & concupiscentia subvertit cor tuum: sic faciebatis filiabus Israël, & illæ timentes loquebantur vobis: sed filia Iuda non sustinuit iniquitatem vestram. Nunc ergo dic mihi, sub qua arbore comprehenderis eos loquentes sibi. Qui ait: Sub prino. Dixit autem ei Daniel: Rectè mentitus es & tu in caput tuum: manet enim Angelus Domini, gladium habens, ut secet te medium, & interficiat vos. Exclamavit itaque omnis coetus voce magna, & benedixerunt Deum, qui saluat sperantes in se. Et consurrexerunt adversus duos seniores (conuicerat enim eos Daniel ex ore suo falsum dixisse testimonium) feceruntque eis sicut malè egerant adversus proximum: & interfecerunt eos, & saluatus est sanguis innocuus in die illa.

Graduale. Si ambulem in medio umbræ mortis, non timêbo mala:

quoniam tu mecum es, Domine. Virga tua, & baculus tuus, ipsa me consolata sunt.

Sequentia sancti Evangelij secundum Ioannem.

**I**n illo tempore: Perrexit Iesus in montem Oliueti: & diluculo iterum venit in templum, & omnis populus venit ad eum, & sedens docebat eos. Adducunt autem Scribæ, & Pharisei, mulierem in adultério deprehensam: & statuerunt eam in medio, & dixerunt ei: Magister, hæc mulier modò deprehensa est in adultério. In lege autem Moyses mandauit nobis huiusmodi lapidare. Tu ergo quid dicis? Hoc autem dicebant tentantes eum, ut possent accusare eum. Iesus autem inclinans se deorsum, digito scribebat in terra. Cum ergo perseuerarent interrogantes eum, erexit se, & dixit eis: Qui sine peccato est vestrum, primus in illam lapidem mittat. Et iterum se inclinans, scribebat in terra. Audiētes autem, vnus post vnum exiebant, incipientes à senioribus: & remansit solus Iesus, & mulier in medio stans. Erigens autem se Iesus dixit ei: mulier, vbi sunt, qui te accusabant? nemo te condemnauit? Quæ dixit: Nemo, Domine. Dixit autem Iesus: Nec ego te condemnabo: Vade, & iam amplius noli peccare.

Offertorium. Gressus meos dirige secundum eloquium tuum: ut non dominetur mei omnis iniustitia, Domine.

Ioan. 8.

Psal. 118.

## Secreta.

**C**oncède quæsumus omnipotens Deus: vt huius sacrificij munus oblâtum, fragilitâtem nostram ab omni malo purget semper, & mûniat. Per Dóminum nostrum.

Aliæ Secretæ, vt in Dominica præcedenti. fol. 106.

**C**ommunio. Nemo te condemnâuit, mûlier? nemo, Dómine: nec ego te condemnâbo: iam âmpliùs noli peccâre. Postcommunio.

**Q**uæsumus omnipotens Deus: vt inter eius membra numerêmur, cuius cõrpori communicâmus, & sânguini. Qui tecum viuut & regnat.

Aliæ Postcommuniones, vt in Dominica præcedenti. fol. 107

Super populum. Oremus. Humiliâtè cãpita vestra Deo. Oratio.

**P**rætendè Dómine fidelibus tuis dexteram cælêstis auxiliij: vt te toto corde perquirant, & quæ dignè pôstulant, cõsequi mereântur. Per Dóminum.

## DOMINICA IIII.

in Quadragesima.

*Statio ad sanctam Crucem  
in Ierusalem.*

Introitus.



**Æ**târe Ierûsalem: & conuentum facite omnes qui diligitis eam: gaudète cum lætitiã, qui in tristitiã fuistis: vt exultètis, & satièmini ab vbèribus consolatiõis vestræ. Psalmus. Lætâtus sum in his, quæ dicta sunt mihi: in domum Dómini ibimus. *Ÿ.* Glória Patri.

## Oratio.

**C**oncède quæsumus omnipotens Deus: vt qui ex merito nostræ actiõnis affligimur, tuæ grãtiæ consolatiõne respirêmus. Per Dóminum nostrum Iesum Christum Filium tuum.

Ad poscenda suffragia Sanctorum. Oratio.

**A**cunctis nos, quæsumus Dómine, mentis & cõrporis defendè periculis: & intercedènte beãta & gloriõsa semper vírgine Dei genitríce Mariã, cum beãtis Apóstolis tuis Petro & Paulo, atque beãto N. & omnibus Sanctis, salûtem nobis tribue benignus & pacem; vt, destrúctis aduersitatibus & errõribus vniuersis, Ecclesiã tua secúra tibi seruiat libertâte.

Pro viuus & defunctis.

Oratio.

**O**mnipotès sempitérne Deus, qui viuõrum dominâris simul & mortuõrum, omniumque miserèris, quos tuos fide & òpere futûros esse prænocis: te supplices exorâmus; vt, pro quibus effundere preces decreuimus, quosque vel præsens sæculum adhuc in carne retinet, vel futûrum iam exútos cõpore suscèpit; intercedèntibus omnibus Sanctis tuis, pietãtis tuæ clemèntia, omnium delictõrum suõrum vèniã consequântur. Per Dóminum nostrum Iesum Christum.

Lectio Epístolæ beãti Pauli Apóstoli ad Gálatas.

**F**ratres, Scriptũ est: Quõniam Abraham duos filios habuit:

vnum

vnum de ancilla, & vnum de libera. Sed qui de ancilla, secundum carnem natus est: qui autem de libera, per repromissionem: quæ sunt per allegoriam dicta. Hæc enim sunt duo testamenta. Vnum quidem in monte Sina, in seruitutem generans: quæ est Agar: Sina enim mons est in Arabia, qui coniunctus est ei, quæ nunc est Ierusalem, & seruit cum filiis suis. Illa autem, quæ sursum est Ierusalem, libera est; quæ est mater nostra. Scriptum est enim: Lætare stérilis, quæ non paris: erumpe, & clama, quæ non parturis: quia multi filij desértæ, magis quam eius quæ habet virum. Nos autem fratres secundum Isaac promissionis filij sumus. Sed quomodo tunc is, qui secundum carnem natus fuerat, persequebatur eum, qui secundum spiritum: ita & nunc. Sed quid dicit Scriptura? Eijce ancillam, & filium eius: non enim heres erit filius ancillæ cum filio liberæ. Itaque, fratres, non sumus ancillæ filij, sed liberæ: qua libertate Christus nos liberauit.

*Psal. 124.* Graduale. Lætatus sum in his quæ dicta sunt mihi: in domum Domini ibimus. *Psal. 124.* Fiat pax in virtute tua: & abundantia in turribus tuis.

*Psal. 124.* Tractus. Qui confidunt in Domino, sicut mons Sion: non commouebitur in æternum, qui habitat in Ierusalem. *Psal. 124.* Montes in circuitu eius: & Dominus in circuitu populi sui, ex hoc nunc & vsque in sæculum.

Sequentia sancti Euangelij secundum Ioannem.

10a  
6.

**I**N illo tempore: Abiit Iesus trans mare Galilææ, quod est Tiberiædis: & sequebatur eum multitudo magna, quia videbant signa, quæ faciebat super his qui infirmabantur. Subiit ergo in montem Iesus: & ibi sedebat cum discipulis suis. Erat autem proximum pascha, dies festus Iudæorum. Cum subleuasset ergo oculos Iesus, & vidisset, quia multitudo maxima venit ad eum, dixit ad Philippum: Vnde ememus panes, ut manducent hi? Hoc autem dicebat tentans eum: ipse enim sciebat quid esset facturus. Respondit ei Philippus: Ducentorum denariorum panes non sufficiunt eis, ut vnusquisque modicum quid accipiat. Dicit ei vnus ex discipulis eius, Andréas frater Simonis Petri: Est puer vnus hic, qui habet quinque panes ordeaceos, & duos pisces: sed hæc quid sunt inter tantos? Dixit ergo Iesus: Facite homines discumbere. Erat autem fœnum multum in loco. Discubuérunt ergo viri, numero quasi quinque millia. Accipit ergo Iesus panes: & cum gratias egisset, distribuit discumbentibus: similiter & ex piscibus quantum volebant. Ut autem impléti sunt, dixit discipulis suis: Colligite quæ superauerunt fragmenta, ne pereant. Collegérunt ergo, & impleuerunt duodecim cophinos fragmentorum, ex quinque panibus ordeaceis,

quæ superfuérunt his qui mandu-  
cauerant. Illi ergo hómines cum  
vidíffent quod Iesus fécerat si-  
gnum, dicébant: Quia hic est ve-  
rè Prophéta, qui ventûrus est in  
mundum. Iesus ergo cum cog-  
nouíffet, quia ventûri essent vt rá-  
perent eum, & fácerent eum re-  
gem, fugit iterùm in montem ipse  
solus. Credo.

*Offertorium.* L audâte Dóminum,  
quia benígnus est: psállite nómini eius,  
quóniam suáuis est: ómnia quæcúm-  
que vóluit, fecit in cælo & in terra.

*Secreta.*

**S**acrificiis præsentibus, Dómi-  
ne quæsumus, inténde placá-  
tus: vt & deuotióni nostræ profi-  
ciant, & salutí. Per Dóminum.

*Alia Secreta.*

**E**Xaudi nos Deus salutáris no-  
ster: vt per huius sacramén-  
ti virtûtem, à cunctis nos mentis  
& córporis hóstibus tueáris; grá-  
tiam tribuens in præsentí, & gló-  
riam in futúro.

**D**eus, cui soli cógnitus est nu-  
merus electórum in supérna  
felicitáte locándus: tríbe quæsu-  
mus, vt intercedéntibus ómnibus  
Sanctis tuis, vniuersórum, quos in  
oratióne commendátos suscépi-  
mus, & ómnium fidélium nómi-  
na, beatæ prædestinatiónis liber  
adscrípta retíneat. Per Dóminum  
nostrum Iesum Christum.

*Communio.* Ierúsalem, quæ ædi-  
ficátur vt ciuitas, cuius participatió  
eius in idípsum: illuc enim ascendé-  
runt tribus, tribus Dómini, ad confi-  
téndum nómini tuo Dómine.

*Postcommunio.*

**D**A nobis, quæsumus misé-  
ricors Deus: vt sancta tua,  
quibus incessánter explémur, sin-  
cérís tractémus obséquiiis, & fidéli  
semper mente sumámus. Per Dó-  
minum nostrum.

*Alia Postcommuniones.*

**M**Vndet & múniat nos, quæ-  
sumus Dómine, diuini sacra-  
ménti munus oblátum: & in-  
tercedénte beata vírgine Dei ge-  
nitríce María, cum beátis Apó-  
stolis tuis Petro & Paulo, atque  
beato N. & ómnibus Sanctis; à  
cunctis nos reddat & peruersitá-  
tibus expiátos, & aduersitátibus  
expeditos.

**P**Vríficent nos, quæsumus om-  
nípotens & miséricors Deus,  
sacraménta quæ sumpsimus: &  
intercedéntibus ómnibus Sanctis  
tuis, præsta; vt hoc tuum sacra-  
mémentum non sit nobis reátus ad  
pœnam, sed intercésio salutá-  
ris ad véniam: sit ablútió scéle-  
rum, sit fortitúdo fragílium, sit  
contra ómnia mundi perícula fir-  
mamémentum: sit viuórum atque  
mortuórum fidélium, remíssio  
ómnium delictórum. Per Dñm.

**FERIA SECVNDA.**

*Statio ad sanctos Quatuor*

*Coronatos. Introitus.*



**D**eus in nómine tuo sal-  
uum me fac, & in virtú-  
te tua libera me: Deus ex-  
audi oratióne meam:  
áuribus percípe verba oris mei. Psal-  
mus. Quóniam aliéni insurrexérunt

*psal. 55.*

*161 d.*

in me: & fortes quæsierunt animam meam. *ŷ.* Glória Patri. *Oratio.*

**P**Ræsta quæsumus omnipotens Deus: vt obseruationes sacras annua deuotione recolentes, & corpore tibi placeamus, & mente. Per Dóminum.

Aliæ Orationes, vt in Dominica præcedenti. fol. 120.

Lectio libri Regum.

**I**N dièbus illis: Venérunt duæ mulieres meretrices ad regem Salomônem, steteruntque coram eo; quarum vna ait: Obsecro mi dómine, ego & mulier hæc habitabamus in domo vna, & péperi apud eam in cubículo. Tertia autem die postquam ego péperi, péperit & hæc: & eramus simul, nullusque álius nobiscum in domo, excéptis nobis duabus. Mór-tuus est autem filius mulieris huius nocte. Dórmienti quippe opprésit eum. Et consurgens in tempéstæ noctis siléntio, tulit filium meum de latere meo ancillæ tuæ dormiéntis, & collocáuit in sinu suo: suum autem filium, qui erat mór-tuus, pósuit in sinu meo. Cumque surrexíssem manè vt darem lac filio meo, apparuit mór-tuus: quem diligéntius íntuens clara luce, deprehéndi non esse meum quem genueram. Responditque áltera mulier: Non est ita vt dicis, sed filius tuus mór-tuus est: meus autem viuit. E contráριο illa dicébat: Mentiris: filius quippe meus viuit, & filius tuus mór-tuus est. Atque in hunc modum contendébant co-

ram rege. Tunc rex ait: Hæc dicit: Fílius meus viuit, & filius tuus mór-tuus est. Et ista respóndit, Non, sed filius tuus mór-tuus est, meus autem viuit. Dixit ergo rex: Afferte mihi gládium. Cumque attulísset gládium coram rege, Diuidite, inquit, infántem viuum in duas partes, & date dimídiam partem vni, & dimídiam partem álteri. Dixit autem mulier, cuius filius erat viuus, ad regem: (commôta sunt quippe vícera eius super filio suo: ) Obsecro dómine, date illi infántem viuum, & nolíte interficere eum. E contráριο illa dicébat: Nec mihi, nec tibi sit, sed diuidátur. Respóndit rex, & ait: Date huic infántem viuum, & non occidátur: hæc est enim mater eius. Audiuit itaque omnis Israël iudícium quod iudicásset rex, & timuérunt regem, vidéntes sapiéntiam Dei esse in eo ad faciéndum iudícium.

Graduale. Esto mihi in Deum protectórem, & in locum refúgij: vt saluum me fácias. *ŷ.* Deus in te speráui: Dómine non confundar in ætérnum. *Psal. 30.*

Tractus. Dómine, non secúndum peccátâ nostrâ, quæ fecimus nos, neque secúndum iniquitâtes nostras retribuas nobis. *ŷ.* Dómine, ne memineris iniquitâtum nostrârum antiquârum: citò anticipent nos misericórdiæ tuæ, quia páuperes facti sumus nimis. *ŷ.* \* Adiuua nos Deus salutâris noster: & propter glóriam nóminis tui Dómine libera nos: & propítius esto peccâtis nostris propter nomen tuum. *Psal. 70.* *Psal. 102.* *Psal. 78.* *Hic genuflectitur.*

Sequentia sancti Euangélj  
secundum Ioánnem.

**I**N illo tempore: Propè erat Pascha Iudæorum, & ascendit Iesus Ierosólymam: & inuènit in templo vendentes boues, & oues, & colúmbas, & numulários sedentes. Et cum fecisset quasi flagellum de funiculis, omnes eiècit de templo, oues quoque, & boues, & numulariòrum effudit æs, & mensas subuertit. Et his, qui colúmbas vendebant, dixit: Aufer te ista hinc, & nolite facere domum Patris mei, domum negotiatiònis. Recordati sunt verò discipuli eius quia scriptum est: Zelus domus tuæ comèdit me. Respondèrunt ergo Iudæi, & dixerunt ei: Quod signum ostendis nobis quia hæc facis? Respondit Iesus, & dixit eis: Sóluite templum hoc, & in tribus dièbus excitâbo illud. Dixerunt ergo Iudæi: Quadraginta & sex annis ædificatum est templum hoc, & tu in tribus dièbus excitâbis illud? Ille autem dicèbat de templo còrporis sui. Cum ergo resurrexisset à mortuis, recordati sunt discipuli eius, quia hoc dicèbat, & crediderunt Scripturæ, & sermóni quem dixit Iesus. Cum autem esset Ierosólymis in Pascha in die festo, multi crediderunt in nómine eius, videntes signa eius, quæ facièbat. Ipse autem Iesus non credèbat semetípsum eis, eò quòd ipse nosset omnes, & quia opus ei non erat vt quis testimónium perhiberet de hómine: ipse

enim scièbat quid esset in hómine.

**O**ffertorium. Iubilâte Deo omnis terra, seruîte Dómino in lætitia: intrâte in cònspectu eius in exultatiòne: quia Dóminus ipse est Deus.

Secreta.

**O**blatum tibi Dómine sacrificium viuificet nos semper, & múniat. Per Dóminum.

Aliæ Secretæ, vt in Dominica præcedenti. fol. 122.

**C**ommunio. Ab occultis meis munda me Dómine: & ab aliènis parce seruo tuo. Postcommunio.

**S**umptis, Dómine, salutáribus sacraméntis: ad redemptiònis æternæ, quæsumus, proficiâmus augmentum. Per Dóminum.

Aliæ Postcommuniones, vt in Dominica præcedenti. fol. 122.

Super populum. Orémus. Humiliâte cápita vestra Deo. Oratio.

**D**eprecatiònem nostram, quæsumus Dómine, benignus exaudi: & quibus supplicândi prestat affectum, tribue defensionis auxiliùm. Per Dóminum.

FERIA TERTIA.

Statio ad sanctum Laurentium.  
in Damaso. Introitus.



Xaudi Deus oratiònem meam, & ne despèxeris deprecatiònem meam: intènde in me, & exaudi me.

**P**salm. Contristatus sum in exercitatiòne mea: & conturbatus sum à voce inimici, & à tribulatiòne peccatòris.

Glória Patri. Oratio.

**S**acræ nobis, quæsumus Dómine, obseruatiònis ieiúnia;

& piæ conuersationis augmētum, & tuæ propitiatiōnis cōtinuum præstent auxiliū. Per Dōminum nostrum.

Aliæ Orationes, vt in Dominica præcedenti. fol. 120.

Lectio libri Exodi.

**I**N diēbus illis: Locūtus est Dōminus ad Mōysen, dicens: Descēde de monte: peccāuit pōpulus tuus, quem eduxisti de Terra Ægypti. Recesērunt citò de via, quam ostendisti eis: feceruntque sibi vitulum conflatilem, & adorauerunt, atque immolantes ei hōstias, dixerunt: Isti sunt dij tui Israēl, qui te eduxerunt de Terra Ægypti. Rursūmque ait Dōminus ad Mōysen: Cerno quod pōpulus iste duræ ceruicis sit: dimitte me, vt irascātur furor meus contra eos, & deleam eos, faciāmque te in gentem magnam. Mōyses autem orābat Dōminum Deum suum, dicens: Cur, Dōmine, irascitur furor tuus contra pōpulum tuum, quem eduxisti de Terra Ægypti in fortitudine magna, & in manu robūsta? Ne quæso dicant Ægyptij: Cāllidè eduxit eos, vt interficeret in mōntibus, & deleret è terra: quiēscat ira tua, & esto placābilis super nequitia pōpuli tui. Recordāre Abraham, Isaac, & Israēl, seruōrum tuōrum, quibus iurāsti per temetipsum, dicens: Multiplicābo semen vestrum sicut stellas cæli: & vniuersam terram hanc, de qua locūtus sum, dabo sē mini vestro, & possidēbitis eam sē mper. Placatusque

est Dōminus ne faceret malum quod locūtus fuerat aduersus pōpulum suum.

Graduale. E xūrge Dōmine; fer opem nobis: & libera nos propter nomen tuum. *Y.* Deus auribus nostris audiuimus: & patres nostri annuntiauerunt nobis opus, quod operātus es in diēbus eōrum, in diēbus antiquis.

Sequētia sancti Euangēlij secundūm Ioānnem.

**I**N illo tēpore: Iam die festo mediānte, ascēdit Iesus in templum, & docēbat. Et mirabantur Iudæi, dicētes: Quōmodo hic litteras scit, cū non didicerit? Respōdit eis Iesus, & dixit: Mea doctrīna non est mea: sed eius, qui misit me. Si quis voluerit voluntātem eius facere: cognōscet de doctrīna, vtrūm ex Deo sit, an ego à meipso loquar. Qui à semetipso loquitur, glōriam prōpriam quærit. Qui autem quærit glōriam eius, qui misit eum, hic verax est, & iniustitia in illo non est. Nōne Mōyses dedit vobis legem: & nemo ex vobis facit legem? quid me quæritis interficere? Respōdit turba, & dixit: Dæmōnium habes: quis te quærit interficere? Respōdit Iesus, & dixit eis: Vnum opus feci, & omnes mirāmini. Propterea Mōyses dedit vobis circumcisiōnem: (non quia ex Mōyse est, sed ex patribus:) & in Sābbato circumciditis hōminem. Si circumcisiōnem accipit homo in Sābbato, vt non soluatur lex Mōysi: mihi indignāmini quia totum hō-

minem sanum feci in Sabbato? Nolite iudicare secundum faciem, sed iustum iudicium iudicate. Dicebant ergo quidam ex Ierosolymis: Nonne hic est, quem quaerunt interficere? Et ecce palam loquitur, & nihil ei dicunt. Numquid verè cognouerunt principes quia hic est Christus? Sed hunc scimus unde sit: Christus autem cum venerit, nemo scit unde sit. Clamabat ergo Iesus in templo docens, & dicens: Et me scitis, & unde sim scitis: & à meipso non veni, sed est verus, qui misit me, quem vos nescitis. Ego scio eum: quia ab ipso sum, & ipse me misit. Quaerebant ergo eum apprehendere: & nemo misit in illum manus, quia nondum venerat hora eius. De turba autem multi crediderunt in eum.

*Offertorium* Expectans expectaui Dominum, & respexit me: & exaudivit deprecationem meam: & immisit in os meum canticum novum, hymnum Deo nostro. *Secreta.*

**H**Æc hostia, Domine quaesumus, emundet nostra delicta: & ad sacrificium celebrandum, subditorum tibi corpora mentesque sanctificet. Per Dominum nostrum.

*Aliæ Secretæ, vt in Dominica præcedenti. fol. 122.*

*Communio.* Letabimur in salutaris tuo: & in nomine Domini Dei nostri magnificabimur.

*Postcommunio.*

**H**uius nos, Domine, perceptio sacramenti mundet à

crimine: & ad cælestia regna perducat. Per Dominum.

*Aliæ Postcommuniones, vt in Dominica præcedenti. fol. 122.*

*Super populum. Orémus.*

Humiliâte capita vestra Deo. *Oratio.*

**M**iserere Domine populo tuo: & continuis tribulationibus laborantem, propitius respicere concede. Per Dominum nostrum Iesum Christum.

## FERIA QVARTA.

*Statio ad sanctum Paulum.*

*Introitus.*



Vm sanctificatus fuero in vobis, congregabo vos de vniuersis terris: & effundam super vos aquam mundam, & mundabimini ab omnibus inquinamentis vestris: & dabo vobis spiritum novum. *Psal. Benedicam Dominum in omni tempore: semper laus eius in ore meo. y. Gloria Patri.*

*Post Kyrie eleison, dicitur, Orémus. Flectamus genita. B. Leuâte.*

*Oratio.*

**D**eus, qui & iustis præmia meritòrum, & peccatoribus per ieiunium veniam præbes: miserere supplicibus tuis; vt reatus nostri confessio, indulgentiam valeat percipere delictòrum. Per Dominum nostrum.

*Lectio Ezechiëlis Prophætæ.*

**H**Æc dicit Dominus Deus: Sanctificabo nomen meum magnum, quod pollutum est inter Gentes, quod polluistis in medio earum: vt sciant Gentes quia



ego Dóminus, cùm sanctificátus fuero in vobis coram eis. Tollam quippe vos de Géntibus, & congregábo vos de vniúersis terris, & addúcam vos in terram vestram. Et effúndam super vos aquam mundam, & mundabimini ab ómnibus inquinaméntis vestris, & ab vniúersis idólis vestris mundábo vos. Et dabo vobis cor nouum, & spíritum nouum ponam in médio vestri: & áuferam cor lapídeum de carne vestra, & dabo vobis cor cárneum. Et spíritum meum ponam in médio vestri: & faciam vt in præcéptis meis ambulétis, & iudícia mea custodiátis & operémini. Et habitábitis in terra, quam dedi Patribus vestris: & éritis mihi in pópulum, & ego ero vobis in Deum: dicit Dóminus omnipotens.

*psal.*  
*33.* Graduale. Veníte filij, audíte me: timórem Dómini docébo vos. *Y.* Accédite ad eum, & illuminámini: & fácies vestræ non confundéntur.

Hic dicitur Dóminus vobíscum, sine Flectámus génuá.

O rémus.

Oratio.

**P**Ræsta quæsumus omnípotens Deus: vt quos ieiúnia votiuá castígant, ipsa quoque deuótió sancta lætíficet: vt terrénis afféctibus mitigátis, faciélius cælestia capiámus. Per Dóminum.

Aliæ Orationes, vt in Domínica præcedenti. fol. 120.

Léctio Isaíæ Prophétæ.

*Isaia*  
*1. d.* **H**Æc dicit Dóminus Deus: Lauámini, mundi estóte, auferte malum cogitatiónum ve-

strárum ab óculis meis: quiescite ágere peruérsè, discite benefacere: quærite iudícium, subueníte opprésso, iudicáte pupíllo, defendite víduam. Et veníte, & argúite me, dicit Dóminus: si fuerint peccáta vestra vt cócchinum, quasi nix dealbabúntur: & si fuerint rubra quasi vermículus, velut lana alba erunt. Si voluéritis, & audiéritis me, bona terræ comedétis: dicit Dóminus omnipotens.

*psal.*  
*32.* Graduale. B eâta gens, cuius est Dóminus Deus eórum: pópulus quem elêgit Dóminus in hereditâtem sibi. *Y.* Verbo Dómini cæli firmáti sunt: & spíritus oris eius omnis virtus eórum.

*psal.*  
*10* Tractus. D ómine, non secúndum peccáta nostra, quæ fecimus nos, neque secúndum iniquitâtes nostras retríbuas nobis. *Y.* Dómine, ne memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. *Y.* \* Adiuua nos Deus salutâris noster: & propter glóriam nóminis tui Dómine libera nos: & propítius esto peccátis nostris propter nomen tuum.

Sequéntia sancti Euangélj secúndum Ioánnem.

*Ioan.*  
*9.* **I**N illo témpore: Præteriens Iesus vidit hóminem cæcum à natiuitâte: & interrogauerunt eum discípuli eius: Rabbi, quis peccáuit, hic aut paréntes eius, vt cæcus nascerêtur? Respóndit Iesus: Neque hic peccáuit, neque paréntes eius: sed vt manifestentur ópera Dei in illo. Me oportet operári opera eius qui misit me, donec dies est: venit nox, quando

nemo potest operari. Quamdiu sum in mundo, lux sum mundi. Hæc cum dixisset, exiit in terram, & fecit lutum ex sputo, & liniuit lutum super oculos eius, & dixit ei: Vade, laua in natatoria Siloë (quod interpretatur Misus.) Abiit ergo, & lauit, & venit videns. Itaque vicini, & qui viderant eum prius quia mendicus erat, dicebant: Nonne hic est, qui sedebat, & mendicabat? Alij dicebant: Quia hic est. Alij autem: Nequaquam, sed similis est ei. Ille verò dicebat: Quia ego sum. Dicebant ergo ei: Quomodo aperti sunt tibi oculus? Respondit: Ille homo, qui dicitur Iesus, lutum fecit, & unxit oculos meos, & dixit mihi: Vade ad natatoria Siloë, & laua. Et abij, laui, & video. Et dixerunt ei: Vbi est ille? Ait: Nescio. Adducunt eum ad Phariseos, qui cæcus fuerat. Erat autem sabbatum, quando lutum fecit Iesus, & aperuit oculos eius. Iterum ergo interrogabant eum Pharisei quomodo vidisset. Ille autem dixit eis: Lutum mihi posuit super oculos, & laui, & video. Dicebant ergo ex Phariseis quidam: Non est hic homo à Deo, qui sabbatum non custodit. Alij autem dicebant: Quomodo potest homo peccator hæc signa facere? Et schisma erat inter eos. Dicunt ergo cæco iterum: Tu quid dicis de illo, qui aperuit oculos tuos? Ille autem dixit: Quia Propheta est. Non crediderunt ergo Iudæi

de illo, quia cæcus fuisset, & vidisset, donec vocauerunt parentes eius qui viderant: & interrogauerunt eos, dicentes: Hic est filius vester, quem vos dicitis quia cæcus natus est? Quomodo ergo nunc videt? Responderunt eis parentes eius, & dixerunt: Scimus quia hic est filius noster, & quia cæcus natus est: quomodo autem nunc videat, nescimus: aut quis eius aperuit oculos nos nescimus: ipsum interrogate: ætatem habet, ipse de se loquatur. Hæc dixerunt parentes eius, quoniam timebant Iudæos: iam enim conspirauerant Iudæi, ut si quis eum confiteretur esse Christum, extra synagogam fieret. Propterea parentes eius dixerunt: Quia ætatem habet, ipsum interrogate. Vocauerunt ergo rursus hominem, qui fuerat cæcus, & dixerunt ei: Da gloriam Deo. Nos scimus quia hic homo peccator est. Dixit ergo eis ille: Si peccator est, nescio: vnum scio, quia cæcus cum essem, modò video. Dixerunt ergo illi: Quid fecit tibi? quomodo aperuit tibi oculos? Respondit eis: Dixi vobis iam, & audistis: quid iterum vultis audire? numquid & vos vultis discipuli eius fieri? Maledixerunt ergo ei, & dixerunt: Tu discipulus illius sis: nos autem Moyse discipuli sumus. Nos scimus quia Moyse locutus est Deus: hunc autem nescimus unde sit. Respondit ille homo, & dixit eis: In hoc enim mirabile est quia vos nesci-

ris vnde sit, & aperuit meos oculos: scimus autem quia peccatores Deus non audit: sed si quis Dei cultor est, & voluntatem eius facit, hunc exaudit. A seculo non est auditum, quia quis aperuit oculos caeci nati. Nisi esset hic a Deo, non poterat facere quidquam. Respondérunt, & dixerunt ei: In peccatis natus es totus, & tu doces nos? Et eiecérunt eum foras. Audiuit Iesus quia eiecérunt eum foras, & cum inuenisset eum, dixit ei: Tu credis in Filium Dei? Respondit ille, & dixit: Quis est, Domine, ut credam in eum? Et dixit ei Iesus: Et vidisti eum, & qui loquitur tecum, ipse est. At ille ait: Credo Domine. \* Et proci dens adorauit eum.

**Offertorium.** Benedicite Gentes Dominum Deum nostrum, & obaudite vocem laudis eius: qui posuit animam meam ad vitam, & non dedit commoueri pedes meos: benedictus Dominus, qui non amouit deprecationem meam, & misericordiam suam a me.

Secreta.

**S**upplices te rogamus, omnipotens Deus: ut his sacrificiis peccata nostra mundentur, quia tunc veram nobis tribuis & mentis & corporis sanitatem. Per Dñm.

Aliae Secretae, ut in Dominica praecedenti. fol. 122.

**Communio.** Lutum fecit ex spiritu Dominus, & linuit oculos meos: & abij, & laui, & vidi, & credidi Deo.

Postcommunio.

**S**acramenta, quae sumpsimus, Domine Deus noster, & spiri-

tuálibus nos répleant aliméntis, & corporálibus tueántur auxiliis. Per Dóminum nostrum.

Aliae Postcommuniones, ut in Dominica praecedenti. fol. 122.

Super populum. O remus.

Humiliate capita vestra Deo.

Oratio.

**P**Ateant aures misericordiae tuae Domine precibus supplicantium: & ut petentibus desiderata concedas, fac eos quae tibi sunt placita postulare. Per Dominum nostrum.

**FERIA QUINTA.**

*Statio ad sanctum Siluestrum & Martinum.* Introitus.



**L**etetur cor querentium Dominum: quærite Dominum, & confirmamini: quærite faciem eius semper. **Psalmus.** Confitemini Domino, & inuocate nomen eius: annuntiate inter Gentes opera eius. **Y.** Gloria Patri.

Oratio.

**P**raesta quaesumus omnipotens Deus: ut quos ieiunia votiua castigant, ipsa quoque deuotio sancta lætificet; ut terrenis affectibus mitigatis, facilius caelestia capiamus. Per Dominum.

Aliae Orationes, ut in Dominica praecedenti. fol. 120.

Lectio libri Regum.

**I**N diebus illis: Venit mulier Sunamitis ad Elisæum in montem Carmeli. Cumque vidisset eam vir Dei eontra, ait ad Giezi puerum suum: Ecce Sunamitis illa. Vade ergo in occursum eius,

\* Hic genuflectitur. Psal. 65.

Psal. 104

Ibid.

4. Reg. 4. d.

& dicei: Rectè ne ágitur circa te, & circa virum tuum, & circa filium tuum? Quæ respóndit: Rectè. Cumque venisset ad virum Dei in montem, apprehéndit pedes eius: & accéssit Giézi vt amouèret eam. Et ait homo Dei: Dimitte illam: ánima enim eius in amaritúdine est, & Dóminus celáuit à me, & non indicáuit mihi. Quæ dixit illi: Numquid petiui filium à dómينو meo? numquid non dixi tibi: Ne illúdas me? Et ille ait ad Giézi: Accíngé lumbos tuos, & tolle báculum meum in manu tua, & vade. Si occurrerit tibi homo, non salútes eum: & si salutáuerit te quispiam, non respóndéas illi: & pones báculum meum super faciém púeri. Porrò mater púeri ait: Viuit Dóminus, & viuit ánima tua, non dimittam te. Surréxit ergo, & secútus est eam. Giézi autem præcésserat ante eos, & posúerat báculum super faciém púeri, & non erat vox, neque sensus: reuersúsque est in occúrsu eius, & nuntiáuit ei, dicens: Non surréxit puer. Ingréssus est ergo Eliséus domum, & ecce puer mórtuus iacébat in léctulo eius: ingrésúsque clausit óstium super se, & super púerum: & oráuit ad Dóminum. Et ascéndit, & incúbuit super púerum: posúitque os suum super os eius, & óculos suos super óculos eius, & manus suas super manus eius: & incuruáuit se super eum: & calefacta est caro púeri. At ille reuersus

deambuláuit in domo, semel huc atque illuc, & ascéndit, & incúbuit super eum: & oscitáuit puer sépties, aperúitque óculos. At ille vocáuit Giézi, & dixit ei: Voca Sunamítidem hanc. Quæ vocáta, ingréssa est ad eum. Qui ait: Tolle filium tuum. Venit illa, & corruuit ad pedes eius, & adoráuit super terram: tulitque filium suum, & egréssa est, & Eliséus reuersus est in Gálgala.

Graduale. Réspice Dómine in testaméntum tuum: & ánimas páuperum tuórum ne obliuiscáris in finem. *Ÿ.* Exúrge Dómine, iúdica causam tuam: memor esto oppróbrij seruórum tuórum.

S equéntia sancti Euangelij  
secúndum Lucam.

**I**N illo témpore: Ibat Iesus in ciuitátem, quæ vocátur Naim: & ibant cum eo discípuli eius, & turba copiósa. Cúm autem appropinquáret portæ ciuitátis, ecce defúnctus efferebátur filius únicus matris suæ: & hæc vídua erat: & turba ciuitátis multa cum illa. Quam cüm vidisset Dóminus, misericórdia motus super eam, dixit illi: Noli flere. Et accéssit, & tétigit lóculum. (Hi autem, qui portábant, steterunt.) Et ait: Adoléscens, tibi dico, surge. Et resédit qui erat mórtuus, & cœpit loqui. Et dedit illum matri suæ. Accêpit autem omnes timor: & magnificábant Deum, dicétes: Quia Prophéta magnus surréxit in nobis: & quia Deus visitáuit plebem suam.

Offertorium. D ómine ad adiuuándum me festína : confundántur omnes, qui cógitant seruis tuis mala.

Secreta.

**P** Vrífica nos miséricors Deus: vt Ecclesiæ tuæ preces, quæ tibi gratæ sunt, pia múnera deferéntes, fiant expíatis méntibus gratióres. Per Dóminum.

Alia Secreta, vt in Dominica præcedenti. fol. 122.

**C**ommunio. D ómine memorábor iustítia tuæ solíus : Deus docuísti me à iuuentúte mea : & vsque in senéctam & sénium, Deus ne derelínquas me. Postcommunio.

**C**æléstia dona capiéntibus, quæsumus Dómine, non ad iudícium proueníre patiáris, quæ fidélibus tuis ad remédium prouidísti. Per Dóminum.

Alia Postcommuniones, vt in Dominica præcedenti. fol. 122.

Super populum. O rëmus.

Humiliâte cápita vestra Deo. Oratio.

**P** Opuli tui Deus institútor & rector, peccáta, quibus impugnátur, expélle: vt semper tibi plácutus, & tuo munímine sit secúrus. Per Dóminum nostrum.

**F E R I A S E X T A.**

*Statio ad sanctum Eusebium.*

Introitus.



**M**editatio cordis mei in conspéctu tuo semper: Dómine adiutor meus, & redemptor meus. Psal-

mus. Cæli enarrant glóriam Dei: & ópera mánuum eius annúntiat firmaméntum. *Y.* Glória Patri.

Oratio.

**D** Eus, qui ineffabílibus mundum rénouas sacraméntis: præsta quæsumus, vt Ecclesiá tua & ætérnis proficiat institútis, & temporálibus non destituátur auxiliis. Per Dóminum nostrum.

Alia Orationes, vt in Domínica præcedenti. fol. 120.

L éctio libri Regum.

**I** N diébus illis: Ægrotáuit filius mulieris matris famílias, & erat languor fortíssimus, ita vt non remanêret in eo hálitus. Dixit ergo ad Eliám: Quid mihi & tibi vir Dei? Ingréssus es ad me, vt rememorarentur iniquitates meæ, & interficeres filium meum? Et ait ad eam Eliás: Da mihi filium tuum. Tulitque eum de sinu eius, & portáuit in cœnáculum vbi ipse manêbat, & pósuit super léctulum suum, & clamáuit ad Dóminum, & dixit: Dómine Deus meus, étiam ne víduam, apud quam ego utcúmque susténtor, afflixísti, vt interficeres filium eius? Et expándit se, atque mensus est super púerum tribus vícibus, & clamáuit ad Dóminum, & ait: Dómine Deus meus, reuertátur óbsecro ánima púeri huius in víscera eius. Et exaudiuit Dóminus vocem Eliæ: & reuérta est ánima púeri intra eum, & reuixit. Tulitque Eliás púerum, & depósuit eum de cœnáculo in inferiorem domum, & trádedit matri suæ, & ait illi: En viuit filius tuus. Dixitque múlier ad Eliám: Nunc

1. Reg 17 e

in isto cognoui, quoniam vir Dei es tu, & verbum Domini in ore tuo verum est.

*Psal.*  
*117.*  
Graduale. Bonum est confidere in Domino, quam confidere in homine. *Y.* Bonum est sperare in Domino, quam sperare in principibus.

*Psal.*  
*120.*  
Tractus. Domine, non secundum peccata nostra, quae fecimus nos, neque secundum iniquitates nostras retribuas nobis. *Y.* Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis. *Y.\** Adiuvata nos Deus salutaris noster: & propter gloriam nominis tui Domine libera nos, & propitius esto peccatis nostris propter nomen tuum.

*Psal.*  
*78.*  
Sequentia sancti Evangelij secundum Ioannem.

*Ioan.*  
*11.*  
**I**N illo tempore: Erat quidam languens Lazarus a Bethania, de castello Mariae, & Marthae sororis eius. ( Maria autem erat, quae vixit Dominum vnguento, & extersit pedes eius capillis suis: cuius frater Lazarus infirmabatur. ) Miserunt ergo sorores eius ad eum, dicentes: Domine, ecce quem amas infirmatur. Audiens autem Iesus, dixit eis: Infirmitas haec non est ad mortem, sed pro gloria Dei, ut glorificetur Filius Dei per eam. Diligebat autem Iesus Martham, & sororem eius Mariam, & Lazarum. Ut ergo audiuit quia infirmabatur, tunc quidem mansit in eodem loco duobus diebus. Deinde post haec dixit discipulis suis:

Eamus in Iudaeam iterum. Dicunt ei discipuli: Rabbi, nunc quaerebant te Iudaei lapidare, & iterum vadis illuc? Respondit Iesus: Nonne duodecim sunt horae diei? Si quis ambulaverit in die, non offendit, quia lucem huius mundi videt: si autem ambulaverit in nocte, offendit quia lux non est in eo. Haec ait, & post haec dixit eis: Lazarus amicus noster dormit: sed vado ut a somno excitem eum. Dixerunt ergo discipuli eius: Domine, si dormit, saluus erit. Dixerat autem Iesus de morte eius: illi autem putaverunt quia de dormitione somni diceret. Tunc ergo Iesus dixit eis manifeste: Lazarus mortuus est: & gaudeo propter vos, ut credatis, quoniam non eram ibi. Sed eamus ad eum. Dixit ergo Thomas, qui dicitur Didymus, ad discipulos: Eamus & nos, ut moriamur cum eo. Venit itaque Iesus, & invenit eum quatuor dies iam in monumento habentem. (Erat autem Bethania iuxta Ierosolymam quasi stadiis quindecim. ) Multi autem ex Iudaeis venerunt ad Martham & Mariam, ut consolarentur eas de fratre suo. Martha ergo ut audiuit quia Iesus venit, occurrit illi: Maria autem domi sedebat. Dixit ergo Martha ad Iesum: Domine, si fuisses hic, frater meus non fuisset mortuus: sed & nunc scio, quia quicumque poposceris a Deo, dabit tibi Deus. Dicit illi Iesus: Resurget frater tuus. Dicit ei Martha:

Scio quia resurget in resurrectione in nouissimo die. Dixit ei Iesus: Ego sum resurrectio, & vita: qui credit in me, etiam si mortuus fuerit, uiuet: & omnis, qui uiuit, & credit in me, non morietur in aeternum. Credis hoc? Ait illi: Vtique Domine, ego credidi, quia tu es Christus Filius Dei uiui, qui in hunc mundum uenisti. Et cum haec dixisset, abiit, & uocauit Mariam sororem suam silentio, dicens: Magister adest, & uocat te. Illa ut audiuit, surgit cito, & uenit ad eum: nondum enim uenerat Iesus in castellum: sed erat adhuc in illo loco, ubi occurrerat ei Martha. Iudaei ergo, qui erant cum ea in domo, & consolabantur eam, cum uidissent Mariam, quia cito surrexit & exiit, secuti sunt eam, dicentes: Quia uadit ad monumentum, ut ploret ibi. Maria ergo, cum uenisset ubi erat Iesus, uidens eum, cecidit ad pedes eius, & dicit ei: Domine, si fuisses hic, non esset mortuus frater meus. Iesus ergo, ut uidit eam plorantem, & Iudaeos, qui uenerant cum ea, plorantes, infremuit spiritu, & turbauit seipsum, & dixit: Vbi posuistis eum? Dicunt ei: Domine, ueni, & uide. Et lacrymatus est Iesus. Dixerunt ergo Iudaei. Ecce quomodo amabat eum. Quidam autem ex ipsis dixerunt: Non poterat hic, qui aperuit oculos caeci nati, facere ut hic non moreretur? Iesus ergo rursum fremens in semetipso, ue-

nit ad monumentum. Erat autem spelunca: & lapis superpositus erat ei. Ait Iesus: Tollite lapidem. Dicit ei Martha, soror eius qui mortuus fuerat: Domine, iam foetet, quatuoriduanus est enim. Dicit ei Iesus: Nonne dixi tibi, quoniam si crederis, uidebis gloriam Dei? Tulerunt ergo lapidem: Iesus autem, eleuatis sursum oculis, dixit: Pater gratias ago tibi quoniam audisti me. Ego autem sciebam quia semper me audis, sed propter populum, qui circumstat, dixi: ut credant quia tu me misisti. Haec cum dixisset, uoce magna clamauit: Lazare ueni foras. Et statim prodiiit qui fuerat mortuus, ligatus pedes & manus iustis, & facies illius sudario erat ligata. Dixit eis Iesus: Soluite eum, & sinite abire. Multi ergo ex Iudaeis, qui uenerant ad Mariam & Martham, & uiderant quae fecit Iesus, crediderunt in eum.

**Offertorium.** Populum humilem saluum facies Domine, & oculos superborum humiliabis: quoniam quis Deus praeter te, Domine?

**Secreta.**

**M** Vnera nos, Domine quaesumus, oblata purificent: & te nobis iugiter faciant esse placatum. Per Dominum nostrum.

*Alia Secreta, ut in Dominica praecedenti. fol. 122.*

**Communio.** Videns Dominus flentes sorores Lazari ad monumentum, lacrymatus est coram Iudaeis, & exclamauit: Lazare ueni foras: &

*Psal. 17.*

*Leu. 11.*

pródiit ligátis má nibus & pédibus, qui fúerat quatrídúanus mórtuus.

Postcommunio.

**H**Æc nos, quæsumus Dómine, participátio sacraménti & à própriis reátibus indefinénter expédiat, & ab ómnibus tueátur aduérsis. Per Dóminum.

Aliæ Postcommuniones, vt in Dominica præcedenti. fol. 122.

Super populum. O rēmus.

Humiliáte cápita vestra Deo.

Oratio.

**D**A nobis, quæsumus omnipotens Deus: vt qui infirmitátis nostræ cónscij, de tua virtúte confidimus, sub tua semper pietáte gaudeámus. Per Dñm.

## S A B B A T O.

Statio ad S. Nicolaum in carcere.

Introitus.

**I**tiéntes veníte ad aquas, dicit Dóminus: & qui non habētis prétium, veníte, & bibite cum lætítia. Psalmus. A téndite pópule meus legem meam: inclináte aurem vestram in verba oris mei. *ŷ.* Glória Patri.

Oratio.

**F**Iat, Dómine quæsumus, per grátiam tuam fructuósus nostræ deuotiõnis affectus: quia tunc nobis próderunt suscepta ieiúnia, si tuæ sint plácita pietáti. Per Dóminum nostrum.

Aliæ Orationes, vt in Dominica præcedenti. fol. 120.

Léctio Isaíæ Prophétæ.

**H**Æc dicit Dóminus: In tēpore plácito exaudiui te, &

in die salútis auxiliátus sum tui: & seruáui te, & dedi te in fœdus pópuli, vt suscitáres terram, & possidères hereditátes dissipátas: vt díceres his qui vincti sunt: Exíte: & his qui in ténébris: Reuelámini. Super vias pascéntur, & in ómnibus planis pascua eórum. Non esúrient, neque sitient, & non percútiét eos æstus & sol: quia miserátor eórum reget eos, & ad fontes aquárum potábit eos. Et ponam omnes montes meos in viam, & sémitæ meæ exaltábuntur. Ecce isti de longè venient, & ecce illi ab Aquilõne & mari, & isti de terra Austráli. Laudáte cæli, & exúlta terra, iubiláte montes laudem: quia consolátus est Dóminus pópulum suum, & páuperum suórum miserébitur. Et dixit Sion: Derelíquit me Dóminus, & Dóminus oblítus est mei. Numquid obliuísce potest múlier infantern suum, vt non miseréatur filio úteri sui? Et si illa oblíta fúerit, ego tamen non obliuísce tui, dicit Dóminus omnipotens.

Graduale. Tibi Dómine derelíctus est pauper: pupíllo tu eris adiutor. *ŷ.* Vt quid Dómine recessísti longè, déspicis in opportunitátibus, in tribulatione? dum superbit impius, incénditur pauper.

Sequéntia sancti Euangélij secundùm Ioánnem.

**I**N illo tēpore: Locútus est Iesus turbis Iudæórum, dicens: Ego sum lux mundi: qui séquitur me, non ámbulat in ténébris, sed

habébit



habēbit lumen vitæ. Dixērunt ergo ei Pharifæi: Tu de te ipso testimoniū perhibes: testimoniū tuum non est verū. Rēspōdit Iesus, & dixit eis: Et si ego testimoniū perhibeo de me ipso, verum est testimoniū meum: quia scio vnde veni, & quō vado: vos autem nescitis vnde veniō, aut quō vado. Vos secūndū carnem iudicatis: ego non iudico quemquam: & si iudico ego, iudiciū meum verum est, quia solus non sum: sed ego, & qui misit me, Pater. Et in lege vestra scriptum est, quia duōrum hōminū testimoniū verum est. Ego sum, qui testimoniū perhibeo de me ipso: & testimoniū perhibet de me, qui misit me, Pater. Dicēbant ergo ei: Vbi est Pater tuus? Rēspōdit Iesus: Neque me scitis, neque Patrem meum: si me scirētis, forsitan & Patrem meum scirētis. Hæc verba locūtus est Iesus in gazo-phylacio, docens in templo, & nemo apprehēdit eum, quia necdum vēnerat hora eius.

*Offertorium.* Factus est Dōminus firmamētum meum, & refūgium meum, & liberātor meus: & sperābo in eum.

*Secreta.*

**O**blationibus nostris, quæsumus Dōmine, placāre susceptis: & ad te nostras etiā rebelles compelle propitiū voluntates. Per Dōminum nostrum.

*Aliæ Secretæ, vt in Dominica præcedenti. fol. 122.*

*Communio.* Dōminus regit me, & nihil mihi dēerit: in loco pascuæ ibi

me collocāuit: super aquam refectiōnis educāuit me. *Postcommunio.*

**T**Va nos, quæsumus Dōmine, sancta purificent: & operatiōne sua tibi placitos esse perficiant. Per Dōminum nostrum.

*Aliæ Postcommuniones, vt in Dominica præcedenti. fol. 122.*

*Super populum. O rēmus.*

*Humiliāte cāpita vestra Deo.*

*Oratio.*

**D**eus, qui sperantibus in te misereri potius eligis, quā irasci: da nobis dignè flere mala quæ fecimus, vt tuæ consolatiōnis grātiā inuenire mereāmur. Per Dōminum nostrum.

*Ante Vesperas cooperiuntur Cruces & Imagines.*

Ab hac die vsque ad Sabbatum sanctum exclusiue non dicitur Psalm. I iudica me, ante Confessionem: neque Gloria Patri, ad Lauabo.

**D O M I N I C A**

de Passione.

*Statio ad S. Petrum. Introitus.*



**I**udica me Deus, & discerne causam meam de gente non sancta: ab hōmine iniquo & doloso eripe me, quia tu es Deus meus, & fortitudo mea. Psalm. E mitte lucem tuam, & veritatem tuam: ipsa me deduxerunt, & adduxerunt in montem sanctum tuum, & in tabernacula tua. I iudica.

Non dicitur, Gloria Patri, ad Introitum vsque ad Pascha, nisi in Missa de Festo, si occurrerit: sed finito Psalmo, absolutè repetitur Introitus vsque ad Psalmum.

*Psal. 17.*

*Psal. 42.*

*ib.*

*Psal. 122.*

**Q**uæsumus omnipotens Deus, familiam tuam propitius respice: vt te largiente, regatur in corpore; & te seruante, custodiatur in mente. Per Dóminum nostrum Iesum Christum.

Ab hac die vsque ad Feriam v. in Cœna Domini, post Orationem diei dicitur, vel contra persecutores Ecclesiæ.

Oratio.

**E**cclésiæ tuæ, quæsumus Dómine, preces placatus admittite: vt destrúctis aduersitatibus & erroribus vniuersis, secúra tibi seruiat libertate. Per Dóminum nostrum Iesum Christum Filium tuum: Qui tecum viuit & regnat.

Vel pro Papa. Oratio.

**D**eus ómnium fidélium pastor & rector, famulum tuum N. quem pastórem Ecclesiæ tuæ præesse voluisti, propitius respice: da ei, quæsumus, verbo & exemplo, quibus præest, proficere; vt ad vitam, vnà cum grege sibi crédito, peruéniat sempiternam. Per Dóminum nostrum.

Non dicitur tertia Oratio.

**L**ectio Epístolæ beati Pauli Apóstoli ad Hebræos.

**F**ratres: Christus assístens Pontifex futurórum bonórum, per amplius & perfectius tabernaculum non manufactum, id est, non huius creatiõnis; neque per sanguinem hircórum, aut vitulórum, sed per próprium sanguinem introiuit semel in Sancta, æterna redemptione inuenta. Si enim san-

guis hircórum & taurórum, & cinis vitulæ aspersione, inquinatos sanctificat ad emundationem carnis: quantò magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis, ad seruiendum Deo viuenti? & ideò noui Testaméti mediátor est: vt morte intercedente, in redemptionem earum prauaricationum, quæ erant sub priori testaméto, repromissionem accipiant qui vocati sunt æternæ hereditatis: in Christo Iesu Dómino nostro.

**Graduale.** Eripe me Dómine de inimicis meis: doce me facere voluntatem tuam. **Y.** Liberátor meus Dómine de gentibus iracundis: ab insurgentibus in me exaltabis me: à viro iniquo eripies me.

**Tractus.** Sæpè expugnauerunt me à iuuentute mea. **Y.** Dicat nunc Israël: Sæpè expugnauerunt me à iuuentute mea. **Y.** Etenim non potuerunt mihi: supra dorsum meum fabricauerunt peccatores. **Y.** Prolongauerunt iniquitates suas: Dóminus iustus concidet ceruices peccatórum.

Sequéntia sancti Euangélii secundum Ioánnem.

**I**n illo tempore: Dicébat Iesus turbis Iudæórum: Quis ex vobis arguet me de peccato? Si veritatem dico vobis, quare non creditis mihi? Qui ex Deo est, verba Dei audit. Propterea vos non auditis, quia ex Deo non estis. Respondérunt ergo Iudæi, & di-

xérunt

xérunt ei: Nonne benè dicimus nos, quia Samaritânus es tu, & dæmónium habes? Rêspóndit Iesus: Ego dæmónium non hábeo: sed honorífico Patrem meum, & vos inhonorástis me. Ego autem non quæro glóriam meam: est qui quærat, & iudicet. Amen, amen dico vobis: si quis sermônem meum seruauerit, mortem non vidêbit in ætérnum. Dixérunt ergo Iudæi: Nunc cognóuimus quia dæmónium habes. Abraham mórtuus est, & Prophætæ: & tu dicis: Si quis sermônem meum seruauerit, non gustâbit mortem in ætérnum. Numquid tu maior es patre nostro Abraham, qui mórtuus est? & Prophætæ mórtui sunt. Quem teípsum facis? Rêspóndit Iesus: Si ego glorífico meípsum, glória mea nihil est: est Pater meus, qui glorificat me, quem vos dicitis quia Deus vester est, & non cognouístis eum: ego autem noui eum: Et si dixeró quia non scio eum, ero símilis vobis, mendax. Sed scio eum, & sermônem eius seruo. Abraham pater vester exultâuit vt vidêret diem meum: vidit, & gauísus est. Dixérunt ergo Iudæi ad eum: Quinquaginta annos nondum habes, & Abraham vidísti? Dixit eis Iesus: Amen, amen dico vobis, antequam Abraham fieret, ego sum. Tulérunt ergo lápides, vt iácerent in eum: Iesus autem abscondit se, & exiuit de templo. Credo.

*Offertorium.* Confitébor tibi Dómine in toto corde meo: retribue ser-

uo tuo, viuam, & custódiam sermónes tuos: viuífica me secúndum verbum tuum Dómine. *Secreta.*

**H**Æc múnera, quæsumus Dómine, & víncula nostræ prauitátis absoluant, & tuæ nobis misericórdiæ dona concílient. Per Dóminum nostrum.

*Altera Secreta, vel contra persecutores Ecclesiæ.*

**P**Rótege nos, Dómine, tuis mystériis seruiéntes: vt diuinis rebus inhæréntes, & corpore tibi famulémur, & mente. Per Dóminum nostrum.

*Vel pro Papa.*

**O**blatis, quæsumus Dómine, placâre munéribus: & famulum tuum N. quem pastórem Ecclesiæ tuæ præesse voluísti, assídua protectiône gubérna. Per Dóminum nostrum.

*Præfatio de Cruce, quæ dicitur quotidie vsque ad Feriam v. in Cœna Dómini, etiam in Missa de Festo, nisi propriam habuerit.*

*Communio.* Hoc corpus, quod pro vobis tradêtur: hic calix noui Testaménti est in meo sânguine, dicit Dóminus: hoc fácite, quotiescúmque sumitis in meam commemoratiónem.

*Postcommunio.*

**A**Desto nobis Dómine Deus noster: & quos tuis mystériis recreásti, perpétuis defénde subsidiis. Per Dóminum.

*Altera Postcommunio, vel contra persecutores Ecclesiæ.*

**Q**uæsumus Dómine Deus noster: vt quos diuina tribuis participatióne gaudere, hu-

mánis non finas subiacére periculis. Per Dóminum nostrum.

Vel pro Papa.

**H**Æc nos, quæsumus Dómine, diuini sacraménti perceptio próteget: & famulum tuum N. quem pastórem Ecclesiæ tuæ præesse voluísti, vnà cum commisso sibi grege, saluet semper & múniat. Per Dóminum.

FERIA SECUNDA.

Statio ad S. Chryzogonum.

Introitus.

**M**iserere mihi Dómine, quóniam conculcáuit me homo: tota die bellans tribuláuit me. *Psalm.* Conculcauerunt me inimíci mei tota die: quóniam multi bellantes aduersum me. *M.* miserere mihi. *Oratio.*

**S**anctífica, quæsumus Dómine, nostra ieiúnia: & cunctárum nobis indulgéntiam propítius largíre culpárum. Per Dñm.

Postea Oratio. Ecclesiæ, vel Deus ómnium. vt suprà in Dominica Passionis. fol. 136.

Lectio Ionæ Prophætæ.

**I**N diébus illis: Factum est verbum Dómini ad Ionam Prophétam secúndò, dicens: Surge, & vade in Nínuien ciuitátem magnam: & prædica in ea prædicationem, quam ego loquor ad te. Et surréxit Ionas, & abiit in Nínuien iuxta verbum Dómini. Et Nínue erat ciuitas magna itinere trium diérum. Et cœpit Ionas introíre in ciuitátem itinere diéi vnus: & clamáuit, & dixit: Ad-

huc quadragínta dies, & Nínue subuertétur. Et crediderunt viri Nínuiatæ in Deum: & prædicauerunt ieiúnum, & vestiti sunt facis à maióre vsque ad minórem. Et peruénit verbum ad Regem Nínue: & surréxit desólio suo, & abiêcit vestiméntum suum à se, & indútus est sacco, & sedit in cinere. Et clamáuit, & dixit in Nínue ex ore Regis, & princípum eius, dicens: Hómnes, & iumentá, & boues, & pécora non gustent quidquam: nec pascántur, & aquam non bibant. Et operiántur saccis hómnes, & iumentá, & clament ad Dóminum in fortitúdine, & conuertátur vir à via sua mala, & ab iniquitatē, quæ est in máribus eórum. Quis scit si conuertátur & ignóscat Deus: & reuertátur à furóre iræ suæ, & non períbimus? Et vidit Deus ópera eórum, quia conuersi sunt de via sua mala: & misértus est pópulo suo Dóminus Deus noster.

*Graduale.* Deus exáudi orationem meam: áuribus pécipe verba oris mei. *Y.* Deus in nómine tuo saluum me fac: & in virtúte tua libera me.

*Tractus.* Dómine, non secúndum peccáta nostra, quæ fecimus nos, neque secúndum iniquitates nostras retríbuas nobis. *Y.* Dómine, ne memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. *Y.* \* Adiuua nos Deus salutáris noster: & propter glóriam nóminis tui Dómine libera nos: & propítius esto peccátis nostris propter nomen tuum.

Sequén-

Sequētia sancti Euangēlij  
secūndūm Ioānnem.

**I**n illo tēpore: Misērunt prīncipes & Pharisæi ministros, vt apprehēderent Iesum. Dixit ergo eis Iesus: Adhuc mōdicum tempus vobiscum sum: & vado ad eum, qui me misit. Quærētis me, & non inueniētis: & vbi ego sum, vos non potēstis venīre. Dixerunt ergo Iudæi ad semetipsos: Quò hic itūrus est, quia non inueniēmus eum? numquid in dispersiōnem Gēntium itūrus est, & doctūrus Gentes? Quis est hic sermō quem dixit: Quærētis me, & non inueniētis: & vbi sum ego, vos non potēstis venīre? In nouissimo autem die magno festiuitatis stabat Iesus, & clamābat, dicens: Si quis sitit, veniat ad me, & bibat. Qui credit in me, sicut dicit Scriptūra, flūmina de ventre eius fluent aquæ viuæ. Hoc autem dixit de Spīritu, quem acceptūri erant credētes in eum.

**Offertorium** D ómine conuētere, & eripe animam meam: saluum me fac propter misericórdiam tuam.

**Secreta.**

**C**oncēde nobis, Dómine Deus noster: vt hæc hóstia salutāris, & nostrōrum fiat purgatio delictōrum, & tuæ propitiatio maiestātis. Per Dóminum.

**Altera Secreta, vel P rótege. vel Oblātis. fol. 137.**

**Communio.** D óminus virtūtum ipse est Rex glóriæ. **Postcommunio.**

**S**acramēti tui, quæsumus Dómine, participatio salutāris &

purificatiōnem nobis tríbuat, & medēlam. Per Dóminum.

**Altera Postcommunio, vel Quæsumus Dómine. vel H æc nos, quæsumus. fol. 137.**

**Super populum.** O rēmus. Humiliāte cápita vestra Deo. **Oratio.**

**D**A, quæsumus Dómine,ópulo tuo salūtem mentis & corpōris: vt bonis opēribus inhærendo, tua semper mēreatur protectiōne defēdi. Per Dóminum.

**FERIA TERTIA.**

*Statio ad Sanctum Cyriacum.*

**Introitus.**



**E**xpēcta Dóminum, viriliter age, & confortētur cor tuum, & sústine Dóminum. **Psal. D óminus**

illuminatio mea, & salus mea: quem timēbo? **E xpēcta Dóminum.**

**Oratio.**

**N**ostra tibi, Dómine quæsumus, sint accēpta ieiūnia: quæ nos & expiādo, grátia tua dignos efficiant; & ad remédia perducant ætérna. Per Dñm.

**Altera Oratio, vel E cclésiæ tuæ. vel Deus omnium fidélium. fol. 136.**

**L éctio Daniēlis Prophēta.**

**I**n diēbus illis: Congregāti sunt Babylónij ad regem, & dixerunt ei: Trade nobis Daniēlem, qui Bel destrúxit, & dracōnem interfecit, alióquin interficiēmus te, & domum tuam. Vidit ergo rex quòd irrúerent in eum vehementer: & necessitāte compūsus tradidit eis Daniēlem. Qui miserunt eum in lacum leōnum,

& erat ibi diēbus sex. Porrò in lacu erant leões septem, & dabāntur eis duo cōpōra quotīdie, & duæ oues: & tunc non data sunt eis, vt deuorārent Daniēlem. Erat autem Hábacuc Prophēta in Iudæa, & ipse cōxerat pulmētum, & intriuerat panes in aluēolo: & ibat in campum vt ferret mēsōribus. Dixitque Angelus Dómini ad Hábacuc: Fer prándium, quod habes, in Babylōnem Daniéli, qui est in lacu leōnum. Et dixit Hábacuc: Dómine, Babylōnem non vidi, & lacum nēscio. Et apprehēdit eum Angelus Dómini in vértice eius, & portāuit eum capillo cápitis sui, posuítque eum in Babylōne supra lacum in ímpetu spíritus sui. Et clamāuit Hábacuc, dicens: Dániel ferue Dei, tolle prándium, quod misit tibi Deus. Et ait Dániel: Recordātus es mei Deus, & non dereliquísti diligētes te. Surgēnsque Dániel comēdit. Porrò Angelus Dómini restituit Hábacuc confestim in loco suo. Venit ergo rex die sēptimo, vt lugēret Daniēlem: & venit ad lacum, & introspēxit, & ecce Dániel sedens in médio leōnum. Et exclamāuit voce magna rex, dicens: Magnus es Dómine Deus Daniélis. Et extráxit eum de lacu leōnum. Porrò illos, qui perditiónis eius causa fúerant, intromísit in lacum, & deuorāti sunt in momēto coram eo. Tunc rex ait: Páueant ómnes habitāntes in vniuersa terra Deum Daniélis: quia ipse est

Saluātor, faciēns signa & mirabilia in terra: qui liberāuit Daniēlem de lacu leōnum.

Graduale. Discérne causam meam <sup>Psal. 41.</sup> Dómine: ab hómīne iníquo & doloso éripe me. *ŷ.* Emitte lucem tuam, & veritātem tuam: ipsa me deduxerunt, & adduxerunt in montem sanctum tuum.

Sequētia sancti Euangélīj secundūm Ioānnem.

**I**N illo tēpore: Ambulābat <sup>Ioan. 7.</sup> Iesus in Galilæam; non enim volēbat in Iudæam ambulāre, quia quærēbant eum Iudæi interficere. Erat autem in próximo dies festus Iudæōrum, Scenopégia. Dixērunt autem ad eum frātres eius: Transi hinc, & vade in Iudæam, vt & discipuli tui videant ópera tua, quæ facis. Nemo quippe in occulto quid facit, & quærīt ipse in palām esse: si hæc facis, manifestā teípsum mundo. Neque enim frātres eius credēbant in eum. Dicit ergo eis Iesus: Tempus meum nondum aduēnit: tempus autem vestrum semper est parātum. Non potest mundus odisse vos: me autem odit: quia ego testimónium perhibeo de illo quòd ópera eius mala sunt. Vos ascēdite ad diem festum huñc: ego autem non ascēdo ad diem festum istum: quia meum tempus nondum implētum est. Hæc cū dixisset, ipse mansit in Galilæa. Vt autem ascēderunt frātres eius, tunc & ipse ascēdit ad diem festum non manifestè, sed quasi

FERIA QVARTA.

Statio ad S. Marcellum.

Introitus.



**L**iberator meus de gentibus iracundis : ab insurgentibus in me exaltabis me : à viro iniquo eripies me Domine. Psalmus. Diligam te Domine virtus mea : Dominus firmamentum meum, & refugium meum, & liberator meus. Liberator. Oratio.

Psal. 17.

ibid.

**S**anctificatio hoc ieiunio, Deus, tuorum corda fidelium misericorditer illustra : & quibus deuotionis prestat affectum, prebe supplicantiibus pius benignus auditum. Per Dominum nostrum.

Altera Oratio, vel Ecclesie tue. Deus omnium fidelium. fol. 136.

Lectio libri Leuitici.

**I**n diebus illis : Locutus est Dominus ad Moysen, dicens : Loquere ad omnem cœtum filiorum Israël, & dices ad eos : Ego Dominus Deus vester. Non faciētis furtum. Non mentiēmini, nec decipiet vnusquisque proximum suum. Non periurabis in nomine meo, nec pollues nomen Dei tui. Ego Dominus. Non facies calūniam proximo tuo : nec vi opprimes eum. Non morabitur opus mercenarij tui apud te vsque manē. Non maledices surdo, nec coram cæco pones offendiculum : sed timēbis Dominum Deum tuum, quia ego sum Dominus. Non facies quod iniquum est, nec iniuste iudicabis. Non consideres personam pauperis, nec honores vultum potentis.

Leu. 19.

in occulto. Iudæi ergo quærebant eum in die festo, & dicebant: Vbi est ille? Et murmur multum erat in turba de eo. Quidam enim dicebant: Quia bonus est. Alij autem dicebant: Non, sed seducit turbas. Nemo tamen palam loquebatur de illo, propter metum Iudeorum.

Pf. 9.

**O**ffertorium. Sperent in te omnes, qui nouerunt nomen tuum Domine: quoniam non derelinquis quærentes te : psallite Domino, qui habitat in Sion : quoniam non est oblitus orationes pauperum.

Secreta.

**H**ostias tibi, Domine, deferimus immolandas, quæ temporalem consolationem significant: vt promissa non desperemus æterna. Per Dominum.

Altera Secreta, vel Protege nos. Oblatis, quæsumus. fol. 137.

Pfal. 14.

**C**ommunio. Redime me, Deus Israël, ex omnibus angustiis meis.

Postcommunio.

**D**A quæsumus omnipotens Deus : vt, quæ diuina sunt, iugiter exequentes, donis mereamur cælestibus propinquare. Per Dominum nostrum.

Altera Postcommunio, vel Quæsumus Domine, vel Hæc nos, quæsumus. fol. 137.

Super populum. Oremus.

Humiliate capita vestra Deo. Oratio.

**D**A nobis, quæsumus Domine, perseverantem in tua voluntate famulatum : vt in diebus nostris, & merito & numero, populus tibi seruiens augeatur. Per Dominum nostrum.

iustè iúdica próximo tuo. Non eris criminâtor, nec susúrro in pópulo. Non stabis contra sanguinem próximi tui. Ego Dóminus. Non óderis fratrem tuum in corde tuo, sed públicè árgue eum, ne hábeas super illo peccátum. Non quæras vltiõnem, nec memor eris iniúriæ ciuium tuõrum. DÍliges amicum tuum sicut teípsum. Ego Dóminus. Leges meas custodíte. Ego enim sum Dóminus Deus vester.

*ca. 9* **Graduale.** Exaltábo te Dómine quóniam suscepísti me: nec delectásti inimicos meos super me. *ps.* Dómine Deus meus clamáui ad te, & sanásti me: Dómine, abstraxísti ab ínferis animam meam, saluásti me à descendéntibus in lacum.

*sal. o. 1.* **Tractus.** Dómine, non secúndum peccáta nostra, quæ fecimus nos, neque secúndum iniquitátes nostras retríbuas nobis. *ps.* Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

*sal. 8.* *Hic enu. cti. ur.* *ps.* \* Aduua nos Deus salutáris noster: & propter glóriam nóminis tui Dómine líbera nos, & propítius esto peccátis nostris propter nomen tuum.

Sequéntia sancti Euangélij

secúndum Ioánnem.

*cap. o. d.* **I**N illo témpore: Facta sunt Encænía in Ierosolýmís: & hiems erat. Et ambulábat Iesus in templo, in pórticu Salomónis. Circumdedérunt ergo eum Iudæi, & dicébant ei: Quoúsque animam nostram tollis? si tu es Christus, dic nobis palàm. Re-

spondit eis Iesus: Loquor vobis, & non créditis. Opera, quæ ego facio in nómine Patris mei, hæc testimónium pèrhíbent de me. Sed vos non créditis; quia non estis ex óuib; meis. Oues meæ vocem meam áudiunt: & ego cognóscó eas, & sequúntur me: & ego vitam ætérnam do eis: & non períbunt in ætérnum, & non rápiet eas quisquam de manu mea. Pater meus quod dedit mihi, maius ómnibus est: & nemo potest rápere de manu Patris mei. Ego & Pater vnum sumus. Sustulérunt ergo lápides Iudæi, vt lapidárent eum. Respondit eis Iesus: Multa bona ópera osténdi vobis ex Patre meo, propter quod eórum opus me lapidátis? Responderunt ei Iudæi: De bono ópere non lapidámus te, sed de blasphemía: & quia tu, homo cum sis, facis teípsum Deum. Respondit eis Iesus: Nónne scriptum est in lege vestra: quia Ego dixi, dij estis? Si illos dixit deos, ad quos sermo Dei factus est, & non potest solui Scriptúra: quem Pater sanctificáuit, & misit in mundum, vos dicitis: Quia blasphemás: quia dixi, Fílius Dei sum? Si non facio ópera Patris mei, nolíte credere mihi. Si autem facio: & si mihi non vultis credere, opéribus crédate, vt cognoscátis, & credátis quia Pater in me est, & ego in Patre.

*sal. 8.* **Offertorium.** Eripe me de inimicis meis Deus meus: & ab insurgéntibus in me líbera me Dómine.



**A** Nnue misericors Deus: vt hóstias placatiónis & laudis sincéro tibi deferámus obséquo. Per Dominum nostrum.

Altera Secreta, vel P rótege nos. vel O blátis. fol. 137.

**C**ommunio. L auábo inter innocétes manus meas, & circuíbo altáre tuum Dómine: vt áudiam vocem laudis tuæ, & enárrem vniúersa mirabilia tua. Postcommunio.

**C**Æléstis doni benedictiône percépta, súpplices te Deus omnipotens deprecámur: vt hoc idem nobis & sacraménti causa sit & salútis. Per Dóminum.

Altera Postcommunio, vel Q uæsumus Dómine. vel H æc nos quæsumus. fol. 137.

Super populum. O rêmus. Humiliáte cápita vestra Deo. Oratio.

**A** Désto supplicatióibus nostris ómnipotens Deus: & quibus fidúciam sperándæ pietátis indúlges, consuétæ misericórdiæ tríbue benignus effectum. Per Dóminum nostrum.

## F E R I A Q V I N T A .

*Statio ad S. Apollinarem.*

Introitus.

**M**nia, quæ fecisti nobis Dómine, in vero iudicio fecisti: quia peccáuimus tibi, & mandátis tuis non obediuimus: sed da glóriam nómini tuo, & fac nobíscum secúndum multitudinem misericórdiæ tuæ. Psal. B eáti immaculáti in via: qui ámbulant in lege Dómini. O mnia, quæ fecisti.

**P** Ræsta quæsumus omnipotens Deus: vt dignitas conditiónis humanæ per immoderántiam sauciáta, medicinális parsimóniæ stúdio reformêtur. Per Dóminum nostrum.

Altera Oratio, vel E cclésiæ tuæ. vel D eus ómnium fidélium. fol. 136.

L éctio Daniélis Prophétæ.

**I** N diébus illis: Oráuit Azarías Dóminum, dicens: Dómine Deus noster: ne, quæsumus, tradas nos in perpétuum propter nomen tuum, & ne dissipes testaméntum tuum: neque áuferas misericórdiam tuam a nobis, propter Abraham diléctum tuum, & Isaac feruum tuum, & Israël sanctum tuum: quibus locútuses, pollicens quòd multiplicáres semen eórum sicut stellas cæli, & sicut arénam quæ est in líttore maris: quia Dómine imminúti sumus plus quàm omnes gentes, sumúsque húmiles in vniúersa terra hódie propter peccáta nostra. Et non est in tempore hoc princeps, & dux, & Prophéta, neque holocástum, neque sacrificium, neque oblátio, neque incénsus, neque locus primitiárum coram te, vt possímus inueníre misericórdiam tuam: sed in ánimo contríto, & spírítu humilitátis suscipiámur. Sicut in holocáusto arietum, & taurórum, & sicut in millibus agnórum pínguium: sic fiat sacrificium nostrum in conspéctu tuo hódie, vt pláceat tibi: quóniam non est confúsió confidentibus

in te. Et nunc sequimur te in toto corde, & timemus te, & querimus faciem tuam. Ne confundas nos: sed fac nobiscum iuxta mansuetudinem tuam, & secundum multitudinem misericordiae tuae. Et erue nos in mirabilibus tuis: & da gloriam nomini tuo Domine: & confundantur omnes, qui ostendunt seruis tuis mala, confundantur in omnipotentia tua, & robur eorum coneratur: & sciant quia tu es Dominus Deus solus, & gloriosus super orbem terrarum, Domine Deus noster.

*sal. 5.*  
*sal. 8.*  
Graduale. Tollite hostias, & introite in atria eius: adorare Dominum in aula sancta eius. *ps.* Reuelabit Dominus condensa: & in templo eius omnes dicent gloriam.

Sequentia sancti Evangelij  
secundum Lucam.

*uca f*  
**I**N illo tempore: Rogabat Iesum quidam de Phariseis, ut manducaret cum illo. Et ingressus domum Pharisei, discubuit. Et ecce mulier, quae erat in ciuitate peccatrix, ut cognouit quod accubisset in domo Pharisei, attulit alabastrum unguenti: & stans retrò secus pedes eius, lacrymis coepit rigare pedes eius, & capillis capitis sui tergēbat, & osculabatur pedes eius, & unguento ungebatur. Videns autem Phariseus, qui vocauerat eum, ait intra se, dicens: Hic si esset Propheta, sciret utique, quae & qualis est mulier, quae tangit eum: quia peccatrix est. Et respondens Iesus, dixit ad illum: Simon, habeo tibi aliquid dicere.

At ille ait: Magister, dic. Duo debitorum erant cuiusdam foeneratori: vnus debēbat denarios quingentos, & alius quinquaginta. Non habentibus illis vnde redderent, donauit vtrisque. Quis ergo eum plus diligit? Respondens Simon, dixit: Aestimo quia is, cui plus donauit. At ille dixit ei: Rectè iudicasti. Et conuersus ad mulierem, dixit Simoni: Vides hanc mulierem? Intraui in domum tuam, aquam pedibus meis non dedisti: haec autem lacrymis rigauit pedes meos, & capillis suis terxit. Osculum mihi non dedisti: haec autem, ex quo intrauit, non cessauit osculari pedes meos. Oleo caput meum non unxisti: haec autem unguento unxit pedes meos. Propter quod dico tibi: Remittuntur ei peccata multa, quoniam dilexit multum. Cui autem minus dimittitur, minus diligit. Dixit autem ad illam: Remittuntur tibi peccata. Et coeperunt, qui simul accumbēbant, dicere intra se: Quis est hic, qui etiam peccata dimittit? Dixit autem ad mulierem: Fides tua te saluam fecit: vade in pace.

*psal. 136.*  
Offertorium. Super flumina Babylonis illic sedimus, & fleuimus, dum recordarēmur tui Sion. *Secreta.*

**D**omine Deus noster, qui in his potius creaturis, quas ad fragilitatis nostrae subsidium condidisti, tuo quoque nomini munera iussisti dicanda constitui: tribue quaesumus; ut & vitae nobis praesentis auxilium, &

æternitatis efficiant sacramen-  
tum. Per Dóminum.

Altera Secreta, vel P rótege. vel  
O blátis, quæsumus. fol. 137.

Communio. M eménto verbi tui  
seruo tuo Dómine, in quo mihi spem  
dedísti: hæc me consoláta est in humi-  
litáte mea.

Postcommunio.

**Q**uod ore sumpsimus Dómi-  
ne, pura mente capiámus: &  
de múnere temporáli, fiat nobis  
remédium sempiternum. Per Dó-  
minum nostrum.

Altera Postcommunio, vel **Q**uæ-  
sumus Dómine. vel **H**æc nos, quæsu-  
mus. fol. 137.

Super populum. **O** rémus.  
Humiliáte cápita vestra Deo. Oratio.

**E**sto, quæsumus Dómine, pro-  
pítius plebi tuæ: vt, quæ tibi  
non placent, respuéntes; tuórum  
pótiùs repléantur delectatióibus  
mandatórum. Per Dóminum.

**F E R I A S E X T A.**  
*Statio ad sanctum Stephanum in  
Cælio monte.* Introitus.

**M**iserere mihi Dómine, quón-  
iam tribulor: libera me,  
& éripe me de má nibus  
inimicórum meórum, &  
à persequéntibus me: Dómine non con-  
fundar, quóniam inuocáui te. Psal. In  
te Dómine speráui, non confundar in  
ætérnum: in iustitia tua libera me.

Miserere mihi. Oratio.

**C**ordibus nostris, quæsumus  
Dómine, grátiam tuam be-  
nígnum infunde: vt peccáta nostra  
castigatióne voluntária cohibén-

tes, temporáliter pótiùs maceré-  
mur, quàm supplicijs deputémur  
ætérnis. Per Dóminum nostrum.

Altera Oratio, vel Ecclesiæ tuæ.  
vel Deus ómnium fidélium. fol. 136.

L éctio Ieremiæ Prophætæ.

**I**n diébus illis: Dixit Ieremias:  
Dómine, omnes qui te dere-  
linquunt, confundéntur: recedén-  
tes à te, in terra scribéntur: quón-  
iam dereliquerunt venam aquâ-  
rum viuéntium Dóminum. Sana  
me Dómine, & sanabor: saluum  
me fac, & saluus ero: quóniam  
laus mea tu es. Ecce ipsi dicunt  
ad me: Vbi est verbum Dómini?  
Véniat. Et ego non sum turbátus,  
te pastórem séquens: & diem  
hóminis non desideráui, tu scis.  
Quod egréssum est de lábiis meis,  
rectum in conspéctu tuo fuit. Non  
sis tu mihi formídini, spes mea tu  
in die afflictiónis. Confundántur  
qui me persequúntur, & non con-  
fundar ego: páueant illi, & non  
páueam ego: induc super eos diem  
afflictiónis, & dúplici contri-  
tióne cóntere eos, Dómine Deus  
noster.

Graduale. Pacíficè loquebántur  
mihi inimíci mei: & in ira molésti  
erant mihi. **V.** Vidísti Dómine, ne  
síleas: ne discédas à me.

Tractus. Dómine, non secúndum  
peccáta nostra, quæ fecimus nos, neque  
secúndum iniquitátes nostras retribuas  
nobis. **V.** Dñe, ne memíneris iniqui-  
tátum nostrárum antiquárum: citò  
anticipient nos misericórdiæ tuæ, quia  
páuperes facti sumus nimis. **V.** Ad-  
iuu anos Deus salutáris noster: & pro-

pter glóriam nóminis tui Dómine líbera nos: & propítius esto peccátis nostris propter nomen tuum.

Sequéntia sancti Euangélij secúndum Ioánnem.

**I**N illo témpore: Collegérunt Pontífices & Pharisæi concílium aduersus Iesum, & dicébant: Quid facimus, quia hic homo multa signa facit? Si dimíttimus eum sic, omnes credent in eum: & vénient Románi, & tollent nostrum locum, & gentem. Vnus autem ex ipsis Cáiphas nómine, cùm esset Póntifex anni illíus, dixit eis: Vos nescítis quidquam, nec cogitátis quia expedit vobis vt vnus moriátur homo pro pópulo, & non tota gens péreat. Hoc autem à semetípso non dixit: sed cùm esset Póntifex anni illíus, prophetáuit, quòd Iesus moritúrus erat pro gente, & non tantum pro gente, sed vt filios Dei, qui erant dispérsi, congregáret in vnum. Ab illo ergo die cogitauerunt vt interficerent eum. Iesus ergo iam non in palàm ambulábat apud Iudæos, sed ábiit in regiònem iuxta désertum, in ciuitátem quæ dicitur Ephrem, & ibi morabátur cum discíplis suis.

**O**ffertorium. Benedíctus es Dómine, doce me iustificatiónes tuas: & non tradas calumniántibus me supérbis: & respondébo exprobrántibus mihi verbum.

Secreta.

**P**Ræsta nobis misericors Deus: vt dignè tuis seruire semper altáribus mereámur; & eórum

perpétua participatióne saluari. Per Dóminum nostrum.

Altera Secreta, vel P rótege. vel Oblátis, quæsumus. fol. 137.

Communió. Ne tradideris me Dómine in ánimas persequéntium me: quóniam infurrexerunt in me testes iníqui, & mentíta est iníquitas sibi.

Postcommunió.

**S**Vmpti sacrificij, Dómine, perpétua nos tuitio non derelinquat: & nóxia semper à nobis cuncta depéllat. Per Dóminum.

Altera Postcommunió, vel Quæsumus Dómine. vel Hæc nos, quæsumus. fol. 137.

Super populum. Orémus.

Humiliáte cápita vestra Deo. Oratio.

**C**oncède quæsumus omnipotens Deus: vt qui protectiõnis tuæ grátiam quærimus, liberáti à malis omnibus, secúra tibi mente seruiámus. Per Dóminum.

S A B B A T O.

Statio ad S. Ioannem ante portam Latinam.

Introitus,



Miserere mihi Dómine, quóniam tribulor: líbera me, & éripe me de manibus inimicórum meórum, & à persequéntibus me: Dómine non confundar, quóniam inuocáui te. Psal. In te Dómine speráui, non confundar in ætérnum: in iustitia tua líbera me. Miserere mihi.

Oratio.

**P**Roficiat, quæsumus Dómine, plebs tibi dicáta piæ deuotiõnis affectu: vt sacris actiõnibus erudíta, quantò maiestati

tua

tua fit grátior, tantò donis potiò-  
ribus augeátur. Per Dóminum.

Altera Secreta, vel E cclésiæ tuæ.

vel Deus ómnium fidélium. fol. 136.

L éctio Ieremiæ Prophétæ.

**I**n dièbus illis: Dixérunt ímpij  
Iudæi ad ínuicem: Veníte, &  
cogitêmus contra iustum cogi-  
tatiónes: non enim períbit lex à  
sacerdòte, neque consílium à sa-  
piènte, nec sermo à Prophéta: ve-  
nîte, & percutiâmus eum lingua,  
& non attendâmus ad vniuersos  
fermónes eius. Attènde Dómine  
ad me, & audi vocem aduersariò-  
rum meòrum. Numquid réddi-  
tur pro bono malum, quia fodé-  
runt foveam animæ meæ: Recor-  
dâre quòd stéterim in conspéctu  
tuo, vt loquerer pro eis bonum, &  
auérterem indignatióem tuam  
ab eis. Proptèrèa dà filios eòrum  
in famem, & deduc eos in manus  
gládij: fiant vxóres eòrum absque  
liberis, & víduæ: & viri eàrum in-  
terficiântur morte: iúuenes eò-  
rum confodiântur gládio in præ-  
lio. Audiâtur clamor de dómibus  
eòrum: adduces enim super eos  
latrónem repèntè: quia fodérunt  
foveam vt cáperent me, & lá-  
queos absconderunt pédibus meis.  
Tu autem Dómine scis omne  
consílium eòrum aduersum me  
in mortem: ne propitiêris iniqui-  
tati eòrum, & peccátum eòrum à  
facie tua non deleâtur: fiant cor-  
ruèntes in conspéctu tuo, in tèm-  
pore furòris tui abútere eis, Dó-  
mine Deus noster.

Graduale. Pacíficè loquebantur

mihî inimíci mei: & in ira molésti erant  
mihî. *ψ.* Vidisti Dómine, ne síleas:  
ne discedas à me.

S equèntia sancti Euangélj  
secúndum Ioánnem.

**I**n illo tèm-pore: Cogitauerunt  
príncipes sacerdotum, vt & Lá-  
zarum interficerent: quia multi  
propter illum abibant ex Iudæis,  
& credébant in Iesum. In crásti-  
num autem turba multa, quæ vé-  
nerat ad diem festum, cum au-  
dissent quia venit Iesus Ierosóly-  
mam: accepérunt ramos palmá-  
rum, & processérunt óbuiam ei,  
& clamábant: Hosánna, benedi-  
ctus, qui venit in nómine Dómi-  
ni, Rex Israèl. Et inuénit Iesus  
aséllum, & sedit super eum, sicut  
scriptum est: Noli timère filia  
Sion: ecce Rex tuus venit sedens  
super pullum ásinæ. Hæc non  
cognouerunt discipuli eius pri-  
mum: sed quando glorificátus est  
Iesus, tunc recordati sunt, quia  
hæc erant scripta de eo, & hæc fe-  
cérunt ei. Testimónium ergo per-  
hibèbat turba, quæ erat cum eo  
quando Lázarus vocáuit de mo-  
numènto, & suscitáuit eum à mór-  
tuis. Proptèrèa & óbuiam venit  
ei turba: quia audiérunt eum fe-  
císse hoc signum. Pharisæi ergo  
dixérunt ad semetípsos: Vidè-  
tis quia nihil proficimus? Ecce  
mundus totus post eum ábiit.  
Erant autem quidam Gentíles,  
ex his qui ascénderant vt adorá-  
rent in die festo. Hi ergo acces-  
sérunt ad Philíppum, qui erat à  
Bethsáida Galilææ, & rogábant

eum, dicentes: Dómine, vólumus Iesum vidêre. Venit Philíppus, & dicit Andréæ: Andréas rursum & Philíppus dixerunt Iesu. Iesus autem respóndit eis, dicens: Venit hora, vt clarificêtur Fílius hóminis. Amen, amen dico vobis, nisi granum fruménti cadens in terram, mórtuum fúerit; ipsum solum manet. Si autem mórtuum fúerit, multum fructum affert. Qui amat ánimam suam, perdet eam: & qui odit ánimam suam in hoc mundo, in vitam ætérnam custódit eam. Si quis mihi ministrat, me sequâtur: & vbi sum ego, illic & minister meus erit. Si quis mihi ministráuerit, honorificábit eum Pater meus. Nunc ánima mea turbâta est. Et quid dicam? Pater, salúifica me ex hac hora. Sed propterea veni in horâ hanc. Pater, clarifica nomen tuum. Venit ergo vox de cælo: Et clarificáui, & iterum clarificábo. Turba ergo, quæ stabat, & audierat, dicêbat tonítruum esse factum. Alij dicêbant: Angelus ei locútus est. Respóndit Iesus, & dixit: Non propter me hæc vox venit, sed propter vos. Nunc iudícium est mundi: nunc princeps huius mundi eiiciêtur foras. Et ego si exaltatus fúero à terra, ómnia tráham ad meípsum: (hoc autem dicêbat, significans qua morte esset moritúrus.) Respóndit ei turba: Nos audiuius ex lege, quia Christus manet in ætérnum: & quómodo tu dicis, Opórtet exaltári Fílium hóminis? Quis est iste Fílius hó-

minis? Dixit ergo eis Iesus: Adhuc módicum lumen in vobis est. Ambulâte dum lucem habêtis, vt non vos ténebræ comprehédant: & qui ámbulat in tenebris, nescit quò vadat. Dum lucem habêtis, créдите in lucem, vt filij lucis sitis. Hæc locútus est Iesus: & abiit, & abscondit se ab eis.

**Offertorium.** Benedíctus es Dómine, doce me iustificatiónes tuas: & non tradas calumniántibus me superbis: & respondêbo exprobrántibus mihi verbum. **Secreta.**

**A** Cunctis nos, quæsumus Dómine, réatibus & periculis propitiátus absolue: quos tanti mystérij tribuis esse consortes. Per Dóminum nostrum.

**Altera Secreta, vel Prôtege nos.** vel O blátis, quæsumus fol. 137.

**Communio.** Ne tradideris me Dómine in ánimas persequéntium me: quóniam insurrexerunt in me testes iníqui, & mentíta est iníquitas sibi.

**Postcommunio.**

**D**iuíni múnneris largitâte factiáti, quæsumus Dómine Deus noster: vt huius semper participatióne viuâmus. Per Dóminum nostrum.

**Altera Postcommunio, vel Quæsumus Dómine.** vel Hæc nos. fol. 137. **Super populum.** Orémus.

**T**Veâtur, quæsumus Dómine, dextera tua pópulum deprecántem, & purificátum dignánter erúdiat: vt consolatióne præsénti, ad futúra bona proficiat. Per Dóminum nostrum.